

PARALIPOMENA AD
CELEBREM CON-
SVLTATIONEM

Nomine RR. Religioforum Abbatia S. Arnulphi, apud Metenses Latinè, & Gallicè factam.

Super postulatione ab ipsis Canonicè celebrata iuxta Concordata Germanica de Spectabili, & Clarissimo viro Domino ANDREA VALLADERIO Doctore Theologo, Metensi Canonico, Regio Ecclesiaste, & Metensis Episcopatus Vicario generali.

Quæ Doctores celeberrimi Transalpini censuerunt, consciuerunt, subscripserunt.

Salua semper in omnibus, atque integra sanctæ Sedis Apostolica Reuerentia.

PARISIIS,

M. D C X II.



ILLVSTRISSIMO AC RE-
uerendissimo Domino

D. R. V B A L D I N O

EPISCOPO A MONTE
Politiano, sanctæ sedis Apostoli-
cæ apud Regem Nuncio, Do-
mino suo colendissimo.



VANDO eo loco Pon-
tificia benignitate quo-
ad nostram Abbatiam
res est posita, vt nihil
ante voluerit iure actũ
quàm Cleri Metensis,
nostræque, & nostri postulati rationes
quasi ex plano exaudiantur : hoc quia
ita est, certè vicimus : nam qui e contra-
rio sæuierunt nullo iure, imò ne iuris qui-
dem colore vllò grassati sunt. Nos verò

A ij

tam certo, tamque inexpugnabili iure con-
 tendimus, vt ne qui dem semel omnium
 seculorum memoria, aliter quàm modo ex-
 petimus, fuerit actum. Aliquot men-
 ses euertendis Metensium Archiuiis,
 versandisque canonibus sacris insump-
 simus: celebres doctrina & pietate viros
 ad tanti negotij peruestigationem adhi-
 buimus, ex quo factum est vt tardius-
 culè Alpes transmiserimus, quo rem ex
 professo clauderemusi. Iam re matura, &
 nostrarum rationum ponderibus conglo-
 batis, æquum duximus tibi Apostolico
 Nuncio omnia fidere, viro quippe summa
 æquitate, singulari comitate, incredibili
 integritate, eximio, indefessoque rei Ca-
 tholicæ propugnandæ studio, rara verò
 exquisitaque difficillimis in rebus, atque
 temporibus constantia prædito, vt quæ es
 apud summum Pontificem fide, & au-
 thoritate quem in hoc regno Apostolicæ
 Majestatis viuum exemplar representas,
 illi nostri iuris momenta, Cleri vniuersi

Metensis potentissimus patronus exponas. Si qua autem ad obruendam, præfocandamque calumniam magis arcana internaque sunt, quam quæ publice edi debuerunt, ea ipsi summo Pontifici coram Deo, tersè explicatèque exponentur, excogitatorèsque calumniæ adeò expressè, potentèrque pendentur, ut certò confidamus fore, ut intentatas calumnias exhorrescat, calumniarum verò authores exsecretur; doleatque imprimis tantum hominum artes potuisse, ut in tam claro iure, tanto viro tantopere fuerit dimicandum, ad beneficiolum consequendum, cum passim pinguisima quæque multi ad omnia inutiles, imò plerumque ipsi Ecclesiæ Dei, cuius adipe saginantur, inuisi, exosique consequantur. Faxit Deus, ut quæ hac in parte ad illius gloriam adeò negotiosè cæpta sunt, tranquillius iam per annum deserta, orbataque nostra familia, aliquando claudantur. Quem nos interim impensè exorabimus, ut nobis

Nuncium adeò Apostolicum, adeoq. sanctum, totiq. Ecclesie ad maiora incolumem atque florentem conseruare dignetur. Parisiis 14. Maij, anno Domini, 1612.

Illustriss. Dominationis vestre,

Humillimi, necnon obsequentissimi famuli,

Vniuersus Conuentus Sancti Arnulfi.

ILLVSTRISSIME AC

REVERENDISSIME

Domine,



VLLA Religiosa familia ha-
 ctenus in his trāsalpinis par-
 tibus grauiores perſenſit rui-
 nas, quàm noſtra, à quinquaginta iam annis omni vexa-
 tionum genere ita ſpoliata, vt ducento-
 rum millium aureorum, vt minimum, ia-
 cturam tantullo tempore ſit perpeſſa. Pri-
 mum domus ampliffima, tum à Carolo
 magno, eiufque filio Ludouico Pio, tum
 à variis aliis Galliarum Regibus, qui apud
 nos cum Ludouico ſepulti iacebant, Re-
 giè, ac magnificè in ſuburbano ſtructa,
 dotataque bellorum iniuriis penitus cō-
 planata, & vitibus conſita præter parie-
 tum, locique ſanctiffimi incomparabilem
 vaſtitatem, nobis pluſquam quinquagin-
 ta millium aureorum iacturam intulit.
 Exinde cū adhuc prædia, ſacræque ſu-
 pellex ſuper'eſſent, ecce ſub annum mille-
 ſimum quingentefimum ſexageſimum

A iiii

sextum, d'Ausancæus Hæreticus Calu-
 nista castri Gubernator, Abbate Iuinuilla
 defuncto, Abbatiam inuadit licentia tem-
 porum insolescens, omnem numeratam
 Abbatis pecuniam domesticam, quæ ad
 triginta librarum millia pertinebat, sa-
 cramque suppellectilem omnem exportat:
 omnia ex agris, locisque campestribus, ar-
 menta, & pecora abducit: præcipuos
 quosque religiosos in reorum capita-
 lium custodias coniicit, aliquos ad extor-
 quendam pecuniam tormentis excruciat:
 tandem cum fundos, agrósque sorbere
 non posset, nos omnes adigit, ut illi spon-
 sione scripta obligaremur duodecim du-
 catorum aureorum millia persoluturos.
 Quare cum aliter fieri non posset, pin-
 guissimos quosque fundos vilissimo pre-
 tio oppignerare adacti fuimus, unde illi
 summam conficere possemus: sic ut de
 Abbatia satis opulenta, vix quinque Fran-
 corum millia huc vsque fuerint Abbati
 relicta; duodecim verò millia pignoribus
 maneat iam tot annos secularium mani-
 bus alienata. Bonis ita distractis, Abba-
 te extincto, domo spoliata: Desiderium
 Toussanum Abbatem elegimus. Totis
 quatuordecim annis illi diploma Aposto-

licum à Pio quinto pernegatū fuit, patrū Dominicanorū artib. qui ideò intercesserāt, quòd suam desertā domū nobis intra vrbis pomærium ab vrbe, atque à Rege traditam, sibi restitui efflagitabant, donec Regis interuentione, summus Pontifex nostrarum calamitatum commiseratione permotus Toussano diploma concessit: postquā tamen litigando immensis sumptibus, quæ triū millium aureorum summam excederent penè oppressi fuissetus, præter Annatæ, aliorūque sumptuum expensas, quæ nos penitus exhauserunt. Sub hæc Sēnetonus Castro Metēsi gubernator aduenerat, oppignerationem quæ primum cuidam Grozio hæretico cesserat, cū per commodam, & perquæstuosam esse intelligeret, ipse sibi addicendam summa persoluta redemit. Hic postea Toussanum Abbatem exorauit, vt filium Carolum Sennetonum Abbatiae coadiutorem sibi adscisceret, vicissim pollicitus pignora se domui libera, integræque cessurum, quod sponsione per Amanuenses transacta, stipulatæque ipse iuratus, adscriptusque firmavit. Ergo filius coadiutor adsciscitur (nolumus enim omnia exprobrare, nisi sua sanctitas imperauerit, aut in

iudicio nostrī iuris tuendi causa necesse fuerit) is fuit nuper extinctus Abbas. Tantum verò abest, ut promissis pater eius steterit, ut ex eo tempore omnia tentarit, ut prædia illa Abbatia oppignerata in perpetuum patrimonio addita alienaret. Parenti defuncto filius Sennetonus nobilis miles, Abbatis germanus frater, non solum in illa pignorum occupatione, sed etiam in voluntate Abbatia potiundi, successit. Is est igitur qui fratre Abbate extincto, cum æs Abbatia alienum plusquā viginti librarum millibus auxisset, ad illa pignora continuanda, & tandem hæreditati per longam occupationem adicienda, syngrapham Regiam impetrauerat, qua illi Abbatia donabatur. Inter hæc an temporum perturbatione, an calamitatū incommodis, apud nos admodū religiosa disciplina diffluxit: quam tamen pro nostra virili aliquanto restituere nobis in votis semper fuisset, si eos, quos oportuit Abbates nacti essemus. Igitur tantorum malorum pertæsi, & nouorum conatuum, atque consiliorum minimè ignari, mox ut postremus Abbas è viuis excessit, in id vnum incubuimus omnes, ut quoniam syngraphæ Regiæ impetrator

in aula Regia multum autoritate polle-
ret, virum aliquem insignem Regi carum,
sux Sanctitati commendatum, rei Ca-
tholicæ, in hac vrbe hæresi corruptissima
vtilem, ac necessarium postularemus.
Quare cum nemo aut aptior aut capa-
cior, tum pietate, tum doctrina reperiri
posset, concordi consensu omnes, plane
diuino instinctu, spectabilem virum Do-
minum Andreæ Valladerium Doctore
Theologum eximium, Concionatorem
Regium tota Gallia celeberrimum, Illu-
striss. Cardinalis Giurij Episcopi nostri,
Vicarium generalem, sanctæ Sedis Apo-
stolicæ defensorem acerrimum, imò Cal-
uinianæ hæresis omnium iudicio in his
partibus, & toto Gallia regno flagellum
notissimum, postulauimus, cum ipse nihil
penitus de hoc nostro consilio cogitaret,
neque de ea re nobiscum, vel sua, vel alie-
na opera, vnquam egisset. Postulationem
exactam PAVLO QUINTO Pon-
tifici Optimo Maximo cum primum ob-
tulimus, illum obtestati vti tot nostro-
rum exitiorum misertus, tam præsens,
tamque optatum solatium nobis conce-
dere dignaretur. Ecce tamen iam vnde-

cim totis mensibus itando, litigando, expectando, plusquam duo millia nummum aureorum, iam ære alieno plusquam oppressi insumpsimus, eosque mutuò magnis fœnoribus hinc inde acceptos, vota nostra adeò iusta, sanctaque distulit, preces nostras non audit, nos in squalore, & luctu iacentes contempsit, maleuolorum quorundam, præsertim hæreticorum inuentione excogitatis sacrilegis calumniis, ut rumor est, retardatus, qui tamē pro sua incredibili benignitate, eximiâque clementia, nihil hætenus nostro præiudicio præstitit, imo uti ex litteris, quas ipse ad illustrissimū Cardinalem de Giury scripsisti, nuper accepimus, Summus Pontifex eo loco rem esse voluit, ut interea liberum otium iuris nostri apud suam sanctitatem exponendi, disceptandique haberemus, quod ea qua par est demissione facere ausi sumus, his octo capitibus, nullo alio, quàm sincerissimæ veritatis apparatu breuiter expositis: quæ enim fusius, atque in iustū volumen variis Doctorum, exquisitisque sententiis valde plausibiliter expendi possent nos compendiarie perstrinximus. quippe qui suæ sanctitati clarissimum ius nostrum exponere tantum pensi habea-

mus; cui cum otium esse non possit singula hinc inde sparsa perlegere, omnia in vnum cogere, & ad facilitatē Typicis characteribus exprimere commodum, atque vtile, imo ad posteritatem iucundum fore iudicauimus.

CIVITATEM Metensem verè, & propriè, atque primariò concordato Germanico contineri. **I.**

IURE concordati Germanici non modo electiones, verum etiam postulationes, iure eodem compræhendi, & suam sanctitatem ad vtrumque pari iure teneri. **II.**

TAMETSI iure concordati Germanici postulationes minimè continerentur; non ideò ius de Abbatia nostra disponendi ad suam sanctitatem, ea causa deuolui, cum nulla nostra culpa interuenerit. **III.**

ABBATIAM sancti Arnulphi præter concordata Germaniæ, etiam vi indultorum, quæ à quamplurimis summis Pontificibus concessa sunt, tumque possessione immemorabili, numquam hætenus interrupta, potestatem eligendi, semper habuisse. **IV.**

IURE electionis vi indultorum, & possessione numquam hætenus interturbata, postulationes pari iure, si Canonice **V.**

& concordēs fuerint contineri, atque utrasque eodem iure à summo Pontifice admitti debere.

- VI.** *QVAMQVAM* iure communi electionum postulationes non comprehenduntur, neque ad illas admittendas sua sanctitas teneretur; tamen cum nulla in re peccauerimus deuolutione nostri iuris nos puniri non posse, neque propterea ius esse, de Abbazia prouidendi ad sanctitatem suam, deuolutum.
- VII.** *POSTVLATIONEM*, à nobis de tanto, tamque insigni viro factam planè Canonicam, atque concordem, suisque omnibus numeris absolutam, & perfectam esse; ideoque minimè reiiciendam. Imò quamquam postulatio manca, ac mutila, atque etiam propter formam reiecta esset, non idcirco ius nostrum deuolui posse, neque postulati nostri personam recusari, cum idem ipse exactiori forma postulari possit.
- VIII.** *TANTVM VERO* abest vt postulati nostri insignissimi viri persona reiici possit, vt quamuis nullum ius concordati, nullum indulti, neque eligendi, neque postulandi haberemus, ipsaque Abbazia, purè, ac nudè ad suam sanctitatem spectaret, om-

nes tamen sperare deberent à summa illius clementia paternaque prouidentia, illum cuiuis alij anteponi debere. Imò etsi aliquo vitio nobis incognito reiectus esset, non ideò tamen nos iure nostro eligendi decidissemus cùm innocentes multari non possint.

PRIMUM.

CIVITAS METENSIS

verè, & propriè atque primariò,

Concordato Germanico

continetur.



RIMA RATIO. Nicolaus Quintus ille ipse Pontifex, qui cum imperatore Friderico, cæterisque Principibus, & cum vniuersa natione Germanica, anno

salutis humanæ millesimo quadringentesimo, quadragesimo octauo, concordata contraxit, id ipse ex professo speciali diplomate adeò seuerè sanciuit, nulla vt difficultas possit esse reliqua. Diploma autem

paulo ante sanum, atque integrum in consultatione retulimus.

Quo in diplomate celebri atque authentico quatuor potissimum complectitur rationes, quibus omnino conuincitur, ciuitatem Metensem concordato intimè, ac propriè contineri. 1. Quod Conradus Metensis Episcopus, atque Metens. Capitulum statim extincto schismate, sanctæ sedi Apostolicæ obedientiam, vnà cum aliis Germaniæ præsulibus, atque principibus præstitissent. Constat autem Apostolicam sedem, ad consiliandam Ecclesiam diuturnis schismatibus laceratam, eos ex natione Germanica, qui maturè & opportunè vero, atque Germano Pontifici obtemperassent concordato Germanico arctissime deuinxisse, vt deinceps illa mutua, atque pontificia clementia vehementer obstricti, in obedientia, obseruantiaque Catholica permanerent. Vnde sequitur neminè tota Germania arctius concordato, quàm ciuitatem Metensem includi. 2. Quod pontifex maximus concordati author expressè voluerit, sanxeritque primario concordato Treuerensem Archiepiscopum cum Ecclesiis, suffraganeisque sibi subiectis, si obedientiam suo tempore

pore exhibuissent, compræhendi; nemo vero eat inficias Metensem Episcopum eius suffraganeum esse, simulque cum Germanicę Ecclesię præsulibus exquisitæ obedientię numeros expleuisse. 3. Quod Metensis Episcopatus ipsius Alemannię finibus, quę in concordato ipso Germaniæ annectitur contenta sit, idque ex idiomate, quo maxima pars Episcopatus etiam hodie vtitur, quoque ante triginta annos tota ferè ciuitas vtebatur, ostendit; ad quod addimus nos, ex omnium historicorum sententia ipsiusque imperij chartariis, atque codicillis, Metensem ciuitatem secundam imperij Metropolitanam censi, ipsumque Episcopum sacri imperij Principem & esse, & dici, cui iure feudi quamplurimi nobiles, Barones, Comites, Marquiones, ex intima Germania sunt subiecti. Quare cum in ipso principali concordato dilerte legatur cum principibus germanicę nationis tum secularibus, tum Ecclesiasticis factum fuisse concordatum, nemo autem vnquam dubitarit Metensem Episcopum dici, & esse, & fuisse semper imperij, hoc est nationis germanicę principem, atque ex eorum numero, qui obedientiam sedi Apostolicę suo tempore ex-

hibuissent, sane necessario consequitur principale concordatum, etiam cum Metēsi Episcopo fuisse contractum. Vt omit-
tam dicere in Metensi Episcopatu, viginti Archipresbyteratus contineri, in quibus vndecim, quæ est maior pars, in mera Germania, seu Alemania numerantur; atque cum præter collegiatas, & Monasteria, solæ ecclesiæ parœciales quingentæ censeantur, eo numero ducentæ septuaginta sex in intima Alemania comprehenduntur. 4. Quod ipse pontifex qui concordata fanciuerat hoc ipsum concepto diplomate ex professo declarat, Sux intentionis semper fuisse & esse, vt Episcopus & ciuitas Metensis concordati beneficio gauderēt.

IN OMNIBVS ET PER OMNIA PERINDE AC SI IPSI EPISCOPVS, CAPITVLVM, ET ALII COLLATORES HVIVSMODI IN EISDEM LITERIS, ET TOTALIEORVM SVBSISTENTIA COMPRAEHENDERENTVR ET INCLVDERENTVR, AC IN EIS NOMINATI SPECIFICE, ET EXPRESSE FVISSENT. Quid potest ab vlllo mortaliū clarius, atque certius in eam rem afferri? Summus pontifex ait ipse fuisse suæ voluntatis cum principale concordata-

rum faceret in eo Metensem Episcopatum comprehendere; quis melius potest legis concordati mentem, quàm ipse legislator exponere? aut quis potest ambigere id in cōcordato primario contineri, quod in eo se fuisse complexum ipse legislator affirmat? Quod autem separatum diploma pontifex edidit, eo fuit, non quod necesse esset; asserit enim ipse legis author se Metensem Episcopatum primario concordato complexum esse, neque quòd speciali gratia id ad instar præstiterit, expressisset enim conceptis verbis, sed idè quia iã ab initio quidam seditiosi, & quietis publicę perturbatores quadam prurigine litigandi illam dubitationem mouerant ad iniquas lites de alternatiuis excitandas, quæ adhuc hodie tametsi seuerissimè ab ipso legislatore compressæ, maxima nostra iniuria excitantur, cùm nulla penitus dubitatio in ipsius legis conceptis verbis contineatur. Omnes autem confidimus fore vt sua Sanctitas non minus istas lites Deo maximè inuisas, & publicæ utilitati, & Religioni Catholicæ admodum perniciosas detestetur, quàm Nicolaus Quintus, aut cæteri summi pontifices, quibus neque clementia, neque æquitate, neque

B ij

sanctimonia vlllo modo cedit.

SECUNDA RATIO, cur ciuitas *Me-*
tensis concordato germaniæ compræhen-
 datur, ea est, quòd summi pontifices, qui
 hætenus sedi Apostolicæ præfuerunt, imò
 quod caput est, ipsemet *PAVLVS V.* sunt
 aperte professi id ita esse; adeò vt nullus
 omnino reperiatnr omnium pontificum
 maximorum memoria, qui ius illud no-
 strum concordati germanici ipsa luce
 clarius in dubium vnquam reuocare vo-
 luerit; quod maximum & inexpugnabile
 nostræ causæ firmamentum confidimus
 esse.

Neque obiici potest pontifices maximos
 cum concordato nos contineri suis di-
 plomatibus expresserunt, id ad instar in-
 tellexisse, primo enim *Nicolaus V.* vt vi-
 dimus, ait, cum concordatum principale
 contraheret, suæ mētis fuisse in eo tunc
Metensem Episcopatum compræhende-
 re; ergo iam sub concordato erat, ante-
 quàm id speciali diplomate declararet. De-
 inde cùm res esset summi momenti, certè
 id minimè tacuissent, saltemque semel,
 post omnium hominum memoriam, ex-
 pressissent. Si autem aliquando aliqui in
 suis diplomatibus dixerunt, ius concordati-

ti germanici ad Episcopatum Metensem
 fuisse autoritate Apostolica extensum,
 ideò est, vel quia id nobis non vocatis, a-
 que indicta causa perfunctoriè dictum est,
 vnde præiudicare nobis non potest, vel
 certè quòd in ipso concordato principali
 expressè natio germanica ad Alemaniam,
 qua Metensis Episcopatus cõprehenditur,
 extendatur, quod Nicolaus Quintus con-
 cordati author conceptis ipse verbis de-
 clarat: quare ex illa extensione consequi-
 tur, nos principali concordato fuisse com-
 præhenso, cùm in eo ipso facta fuerit ipsa
 extensio. Sunt enim concordati principa-
 lis huiusmodi verba. *Et per hoc quod in con-*
cordatis huiusmodi, sine quibusvis alijs eorum oc-
casionè conficiendis literis propter compendiosio-
rem descriptionem Alemania specialiter appella-
tur, natio ipsa censerì non debet à Germanica na-
tione distincta, seu quomodolibet separata. Me-
tensem autem Episcopatum Alemania
contineri nemo vnquam dubitavit. Ipse-
que Nicolaus V. concordati author, vt vi-
dimus, ipse declarat his verbis. Cum magna
pars nedum diœcesis, imò & ciuitatis Metensis
in Alemania limitibus, in quibus per habitato-
res Teutonico eloquio communiter vtitur consti-
tuta existat, nosque etiam voluerimus quod

Alemania à natione Germanica separata non foret. Quod si maioribus nostris sancta Apostolica sedes id sine vlla difficultate concessit, cur nobis solis nulla nostra culpa denegetur? *Certè iniuria fit successori si illi priuilegium denegetur, quod prædecessori eius fuit concessum.* Inquit Glossa à Panormitano cæterisque laudata in l. de postulatione prælatorum, cap. 2. Bonæ memoriæ. idque demonstrat ex iure ciuili. ff. de aqua quotid. & æst. l. i. §. penult. vbi dicitur si aliquis haberet speciale priuilegium à principe acceptum ducendi aquam ad fundum suum, ei fieri iniuriam, qui succedit in fundo, si ei priuilegium simile denegatur.

Ecce verò ne in infinitum abeamus pauca, atque postrema, in omnibus ciuitatis Metensis Monasteriis, aliisque dignitatibus monimenta concordati Germanici immemorabili, & irrefragabili possessione tot sæculis confirmati: in omnibus verò litibus terminandis **ULTIMVS BENEFICII STATUS ATTENDITVR.**

Primus occurrit Episcopatus à quo equidem cæterorum beneficiorum regula peti debet. Certè in diplomate illustrissimi Cardinalis de Giury in Metensem Episcopum confirmati ita Paulus V. Pon-

tifex Max. ipse sine vlla exceptione, aut ambiguitate loquitur. *Dilecti filij Capitulum dictæ Ecclesiæ (Metensis) ad quos iuxta Concordata inter sedem Apostolicam, & nationem Germanicam inita, sub quibus Ecclesia ipsa comprehenditur electio personæ idoneæ, per Romanum Pontificem pro tempore existentem eidem Ecclesiæ dum vacat ad electionem huiusmodi præficiendæ, pertinere dignoscitur pro futuro Episcopi Metensis electione celebranda, vocatis omnibus, &c.*

Quæ eadem verba in diplomate ipsius successoris per accessum designati domini Marquionis de Verneuïl, ne syllaba quidem immutata, reperiuntur, ab eodem summo Pontifice Paulo V. expressa, imò etiam vti certis authoribus accepimus suâ ipsam sanctitatem non piguit in tanta totius mundi Christiani cura, cum de negotio episcopatus Metensis illustrissimo Cardinali Giuryo per postulationem conferendi ageretur, rem totam accuratius per seipsam, aliósque cognoscere. Quare cum Domino Marquemontio Gallo Rotæ auditori viro clarissimo, integerrimo ac celeberrimo mandasset, vti rem exactius expleraret, suâque sanctitas in id incubuisset, ferunt suam sanctitatem iis, quæ

comperta fuerant, quæq. ipsa etiam comperisset, persuasam asseruisse ciuitatē Mentensem alterius rationis à Tullensi & Verdunensi videri, certoque Concordans Germaniæ comprehendendi: nec sanè aliter sentire potuit, cum ea forma, vt iam dictum est, diploma concefferit.

De Capitulo cathedralis Ecclesiæ nihil est laborandum cum vsus immemorabilis, qui in dispositione beneficiorum omnium semper obseruatus est nihil sit aliud, quam ipsa integra forma spirans, ac loquens totius Concordati Germanici. Nam prima dignitas à summo Pontifice confertur, decanatus, & aliæ sola electione consistunt: Canonicatus alternis mensib. à sua sanctitate, alternis à Capitulo, videlicet Febr. Aprili, Iunio, August. Octob. Decēb. cōferuntur. Hoc nulla cōtrouersia pacificè vsque hodie obseruatum est: nunquam super ea relitigatū: aut si aliquādo litigatum est, nostro iure cognito, semper omnia ab ipsa forma concordati summi Pontifices definierunt, quo argumento nullum potentius, nullum efficacius adduci potest. Porro eadem omnia in cæteris collegiatis religiosissimè retinentur, videlicet sancti Saluatoris, & sancti Theobaldi,

vt nihil sit necesse in re ipso sole clariori
hærere diutius.

Sequuntur Abbatia Metenses numero
septem, quatuor virorum, tres monialiũ,
præter Cisteriensem, & Præmonstraten-
sem, quæ omnes iure concordati, nec nõ
electionum beneficio usæ sunt, ac de om-
nibus dicere nimis longum, de tribus præ-
cipuis commodum erit, quæ ordinis eius-
dem sancti Benedicti habentur.

Abbatiam sancti Vincentij iuxta con-
cordata Germaniæ semper elegisse, tum
ex plurimis prouisionib. tum ex his dua-
bus apparet. Nam domini Claudij Iaco-
bi de Leocuria à summo Pontifice Paulo
III. secundum concordata Germanica
verbis conceptis, confirmata electio est.
Anno domini millesimo, quingentesimo,
quadragesimo nono. 3. Kal. Iunij.

Dominus Ioannes Saulnerius, qui adhuc
viuit eodem iure Germanici concordati
sublectus est, eiusque electio à Clemente
VIII. Confirmata, anno millesimo sex-
centesimo Kalendis Octobris. Qui ini-
tio cum illi Abbatiam motu proprio vo-
luisset concedere, nondum de nostris iu-
ribus satis instructus, re tamen accuratè
perpenſa, more aliorum statim ex electio-

num iure concessit, eiusque electionem facile confirmavit, in hæc ipsa verba sacro consistorio representatam, atque conceptam, *Monachi seu Religiosi eiusdem Monasterij (sancti Vincentij) libere congregati, coadunati, & in vnum conuocati pro electione noui Abbatis in dicto Monasterio facienda, & celebranda iuxta canonicas sanctiones, & ordinis salubria statuta, & sicuti inueterata consuetudine vigore inclytæ nationis Germanicæ concordatorum prædecessores monachi, & religiosi eligere consueuerunt.* Ad quæ summus Pontifex omnino consensit, & iuxta eadem iura electionem confirmavit, vt patet ex ipso diplomate, quod ne nimis prolixi simus, omittimus.

Ad Abbatiam sancti Symphoriani. Paulus III. Eodem iure concordati electione desiderij Regis confirmavit anno Domini millesimo quingentesimo quadragesimo tertio, octauo Kal. August. *Quem dilecti filij Conuentus eiusdem Monasterij ordinis sancti Benedicti ad quos electio Abbatis ipsius Monasterij, dum pro tempore vacat, iuxta cõcordata nationis Germanicæ, &c. seu alia priuilegia Apostolica pertinet. Pro futuri inibi Abbatis electione celebranda, vocatis omnibus. &c.*

Illæ aliorum; hæc nostra & propria, quæ

authētica, & minimè vitiata producimus: nam post urbem Metensem protectioni Regiꝛ deditam, tres modo Abbates Abbatix S. Arnulphi extitere.

Primus Benedictus Iuinuillanus anno Domini M. D X L V. in cuius diplomate à Paulo III. summo Pontif. hæc authētica exprimuntur. *Quod tu, qui ut asseris per dilectos filios eiusdem monasterij (S. Arnulphi) & Conuentum, ad quos ius eligendi Abbatē illius, dum pro tempore vacat, ex concordatis nationis Germanicæ, &c. seu ex indulto Apostolico pertinet pro futuri inibi Abbatis electione celebranda, vocatis omnibus, &c. Via Spiritus sancti concorditer electus fuisti. Addit ex indulto, quia non solum iure concordati, verum etiam indulti gaudent, ut videbimus.*

Secundus Desiderius Touffanus anno Domini M. D L X X V I. in hanc formā à Pio V. in Abbatem concepto diplomate confirmatus. *Dilecti filij Prior & Conuentus dicti monasterij (S. Arnulphi) pro futuri inibi Abbatis electione celebranda, vocatis omnibus qui voluerunt, &c. Te Priorem claustralem dicti monasterij ordinem ipsum expresse professum in presbyteratus ordine constitutum in suū & ipsius monasterij, sic ut præfertur vacantis abbatem iuxta cōcordata nationis Germanicæ, &c.*

Via Spiritus sancti concorditer elegerunt, &c.
 quæ eadem verba in relatione solemnī in
 sacro consistorio facta quam præ manibus
 bemus iterantur.

Tertius atque vltimus Carolus Senne-
 tonus, à Clemente octauo, anno 1594. in
 coadiutorem Desiderij Toussani admitti-
 tur, verum cum coadiutio tantum extite-
 rit, in qua tamen iuris eligendi religiosi
 concessi mentio habetur, non debet cen-
 feri à Toussani prouisione diuersa.

Verum ne in re appertissima hæere vi-
 deamur, addimus id quod debet esse in-
 star omnium. Graues, & irrefragabiles ha-
 bemus Rotæ præiudicatas de eadem dif-
 ficultate sententias. Anno Domini 1513.
 voluit summus pontifex nostram Abba-
 tiam S. Arnulphi Domino Ioanni serenif-
 simi Ducis Lotharingiæ germano fratri
 proprio motu conferre. Nos iura nostra
 concordati germanici defendere aggressi
 negotium agitauimus. Litem habemus
 contestatam, publicumque processum,
 quæ exhibebimus, vbi testes vtrique
 auditi, varias Rotæ decisiones proferunt,
 quibus iam pridem præiudicatum est Me-
 tensem urbem, adeoque nostram Abba-
 tiam ad concordata germanica pertinere:
 tandemque in causa præcipua obtinuimus,

valuitque nostra electio ut nihil sit necessesse plura congerere. Præsertim verò cum à Rota nunquam aliter fuerit iudicatum, in causis eiusmodi. Illustriores tamen illæ decisiones minimè sunt prætereundæ. Vna de Ecclesia quadam parochiali coram R. D. guidobono 19. Nouembris, an. 1552. teste Caputaquens. decis. 178. parte prima. Et alia coram R. P. D. de Rubeis 29. Nouembris, 1577. Et alia coram illustrissim. D. Blanchet. die 13. Iunij, an. 1581. Et aliis quamplurimis, qua passim exhibentur.

TERTIA RATIO, quānos Germaniæ concordato fulciri demonstratur, ex regū testimoniis petitur, qui omnes ab eo tempore, quo in suam protectionem Metensem Urbem susceperunt, per Regias litteras conceptis verbis nostrum illud ius non modo agnouerunt, verum etiam sanctum atque inuiolatum semper esse voluerunt; nosque in illo Regia authoritate tutati sunt: ea si quidem conditione ciuitatem sub sua tutela Regia susceperunt, ut in perpetuum omnia illius priuilegia, præcipuè vero Ecclesiastica iura, facta, testaque conseruarent, quod ipsimet Reges sanctè cum ciuibus sine controuersia stipulati sunt, ac ne omnibus recensendis nimium immoremur, tres vltimi satis esse poterunt instar

omnium.

Henricus III. per Regias litteras anno Domini 1576. 5. Septembris expeditas, quas fideliter è Gallico Latinas fecimus. *Cum sæpe numero Religiosi, Abbas atque Conuentus sancti Arnulphi ordinis sancti Benedicti apud Metenses Carissimo Domino & fratri nostro Regi Carolo I X. bonæ memoriæ, nobisque ad regni gubernacula appulsis exposuerint se præfata Abbazia vacante fra. Benedicti Iuniuillani obitu ex eo tempore Abbatem fra. Desiderium Toussanum Abbatiae Priorem elegisse, prout illis per concordata Germanica est consuetum, atque concessum, &c.*

Henricus Magnus, qui tertio in regno successit clementissimus atque potentissimus priuilegiorum Metensium conseruator ac tutor, etiam Regiis Codicillis efficacius hæc eadem ipsa sanciuuit; Anno Domini 1596. mense Nouembris. Nos gratia nostra speciali, absoluta potestate, & authoritate Regia, hoc nostro edicto æterno sanciuimus, *ut præfati primicerius, Decanus, Canonici, Capitulum, & vniuersus Clerus Metensis, conseruentur, protegantur, uti eos conseruari, ac protegi volumus; sub iure priuilegiorum concordati nationis Germanicæ, quoad suorum beneficiorum dispositiones, quemadmodum hæctenus semper ritè, & pacifice vsi, ac potiti sunt, hodieque etiam*

utuntur, potiunturque, &c.

Ludouicus XIII. maximi, potentissimi, clementissimi parentis Henrici Magni filius clementissimus atque potentissimus, pari benignitate superiores Henrici Magni litteras verbo ad verbum, Regina præsente, sancienteque, & singula concordati Germanici, aliaque vniuersa nostra eadem iura Rhemis, cum cœlesti oleo in Regem inauguratus vngeretur, & quasi ad ipsa suæ inaugurationis altaria confirmauit, Anno 1610. mense Octobri.

Atque imprimis cum, vltimo Abbate nuper extincto, Breuetum quoddam regium, vt vocant, vti in nouo regno subrepticium Abbatis frater à Rege impetrasset, nos veriti, ne eo pacto priuilegia nostra electionum, atque concordati Germanici violarentur, nostrum postulatum orauimus, totiusque Cleri Metensis, vt moris est, opem, & adiunctionem adhibuimus, vt ad sanctius, secretiusque Regis consilium se conferrent, eo animo vt subreptitij breueti fraude Regi detecta nobis iura nostra, sancta, atque integra Regis edicto seruarentur. Quod Regis clementissimi benignitate, Reginae sanctissimæ, & Christianissimæ summa religione, totius-

que Regij consilij mirabili æquitate obtinimus, cuius edicti Regij solennissimi authoritate, breuetum illud antiquatum, reiectumque est, ius electionis concordati Germanici Clero Metensi nobisque seruatum, nostriq. postulati postulatio Regi reginæque, atque vniuerso consilio benignè probata, laudataque: in quo noster postulatus, non modo rem præclaram, & ad posteritatem cum gloria transmittendam, pro priuilegiis Cleri Metensis præstitit, verum in eo ipso sanctæ sedi Apostolicæ, Ecclesiæque vniuersæ operam nauauit. Ecce autem edicti sententiam, ad memoriam Regis beneficentissimi sempiternam.

LVDÖVICVS DEI GRATIA REX
FRANCORVM, ATQVE NAVARRAE,
Omnibus ad quos litteræ præsentēs perucenerint, salutem. Dilectissimi nostri Clerus vniuersus ciuitatis, & totius ditionis Metensis, & Religiosi Prior, & Conuentus sancti Arnulphi ordinis sancti Benedicti in eadem ciuitate, nec non dilectus noster, ac fidus. Mr. Andreas Valladerius Sacrae Theologiæ Doctör Consiliarius, Eleemosiniarius, & concionator noster ordinarius, nobis humillimè exponi fecerunt, indultis antiquissimis summorum Pontificum, atque concordatis cum
natione

natione Germanica initis se ius eligendi cum res postularit in beneficijs electioni subiectis ciuitate, & ditione Metensi compræhensis, semper hætenus habuisse. Quare etiam iura eadem sibi conseruata, atque confirmata fuisse à Regibus qui nos præcesserunt, speciatimque à nobis, qui illis in eam finem nostræ declarationis, protectionis, & confirmationis litteras Rheinis mense Octobri concessimus. Quorum omnium iure freti Religiosi præfata Abbatia sancti Arnulphi, cum mense Iunio elapso ipsorum Abbatia obitu Caroli Sennetoni vacante, loco defuncti Abbatis canonicè postulassent præfatum Magistrum Andreæ Valladerium virum ad rerum Abbatia, tam spiritalium quàm temporalium gubernationem valde capacem, atque idoneum, nobisque ideò humillimè supplicarint vti eos ad suorum priuilegiarum effectum conseruare, ac protegere dignaremur, proindeque postulationem ab ipsis factam gratam & ratam haberemus : tum etiam æconomatus litteras, aliasque Ludouico Sennetono, aut alij à nobis concessas renocare, & antiquare dignaremur, illique & cuilibet alij prohibere, ne præfatos Religiosos, Priorem, atque Conuentum, in bonorum ac iurium Abbatia administratione turbare vllomodo audeant. Quorum omnium attentà ratione habita, postquam rem omnem sanctiori nostro consilio discutiendam, litterasque Regum

prædecessorum nostrorum, nostrasque præfatis
 Religiosis sancti Arnulphi, Cleroque Metensi
 vniuerso pro suorum iurium, & privilegiorum
 confirmatione concessas, nec non postulationem
 præfatam de præfato Magistro Andrea Vallade-
 rio factam peruidendam commisissimus, Regina
 honoratissima domina, & matre nostra præsentem,
 & sanciente, Regiæ stirpis Principibus, alijsque
 Principibus, ac primarijs Regni officiarijs, &
 alijs quamplurimis nostri consilij amplissimis viris
 adstantibus. NOS PRVDENTI CONSILIO
 nostræ domine ac matris Regiæ freti, nec non
 confisi de fidelitate quam ad nostra obsequia sem-
 per exhibuit præfatus Dominus Valladerius po-
 stulatus, de egregijs etiam atque eximijs dotibus
 quibus est præditus perfectè instructi conscijsque,
 gratia speciali, absoluta potestate, & authoritate
 Regiæ, præfatæ postulationi consentimus, & gra-
 tam habemus, quam de præfato Magistro Valla-
 derio ad Abbatiam sancti Arnulphi, vti dictum
 est, fecerunt. Insuper seuerè inhibemus, prohibe-
 musque præfato Ludouico Sennetono alijsque om-
 nibus, ne litteris nostris ad œconomatum, alijsque
 concessis vrantur, quas nullius momenti esse vo-
 lumus, vetamusque ne illarum vi Sennetonus
 aut quius alij audeant impostero se guberna-
 tioni aut administrationi rerum ac fructuum præ-
 fatæ Abbatie ingerere, aut vlllo modo immiscere;

Verum ipsos Religiosos, Priorem, atque Conuentum sancti Arnulphi omnia colligere, regere, & administrare liberè sinant, Vt ipsorum futuro Abbati præfato postulato seruentur, ac si quæ iam Vi litterarum ad œconomatum prædictum concessarum percepta fuerunt, illis restituantur omnium redditu, atque exacta ratione. Dilectissimo igitur, ac fido cognato nostro mandamus Duci d'Espèrnon Pari Franciæ, &c. In quorum omnium fidem sigillum nostrum præsentibus apponi iussimus. Datum Parisiis 13. Septembris, anno salutis 1611. Regni nostri secundo.

L O V Y S.

Ex quibus omnibus manifestò conuincitur ciuitatem Metensem verè, & propriè, atque primariò concordato Germanico contineri: Quare cùm in causa Abbatix Belli Campi Episcopatus Virdunensis Rota Romana conclusit Tullum, Virdunum & Metas tantum ad instar ad concordata Germanica pertinere, nihil nobis præiudicare potuisse: deceptam enim fuisse apparet similitudine Virdunensis & Tullensis Episcopatum, qui tantum ad instar, & peculiari priuilegio à Leone X. impetrato concordatis continentur, nosque indemnos, & inauditos, atque, indicta causa, nulla nostra defensione, in re tanti mo-

menti damnari iure non potuisse, nemo est qui non facile intelligat, maxime vero cū sape in contrarium vi concordatorum Germaniæ, eadem Rota hætenus in nostri gratiam iudicauerit, prout iam supra demonstrauimus. Quæ autem fuerit causa huius differentiæ inter Metensem, & Viridunensem Ecclesiam, satis ea ex Vvasburgo colligitur, in lib. antiquitatum Galliæ Belgicæ, fol. 490. & sequent. Cum enim circa ea tempora quibus concordata Germaniæ contracta fuerunt, Ecclesia schismate inter Eugenium, & Felicem laborasset, Viridunensis Ecclesia, vt patet ex eius decreto ibidem per Vvasburgum relato, decreuit à partibus Galliæ Regis stare, quæ tum ad schismaticum vergebant, eodemque decreto statuit quo ad beneficia pragmaticam sanctionem admittere, quam Biturigibus in nationali synodo Carolus septimus Regno vniuerso induxerat. Quare cum è contrario Metensis Episcopus, vti ex diplomate Nicolai V. demonstrauimus mature Germano Pontifici obedientiam præstitisset, ideoque sub concordatis Germaniæ compræhensa fuisset, accidit satis longuo post tempore, vt Viridunenses susceptæ pragmaticæ sanctionis pœnitent-

tes, iam sedato schismate, cum à Leone X. pragmaticam sanctionem funditus, proh dolor! abolitam vidissent, ab eodem Pontifice petiuerunt, vt peculiari diplomate illis beneficio concordati Germanici vti liceret, veriti ne concordato Gallico à Leone inducto inuoluerentur, eoque pacto ius electionum amitterent. Quare cum se ipsi sanctioni pragmaticæ, vsuique Gallicanæ Ecclesiæ vltro subiecissent, singulari beneficio summus Pontifex illos concordato adiunxit Germanico, cum gallico subiici debuissent.

C iij

SECVNDVM.

IVRE CONCORDATI

Germanici, non modo electiones, verum etiam postulationes iure eodem comprehendendi, & suam sanctitatem ad utrasque pari iure teneri.



PRIMA RATIO, quia conceptis verbis ipsamet concordata omnem penitus beneficiorum dispositionem, nulla penitus excepta, tantum abest ut postulationes excipiant, complectuntur, in hæc conceptissima verba : *Placet etiam nobis quod per quamcumque aliam reservationem, gratiam expectativam, aut quamvis aliam dispositionem, sub quacunque verborum forma per nos vel autoritate nostra factam, vel faciendam, non impediemus nos quominus de illis cum vacabunt de Februarij, Aprilis, Iunij, Augusti Octobris, & Decembris mensibus libere disponatur per illos ad quos eorum collatio, promissio, presentatio, ELECTIO, SEV QUAEVIS ALIA DISPOSITIO pertinebit, reservatione, aliæ*

*quavis dispositione auctoritate nostra factis, vel
 faciendis non obstantibus quibuscumque. Quæ
 eadem ipsa verba in declaratione Nicolai
 V. de ciuitate Metensi superius allata, ne
 apice quidem immutato, referuntur; Præ-
 terea constat vt nihil omittamus postula-
 tionem nostram, mense Iunio fuisse factā.
 Porro postulationes variè illis verbis com-
 præhenduntur. 1. prouisio. 2. dispositio. 3. ele-
 ctio. per prouisionem posse postulationem
 intelligi, nemo potest dubitare cum hacten-
 us nemini fuerit dubium, postulationem
 esse aliquam prouisionem. Equidem Ho-
 stiensis in 1. de postulatione prælatorum,
 exactissimè. nam cum in definitione postu-
 lationis posuisset, ad prouidendum Ecclesiæ,
 subiungit. Hoc ideo dixi, inquit, quia tribus
 modis prouidetur Ecclesiis; per electionem Ca-
 nonicam. Item per postulationem concordem, &
 de his duobus modis prouidendi. 1. c. bonæ memo-
 riæ. 2. per nominationem & solemnem prouide-
 tur, & de his tribus habes. c. bonæ memoriæ. 1.
 Ac sane id expressissimè habent verba Ca-
 nonis quæ citat, quæ sic habent. Mandan-
 tes quatenus cum his, qui vocem in electione ha-
 bere noscuntur per electionem, postulationem, seu
 nominationem Canonice in personam idoneam
 conuenire curetis: Vbi Glossa, Quia talis nomi-*

natio satis similis est postulationi, imò quasi idem est, unde dicit postulationem, seu nominationem. Quod etsi nō esset, etsi est tamē. Nemo nō videt cū summus Pontifex QVAMVIS ALIAM DISPOSITIONEM, ait, nullam omnino excipere, cum præsentiones etiam apponat postulationibus multis partibus inferiores; ipsaque postulatio sit sine vlllo dubio aliqua dispositio; alioqui numquam in iure Canonico postulationum mentio haberetur, si beneficiorum non esset aliqua dispositio.

Quod si quis obiiciat in concordato postulationes minimè nominari, sed inibi, illa tantum esse in hunc modum expressa. *Fiant electiones canonicae, quæ ad dictam sedem referantur, quas etiam ad tempus felicitis record. Nicolai Papæ III. quæ incipit Cupientes expectabimus, & elapso dicto tempore si non præsentatae, vel si præsentatae minus canonicae fuerint, providebimus, & si canonicae fuerint eas confirmabimus, &c.* Hoc vero est in hac causa potissimum explicandum, cum in eo totius negotij, sine controuersia, cardo versetur.

SECUNDA RATIO. Igitur illa ipsa est inexpugnabilis concordato Germanico non electiones modo, sed postulationes etiam comprehendendi, quia nomine electio-

nis postulationes pariter continentur: im-
 primis enim ea est omnium canonistarum,
 nemine excepto, qui sit alicuius nominis
 aperta & indubitata sententia. Qui vno
 consensu decernunt eidem esse ius postu-
 landi, cui ius est eligendi: quod vt facilius
 explicent duo postulationum genera di-
 stinguunt: vnum earum quæ sunt factæ in
 discordia, id est dimidia aut maiori electo-
 rum parte dissentiente, vel cùm aliquis
 electorum conqueritur se fuisse contem-
 ptum, & iniuste omissum, vel cum etiam
 omnium consensu postulatur, qui non est
 idoneus, videlicet spurius, infans, illitera-
 tus, aut similis: aliud eorum, quæ concor-
 di omnium, vel duarum partium consen-
 su de viro idoneo, & ad maiorem vtilita-
 tem Ecclesiæ factæ fuerint, quæ postulatio-
 nes canonicæ atque concordēs appellan-
 tur. Atque inde concludunt priores illas,
 quas diximus esse triplicis generis, non ca-
 nonicas; mera gratia superioris niti, neque
 ad eas vlllo modo teneri, posteriores au-
 tem etiam iure niti; atque ad eas superio-
 rem omnino teneri, quamuis aliqua etiam
 gratia nitantur, quòd qui postulatur aliquo
 modo inhabilis est, cui gratia superioris
 supplere debeat: verum hoc quoque con-

cludunt ad eam ipsam gratiam faciendam
superiorem reuera teneri; vnde apparet, eos
qui semper in ore habeant postulationes
sola gratia niti, aut nihil omnino, aut parum
in iure canonico esse versatos. Hæc igitur
paucis expedienda. 1. Qui ius habeant eli-
gendi habere postulandi: 2. postulationes
canonicas iure niti, non sola gratia, non
canonicas autem niti sola gratia: Quare
simpliciter, & absolute ad postulationes ca-
nonicas admittendas superiorem teneri,
neque eas sine postulati, & postulantium
iniuria recusare posse. 3. gratiam postula-
tionibus etiam canonicis aliquam inesse,
verum illam non esse specialem, sed gene-
ralem gratiam, atque ad illam, quæcumque
sit faciendam superiorem teneri, neque eam
posse sine iniuria recusare. 4. Quomodo in-
telligendum sit summum Pontificem ad
concordata, ad electiones, & ad postula-
tiones teneri; Id est, quid sit gratia gene-
ralis.

- I. Quærit Syluester, quis possit postula-
re, respondet, *omnis qui potest eligere. verb.*
postulatio. Idem Hostiensis quem citat: ex-
ponit exactè ranormitanus in 1. Bonæ me-
mor. 2. de postulatione prælat. §. 3. *Præscri-*
bens ius eligendi in aliqua Ecclesia dicitur præf-

scripsisse etiam ius postulandi. Probat ex ipso canone Bonæ memoriæ. Hoc notanter probat ista littera in principio, nam isti Suffraganei dicebant postulationem attentatam eis contemptis, qui ius habebant eligendi vna cum canonicis & sic ex iure eligendi, inferebant ad ius postulandi. probat ratione. Quia præscribens ius eligendi habet respectum ad acquirendum ius in genere. POSTULATIO AVTEM EST QVASI PARS ELECTIONIS: & per postulationem peruenitur ad effectum electionis. Probat luculenter ex i. decretalium Can. in causis. de electione. Vbi apertissimè capitulum Tholosanum, cui erat facultas eligendi, cum vsque ad duas electiones fecisset non concordēs, postea Episcopum Conuenarum postulasset, electiones reiectæ fuerunt, postulatio verò, quia fuerat concors, fuit admissa: ea de causa quod quibus fuerat iussu ut eligerent, postulauerant, ut ibi in hæc verba dicit Pontifex. Quia vero postulatio de Episcopo Conuenarum, quæ præcesserat (electione) facta erat per eos in quos totum capitulum eligendi transtulerat potestatem, propter quod vnanimiter de consensu totius capituli intelligitur esse facta, electionem ipsius Archidiaconi discernimus irritandam. Quocirca mandamus, &c.

In quem canonem glossa pulcherrimè,
Hic habes quod qui dati erant ad eligendum pos-
sint postulare. Et postea affert eandem ratio-
nem quam ex Panormitano attulimus,
quod à postulatione ad electionem, seu ad ef-
fectum electionis perveniatur. Eiusdem sen-
tentix sunt Anchar. in cap. final. de postul.
prælat. Decius in rubr. eod. tit. num. 5. Et
alij in dict. cap. final. Est autem adeò ve-
rum eum qui habet ius eligendi habere
etiam postulandi, ut postulatio, quod ex
citato canone clarissimè apparet electioni
præferatur: in eo si quidem omnes cano-
nistæ conveniunt, si postulatio fuerit cō-
cors, electio vero à duabus tantum parti-
bus, vel si postulatio fuerit duarum par-
tium, electio autem tantum unius, fore
omnino ut electio reiiciatur, postulatio ad-
mittatur. Gloss. in 1. c. Bonæ memoriæ. 1.
ad hoc enim ut postulatio præiudicet electioni re-
quiritur ut numerus postulantium sit duplo ma-
ior numero eligentium. Vbi statim obiicit
glossa, videri minimam partem eligentiū
debere præferri multis postulātibus, quod
vulgo dicatur postulationem inniti soli
gratiæ, electio vero iuri nitatur, sibi que
respondet postulationem & gratiæ, & iuri
niti, & fieri iniuriam postulato, imò & postu-

lanti Ecclesie, si postulatus idoneus non admittatur, sed hoc statim ex professo tractabitur. At frustrâ hîc insudamus, cùm sit canon ex professo in eam sententiâ cur & quando postulatio electioni præferatur in 1. de electione ca. scriptum. & vbi sunt pro hac sententia textus, & Glossæ mirabiles : interim ea ex modo dictis certissima conclusio inferatur necesse est. Nos Religiosi Sancti Arnulphi, qui decem ad electionem conuenimus, si ex nobis quatuor aliquem ex nostro numero elegissent, ceteri sex dominum Valladerium postulassent, certe ex iure, atque ex omnium Doctorum sententia postulatus electo præferendus esset, itâque in iudicio absque dubio decerneretur, vnde satis supérque concluditur, qui habeant ius eligendi, habere pariter postulandi; cui veritati tamen ne vllus scrupulus relinquatur, addenda insuper est exquisitissima glossa, apud Gratianum in 1. distinctio. 61. ca. nullus inuitis: *Quid si data est aliquibus potestas vt eligant & ipsi postulant extraneum? teneat postulatio, licet autem apertè sint egressi fines mandati, tamen fecerunt id quod est vicinum mandato, vt. ff. Ind. soliam tamen §. vltimo: vbi notandum in textu canonis postulationem à summo Pontifi-*

ce vocari electionem his verbis. *Tunc autem alter de altera eligatur Ecclesia, si de civitatis ipsius clero nullus dignus poterit reperiri.* Hoc autem est postulari, ideoque præcipit Pontifex, ut quando non inuenitur qui eligi possit in aliqua Ecclesia, alius aliunde postuletur.

Ex quo Panormitanus in 1. de postulatione prælat. super Rubricam ait olim in iure canonico electionis, & postulationis nomina idem fuisse, & pro eodem usurpari consuevisse. Item haud dubie censeret Rebuffus in concordata Franciæ, ubi hæc habet. *Quid si postulauerint aliquem an valeat? Videtur quod sic, quia iura loquentia in electione, habent etiam locum in postulatione, gloss. in cap. 1. de postul. prælat. & in cap. finali de electione in 6. Et hoc cum agitur de electione in genere, ut fit in nostra causa.* Nam in concordatis Franciæ dubitat Rebuffus an speciatim etiam sit relictum ius postulandi: cum enim illud concordatum Regiū interdixisset omnes electiones, & postulationes in genere. §. 1. postea in §. ultim. tantum reservat iis qui habent eligendi privilegium electiones, nulla facta mentione postulationum, unde est probabile non reservasse postulationes, quare addit

Rebuffus, *contrarium fortè erit verius de stricto iure*, hoc est in concordato cum Rege inito, quamquam sanè etiam in eo Rebuffus fallitur: nam passim in Gallia nulla penitus fit differentia inter electiones & postulationes apud eos qui ius habent electionum; quod doctissimi quique aduocati Parisienses responderunt: idque ipsa praxis quotidiana testatur, vt in Abbate S. Genouefæ intra muros Parisienses, qui fuit nuperrimè postulat⁹. Quod a. Rebuf. in §. i. ait. Postulationem admitti ex gratia non de rigore iuris, intelligit de postulatione discordi. Nam citat cano. i. Bonæ memor. de postulat. prælat. vbi agitur de postulatione discordi, vt ante vidimus, Quare Rebuffus notat ibidem duplicem postulationem, & remittit ad gloss. quam modo citauimus in nostram sententiam. Ac reuera in principali concordato Germaniæ vtrumque pro eodem habuisse videtur Pontifex: vbi enim beneficia apud sanctam sedem vacatura reservat summo Pontifici, ita loquitur, *Nec non ad quæ aliqui in concordia vel discordia electi, seu postulati fuerunt, quorum electio cassata, seu postulatio repulsa, vel per eos facta renunciatio, & admissa auctoritate nostra extiterit, &c.* Vnde

etiam deducitur potētissimum argumen-
tum per electiones etiam postulationes in
concordatis intelligi, cū enim summus
Pontifex illas sibi postulationes æquē, ac
electiones reseruet, cū vacarint benefi-
cia in Romana curia, equidem sequitur si
in Romana curia non vacarint postulation-
es, non magis quam electiones sanctæ se-
di esse reseruatas: contractus enim est re-
ciprocus & illa disunctione *electi seu po-*
stulari, se eandem rem compræhendisse si-
gnificat. Adde priuilegia esse amplian-
da, ex vulgata regula, odia vero restrin-
genda, quo argumento Zacharias in Pa-
normitanum in 1. cap. Bonæ memor. 2. uti-
tur ad probandum qui habeāt ius eligen-
di habere postulandi: nam quæ in toto iu-
re odiosa in pœnam de electionibus san-
ciuntur, eadem ad postulationes exten-
duntur, ut glossa in 1. de postulatione præ-
lat. can. Ad hæc. *Qui sciēter indignum elegerint*
eligendi ea vice potestate nouerint se priuatos,
& ad postulationem extenditur, ut hic & 1.
de elect. cap. bonæ memoriæ. in fin. Et hoc idè est,
quia per postulationem peruenitur ad electionē.
Hæc glossa pulcherrimè; ex quibus effici-
tur multo magis quæ de electionibus in
concordato dicuntur in gratiam, ad po-
stulationes

stulationes protendi debere. Ergo qui habent ius eligendi, habent etiam postulandi.

Iam postulationes canonicas non sola gratia sed iure niti, non canonicas autem sola tantum gratia consistere. Et si ex proximè dictis satis sequitur; tamen speciatim probatur Glossa in 1. decretal. cap. postulationem. de postulatione prælat. dixerat POSTULATIO DEPENDET EX GRATIA. Statim post tamen determinauerat; dicit Papa quod per huiusmodi postulationem nullum ius acquiritur postulato, & ideo sine præiudicio alicuius poterat prædictam postulationem repellere. Pontifex enim in illo canone de postulatione non concordiloquebatur: nam vnus eligentium fuerat contemptus, & se contemptum ac spreum fuerat conquestus, quo casu nulla omnino erat postulatio: sunt enim verba Pontificis. *Licet ergo per postulationem huiusmodi nullum ius sit alicui quasitum, ideoque sine præiudicio alicuius postulationem potuissimus repellere memoratam, ut tamen vobis de speciali gratia consulamus, &c.* Ex his idiotæ, quod dictum est de postulationibus non canonicis, eas tantum niti ex gratia; nec per eas ius vllum acquiri postulato,

D

etiam ad canonicas extēdunt, contra omnium quotquot vnquam celebres fuerūt canonistarum vulgarem, tritamque sententiam. Ecce Panormitanus quid dicat in glossam iam iam citatam, quæ dixerat huiusmodi postulationem sola gratia niti. *Iste (inquit Panormitanus) textus procedit quando postulatio non est concorditer facta, vel agitur contra eam de contempto, unde pondera litteram, ibi. PER POSTULATIONEM MEMORATAM, unde refert se textus ad illam postulationem: secus autem dicendum est quando postulatio fit propter vtilitatem seu necessitatem Ecclesiæ, & concorditer saltem à duabus partibus collegij: Nam talis postulatio non potest reiici sine iniuria postulantium & Ecclesiæ in qua facta est postulatio. Panormitanum Syluester clarius fufiusque distinguit in hunc modum verbo postulatio. Queritur, inquit Vtrum per postulationem acquiratur aliquod ius postulato, & notat Panormit. in cap. postulationem, quod quando postulatio non est concorditer facta, saltem à duabus partibus, seu agitur contra eam de aliquo contempto per eam etiam præsentatam superiori, nullum ius acquiritur postulato vel alteri: & eam potest superior sine cuiusquam præiudicio reiicere, & consequenter eam non admittendo*

iniuriam non facit, sed quando postulatio fit propter utilitatem, reiici non potest sine iniuria postulantium & Ecclesie in qua facta est, & hoc casu secundum Hostiensem, ut refert supplem. acquiritur ius postulantibus, adeo ut petere possint confirmationem. ar. de elect. cum monasterium, sed non acquiritur ius postulo, nisi fuerit postulatio presentata: quia tunc ei ius acquiritur, &c. Imo hoc casu postulatus praefertur electo. de elect. ca. scriptum. nisi postulatus esset minus idoneus. de elect. ca. dudum. vel dic melius tu quod etiam ea presentata non acquiritur ius postulo, quando est inhabilis. Hæc ille. Qua eximia illius doctrina habetur postulationes factas in discordia, vel aliquo electorum iniuste contempto, vel de persona non idonea, & inhabili pendere ex mera gratia; factas autem concorditer & de persona idonea, & ad utilitatem Ecclesie ius postulo conferre, imò & postulanti Ecclesie cum superiori fuerint presentata. His duobus adde insignissima canonistarum lumina Ioannem Andream in c. cum monasterium, l. de electione, & Hostiensem loco citato, quos Panormitanus, & Sylvester referunt, Gosfridum, & Diuum Antoninum. Diuus Antoninus paucis in summa verbo postulatio; Viri;

inquit, per postulationem aliquod ius acquiratur postulato. Respondeo secundum Ioannem Andream super V I. postulatio si concors fuerit, vel saltem à duabus partibus facta, pendet quidem à gratia generali, tamen secundum quosdam peti potest confirmatio. extra de electione. ca. cū monasterium, & si talem admisserit superior dicetur facere gratiam, & si non admisserit facit iniuriam: si autem non sit facta in concordia vel à duabus partibus, tunc pendet à gratia speciali, extra cap. Postulationem. & cap. Bon. memor. Hostiensis omnium exactissimè negotiū tractat. lib. 1. de postulatione prælatorum. Cuius illæ sunt spississimæ rationes. Naso. dicit quod per postulationē acquiritur ius si enim non haberet ius postulatus non admitteretur ad appellandum. I. tit. cum inter. Item postulatio & electio equiparantur, ut patet in his quæ notati, supra §. cum postulandus. Vbi dixerat, quia per postulationem ad electionem peruenitur, & quod tribus modis prouideretur Ecclesiis: per electionem canonicam, per postulationem concordem, & per nominationem solemnem. Item Gosfridus dixit quod postulato non acquiritur ius per quod agere possit cum ex gratia pendeat: tamen si postulatio fiat in concordia, & de digno ex debito incumbit superiori illam admittere, quod si non

fecerit iniuriam facit. Item, acquiritur ius postulato, quia postulantes resilire non possunt ex quo repræsentata est. Item, Ego quicquid alij cantauerint, sic distinguo, si in vnum conueniunt duæ partes capituli, & postulatio fit ex causa, puta propter vrgentem necessitatem, vel evidentem vtilitatem Ecclesiæ, acquiritur ius postulantis adeò quod, & confirmatio peti potest. ar. 1. tit. 1. cum monasterium, sed non acquiritur ius postulato, nisi fuerit superiori præsentata, alioqui ius acquiritur, sicut dixit Gofridus. Item, Multo fortius hoc locum habeat, si vnanimis, & concors sit postulatio. Item, si vnus eligatur, & alius postulatur, & in postulatum duæ partes conueniunt, & ex causa fit, præfertur postulatio, & vincit electionem, ergo in hoc casu fortior est quam electio. Ioan. And. in capit. Bon. memor. in verbo gratia ait: Ergo & ex iustitia, sed plus ibi de gratia, quia facta à minori, quam tertia parte. Card. Zabarella in c. postulat. in notand. 1. Postulatio, inquit, dependet à gratia, vel subtilius, postulatio minus debite facta dependet à gratia, quæ verò non peccat in materia, vel forma, non dependet à mera gratia, sed habet partem iustitiæ, sed indebite facta, vt quia peccat in materia, vel forma, non habet aliquid iustitiæ, sed dependet à mera gratia, & talis est de qua in dicto capite. & in cap.

præced. & propterea notanter dicitur quod postulatio nullum ius tribuebat, &c. Vbi omnia exacte prosequitur Bald. in c. fin. eod. tit. num. 5. notat, quod licet postulatio antequam sit præsentata nō tribuat potestatem postulato in Ecclesia, nec in administratione, tamen si postulato iuridicè nihil obijci potest, non debet denegari assensus. Anton. de Butrio. in dicto cap. Bonæ memor. nu. 47. dicit quod si subest causa postulationi acquiri quoddā ius debitum ex æquitate, quia gratia, & dispensatio tunc est debita, & si denegatur, dicitur postulato fieri iniuria, & in cap. fin. nu. 22. dicit quod postulatio ex gratia specialissima non necessitat superiorem, sed si subest causa, necessitat. Cosmus Guymier ad pragmatiscam sanct. in rubric. de election. verbo postulatio. ait disertè. Quod postulatio dependet à gratia speciali superioris, quando non est facta in concordia, aut saltem à duabus partibus, seu agitur contra eam de contempto, sed interueniente concordia aut duabus partibus dependet à gratia generali, maxime si fiat propter necessitatem, vel utilitatem Ecclesiæ, nec potest reijci sine iniuria postulantium, & Ecclesiæ, in qua facta fuit postulatio. Quicquid sit equidem, nullus omnino inter doctores reperietur, qui in eo

non omnino conueniat, si postulationes illæ concordēs non admittantur, fieri iniuriam non solum postulantibus, verum etiam postulato. Glossæ profecto illud est celeberrimum dictum extra cap. Bonæ memoriæ. i. de postulatione prælatorum. GRATIA ERGO FIT POSTV-LATO SI ADMITTATUR, INIVRIA SI REPELLATUR. ff. de aqua quotidiana, & æst. l. i. §. penul. & iterū. Vnde non solum postv-lato, sed postv-lantibus fit inivria, si postv-latvs est idonevs, et repel-litur. ff. qui satis. d. cog. l. si vero. quod autem addit glossa. *Hoc ideo dixit (ex gratia) quia per huiusmodi postulationem, sine gratiam ius non acquiritur postulato, & paulo post. Item idem superior istum potest concedere vel repellere, quia non tenetur ei facere gratiam nisi velit, quia nemo inuitus cogitur de suo facere beneficium.* Sane quidem apertissimè loquitur de postulatione de qua Pontifex in cō-textu, quæ fuerat in summa dissensione facta, & ideo ex mera gratia pendebar vt diximus. Neque enim tribus, aut quatuor versiculis interiectis, sibi glossa ipsi aduersaretur clara sunt illa in textu Pontificis verba. *Attendentes autem ex altera parte quod*

prædictus Episcopus à minori quam tertia parte fuerit postulatus, & quod Apostolica sedes postulationes huiusmodi non consuevit in tanta divisione, ac contradictione recipere, &c. Ex quo fortissimum argumentum elicitur: omnes consentiunt iniuriam fieri postulato, si non admittatur, & postulantibus; sequitur igitur postulato, & postulantibus ius aliquod esse quæsitum, alioqui nulla illis iniuria inferretur. Vnde ibidem eadem glossa ulterius progressa cum dixisset de postulatione discordi, & ideo quia gratia est, non compellitur prælatus concedere postulatum; mox de postulatione concordi subiungit, si tamen iusta causa exigit, debet compelli per superiorem prælatus, ut postulatum concedat. I. de iure patronatus. c. nullus. & statim post. Item. indirecte quodammodo compellitur illum concedere si est idoneus, quia tenetur ei providere in simili beneficio. I. de iure patro. c. pastoralis. Iustam porro illam causam ex dictis omnes exponunt, cum est postulatio concors facta de idoneo, idque ad maius bonum ecclesiæ: nulla enim usquam iustior excogitari potest. Quod autem ait si superior talem postulatum non admittat posse cogi per superiorem, imo tenere ad simile beneficium postulato conferendum, facile etiam

arguit ius inesse aliquod postulato, & postulantibus: Panormitanus vero illa postrema hoc pacto temperauit in eam glossam; summum Pontificem cum nullum in terris superiorem habere possit præter Deum, à nemine posse cōpelli nisi à seipso, cum sit dominus omnium, & superior omnium, & à solo Spiritu sancto, & conscientia ad id quod æquum est possit impelli. Tamen ex eo quòd alij superiores cogi possint, vt postulationes huiusmodi admittant, apertè consequitur illis aliquid sui iuris denegare, & inferre iniuriam. Quæ vt omnia manifestissimè conuincantur vnus ille canonis textus sit instar omnium, ex quo solo ignaris suspicio emanauit postulationes sola gratia niti, is est extra in i. cap. Bonæ memoriæ. de postulatione prælat. paulò antea allato, vbi postquam dixisset apostolicam sedem postulationes huiusmodi non consueuisse in tanta diuisione, ac contradictione recipere. Ex templo adiungit. *Cum etiam quando aliquis ab alijs vnanimiter postulatur ad admittendam postulationem eorum* NON TAM EX IUSTITIA QUAM EX GRATIA MOVEATUR. Vbi luce clarius Pontifex id generis postulationes ex iustitia admitti profitetur, ad-

dit tamen etiam admitti ex gratia. Atque hoc ipso argumento ex textu canonis repetito probat Hostiensis ius acquiri postulato in hæc verba, *ubi dicit, NON TAM EX IUSTITIA QUAM EX GRATIA, non debet excludi, ergo non de iustitia sed de gratia; imo debet concludi, ergo de iustitia & gratia, Quod postea explicat illo exemplo. Sicut dicitur vulgariter, in hoc Cypho non est tantum de vino quantum de aqua, quem textum ita debere intelligi, tum ex re ipsa, tum etiam ex glossa, quæ inibi est satis aparet, quæ eodem in loco ponit illud axioma memorabile quod potest esse instar omnium.*
 NOTA ITEM QVOD POSTVLATIO ET IVRI, ET GRATIAE INNITITVR.

- III. Tertiū enim id erat quod propositum fuerat explicandū; in postulationib. etiam canonicis semper aliquam gratiā inesse, tamen ad illam gratiam faciendam teneri Pontificem, pro quo illa est glossa insignis in sexto. cap. cupientes, de electione, & electi potestate, ubi habetur in textu, *postulationes non minus dependere intelligantur à gratia, quam antea dependebant, ubi glossa verbo gratia. Gratia scilicet illa generali de qua dicitur supra de rescriptis. cap. sedes. & cap. nonnulli. &*

ca. Vlt. & de torneamentis. ca. 2. & hoc si postulatio concors fuit vel saltem à duabus partibus facta, in quo casu secundum quosdam potest peti confirmatio. supra cum monasterium, & si talem admiserit superior dicetur facere gratiam, & si non admiserit facit iniuriam. Si autem non sit facta in concordia vel à duabus partibus, & ex causa, dependet ex gratia speciali. Cum vero aiunt Doctores (potest peti confirmatio) intelligunt æquipollere electioni, cuius confirmatio petitur, ut postulationis non concordis petitur gratia. Accedat Panormitanus in i. cap. postulationem. de postulatione prælat. Nota ibi (de speciali gratia;) quod postulationis admissio pendet à gratia; sed intellige, modo prædicto, quando postulatio non est facta in concordia: tunc enim interveniente concordia dependet à gratia non speciali, sed generali, ut notavi in ca. cupientes. Quippe in ea glossa quam proximè attulimus. Idem habet D. Antoninus, loco quem ante citavimus; idem Ioannes Andreas, idem cæteri, quos fastidiosè congerere nihil est necesse. Quod autem adiunximus, etsi gratia sit ad illam exhibendam superiorem teneri, eleganter sane Panormit. in cap. Bonæ memoriæ. i. de postulatione prælato. in eam glossam antea allatam, iniuriam fieri postu-

lato, & postulantibus, si postulatio non admittitur; Nam gratia quandoque est debita, & subest iusta causa illam faciendi, inquit panormit. & citat exquisitam admodum glossam apud Gratianum in 2. causa 1. quæst. 7. cap. exigunt causæ, vbi pulcherrimè explicatur, quid sit gratia generalis. Cum ergo, inquit, hic sit rigor, & ibi misericordia, potius debet iudex sequi misericordiam, quam rigorem, & sic iam videtur quod dispensatio sit debita, quia præceptum misericordiæ omnibus est commune, & sententia quæ misericordiam vetat est fugienda, & concedo quod quandoque sit debita, & iudex peccaret si non dispensaret, non tamen est perditum ius per quod petatur dispensatio sicut eleemosynam dare tenemur pauperi, pauper tamen nullo iure petit: tamen ad petendam dispensationem potest implorari officium iudicis. Pulchro eleemosynæ exemplo demonstrat aliquam gratiam esse quæ debetur, & quæ recusari sine iniuria nō potest, cum subest, iusta & legitima causa, vnde cōcludit cogi posse superiorem per iudicem ad illam gratiam faciendam, si iudici alicui illum subesse contigerit. Hostiensis loco citato eadem iisdem penè verbis inculcat. Sic dispensatio, inquit, ex gratia petitur, & tamen ad ipsam ex causa concedendā superior tenetur 2.

c. Domino sancto. 2. ca. si quis diaconus, sicut & pauperi elemosynam petenti non datur actio, & tamen dives tenetur ipsam dare, iuxta illud, omni petenti te tribue. Addere possumus qui domum habet in ciuitate, si eam ob' reipublicæ commodum, aut necessitatem dederit, gratiam faciet; poterit tamen compelli à republica vt gratiam faciat pro commodo, & necessitate publica. Iam igitur hoc paucis enucleandum est, quid iuris, quid gratiæ postulatio complectatur, loquimur autem de postulatione concordii, & de idoneo, & facta ob vtilitatem, & necessitatem Ecclesiæ: nam cum aliæ sunt postulationes non concordēs vel de non idoneo, videlicet de puero, de spurio, de irregulāri, vel nulla euidenti vtilitate Ecclesiæ, omnes mera gratia innituntur. In aliis vero, quas verè canonicas apellamus, tria sunt iuris, vnum gratiæ. i. totum ius quod electores habebant in illum cōtulerunt, quod bifariam probatur: primo quia ex iure, tum postulantes, tum postulati debent expensas facere ex redditibus postulato reseruatis, quod indicium est iam in beneficium ius aliquod esse vtrisque quæsitum; verba sunt cōcepta in canone cupientes. in sext. i. de electione, quod postulati huiusmodi exhi-

bere expensas aliquibus non teneantur, sed postu-
 lantes ipsi concorditer, vel discorditer expensas
 ipsas personis talibus subministrent: quo in loco
 glossa pulcherrime, sed quid est iustum vel
 quid iudicat equitas canonum? Respondeo si ele-
 ctio, vel postulatio factæ sunt in concordia, pos-
 sunt eligentes, & postulantes expensas facere de
 bonis pertinentib. ad prælatū: & si de suo fecerint
 recuperare possunt factas. Et hoc intellige, siue
 obtinet, siue non, siue dignum elegerint, siue indi-
 gnum dummodo ignoranter: sufficit enim quod
 non fuerint in dolo. Hæc glossa ubi longè ali-
 ter distinguit, de iis qui sunt in discordia
 electi, aut postulati, ut potè quibus nullum
 ius inest. Probatur secundo postulantes
 ius suum totum in postulatum huiusmodi
 contulisse, quia postquam postulatio præ-
 sentata est Papæ, postulantes resilire non
 possunt, quod argumento est illis ius suum
 in illum pro ea vice transtulisse: nam si ius
 nullum postulato acquisitum est per po-
 stulationem, ergo postulantes sunt in co-
 dem iure, in quo ante postulationem fue-
 rant: hoc patet ex electione; electores. n.
 publicato scrutinio iure suo iam spoliati
 censentur, cum ad eligendum de nouo re-
 silire non possint, & hæc est doctrina om-
 nium canonistarum; Canon ipse hoc ha-

bet ex professo. extra. in i. cap. Bonæ memoriæ 2. de postulatione prælatorum. Si enim postquam postulatio subscriptionibus postulantium roboratur, & præsentatur Romano Pontifici approbanda, possent ab ea recedere postulantes nobis frequenter illuderent, & glossa in eum Canonem; nota, inquit, postquam postulatio præsentata est superiori non possunt ab ea recedere postulantes nec mutare consensum, sicut nec post electionem. Panormitanus ita in eundem. cap. Bonæ memoriæ rem liquido exponit. Postquam postulatio est præsentata summo Pontifici, non possunt postulantes ab ea recedere, & alium eligere vel postulare, sed debent postulantes expectare iudicium Papæ super admittendo, vel improbando illam postulationem. Et ex hoc infertur à contrario sensu, quod antequam postulatio sit præsentata superiori, possunt postulantes variare innito postulato, & ex hoc habes unam differentiam quoad facultatem variandi inter postulationem & electionem; nam in electione non admittitur variatio post publicationem scrutinij, ut in c. publicato. i. de elect. Sed in postulatione admittitur variatio quantumcunque sit publicatum scrutinium, & postulatio inde sit sequuta; satis enim est ut non sit superiori præsentata, & statim rationem reddit eius rei; quia videlicet postulato nullum ius est quæsitum,

nisi postquam fuerit superiori postulatio præsentata, uti supra fusè ostensum est; unde addit Panormitanus, & ex hoc textu collige vnam regulam, quod quis potest variare sæpe antequam ius sit alteri quæsitum, secus si ius est quæsitum alteri ut in d. Clement. Idem autem glossa proximè citata ibidem in hæc verba dixerat, postquam dixisset non posse postulationem variari, postquam fuerit præsentata. Et nota, inquit, quod differentia iuris permittit variare, ubi non est ius alteri acquisitum ut hic, & i. de elect. quod sicut, si vero ius est alteri acquisitum licet diffidant, variare non possunt in eius præiudicium. i. de elect. Cui inter canonicos, quia nemo potest mutare consilium suum in alterius præiudicium. ff. de regulis iuris. Hoc autem adeò verum est, ut in eodem canone Pontifex decernat, si postulantes post præsentatam postulationem variassent, & prior postulatio irrita iudicaretur, ius providendi ad summum Pontificem esse devolutum. Intelleximus itaque quod etsi neutra esset postulatio approbanda, iuxta tenorem tamen posterioris rescripti ad nos de cætero Strigoniensis Ecclesiæ prævisio pertineret. Hoc vero nostri aduersarij, qui postulationem nostram hactenus iniquissimis, atque inauditis artibus inturbare conati sunt bene olfecerant:

olfecerant; Cum enim ius postulationis totum ad nostrum postulatam pertinere intelligerent, seque eligi, aut postulari vnamquam posse diffiderent, atque ideò nihil sibi nisi iure deuoluti sperandum esse, miris atque incredibilibus machinis conati sunt nos ad nouam electionem inducere tum per seiplos, tum per varias aliunde subdole scriptas litteras, vt eo modo ius nostrum ad summum Pontificem deuolueretur. Verum nos fraudem facileprehendimus, & semper adeò à noua electione alieni fuimus, erimusque deinceps, vt nulla ad id machinatione impelli possimus: atque etiam si aliquo malo fato adducti ad postulationem variandam fuissimus inducti, tamen id nihil illis profuisset; cum postulatio nostra sit omnium quæ fieri possunt, perfectissima, atque ideò vti modo ex glossa vidimus, omnesque canonistæ ad vnum consentiunt, nihil in postulati nostri præiudicium facere possimus, cum totum ius nostrum sit iam illi quæsitum. Ex his ergo sequitur, quod postulantes post præsentationem variare non possint, ius quod habebant eligendi in postulatam transtulisse, & hæc erat potentissima ratio, quam Hostiensis vno verbo

E

perstrinxerat, loco citato, ubi dicebat. *Item* acquiritur ius postulado, quia postulantes resilire non possunt, ex quo representata est, ut dictum est. Eadem enim omnia quæ modo ostendimus non posse postulationem præsentatam variari, Hostiensis lucidissimè tractat ibidem. Diuus Antoninus citatus, & alij omnes nemine excepto, ut sit mirum istos homines adeò iuris ignaros fuisse ut nos postulationem variare posse confiderent. Atque hoc est primum iuris in postulatum quod dicimus esse, quasi ius canonicum, quod quibus concessum est ius eligendi, concessum est etiam postulandi. 2. Inest illis etiam ius naturale: nam qui habeant ius eligendi, si ex suo gremio dignum eligi posse diffidant, quid magis naturale, atque rationi consentaneum, quam ut aliunde sibi dignum postulent? Hæc enim potissima esse potest causa postulationum canonicarum. Cui autem possit venire in mentem non iniquissimum esse eos qui ius habeant eligendi, si non habeant dignum in gremio, aut cogi ut indignum eligant, aut si sibi ut consulant, postulauerint, suo eligendi iure nulla sua culpa priuentur? Certè præterquam necessitas non habet legem, si quam legem habere po-

test, eam habebit. Cui bono, ut
 quisque suo iure quam optima ratione fie-
 ri poterit, prudenter utatur. Præterea id
 nostrum est proprium, ut ius etiam con-
 cordati habeamus, quod cum sit contra-
 ctus utrinque conceptus eo se ita voluit
 sancta sedes Apostolica obligari, ut nisi in
 Concilio generali infringi voluerit: ea
 sunt enim verba conceptissima concordati.
*Duretque hæc observantia deinceps, nisi eam
 in futuro consilio de ipsius nationis consensu con-
 tingat immutari.* Postremo iure etiã indul-
 ti præter ius commune gaudemus, ut di-
 cemus postea, quo certa promissio con-
 tinetur: atqui omne promissum cadit in
 debitum, l. i. ff. de pactis. adeo autem est na-
 turæ insitum stare promissis, ut fides
 etiam sit infideli, atque inimico seruanda.
 Can. noli existimare, 23. q. 1. & cap. Innoc.
 22. q. 4. Imò Deus ipse omnipotentissi-
 mus ex promisso nobis beatitudinem ex
 iustitia dare tenetur. *Quæ procedunt de labiis
 meis non faciam irrita.* Psal. 88. *Iuravit Dominus
 & non poenitebit eum;* & talia sexcenta: qua-
 re & promissis tenebitur summus Ponti-
 fex, quia ita voluit, alioqui nemo posset
 vnquam cum sancta sede contrahere. 3.
 Ius postulat etiam inest diuinum; poni-

mus si quidem postulationem canonicam factam ex causa, quippe ad maiorem utilitatem Ecclesiæ: nemo autem videt summum Pontificem teneri ad maiorem utilitatem Ecclesiæ, præsertim vero cum ad eò evidentem necessitatem incurrerit, ut si secus sua sanctitas prouiderit ingentissimum patiatur Ecclesia postulans detrimentum, tum quoad res temporales, tum quoad spirituales. Quanto autem magis, si præter Ecclesiæ postulantis commodum ingens etiam fidei Catholicæ emolumentum consequatur? Imò si talem postulationem res Christiana vehementer exposcat. Sic diuum Paulum Apostolum non ex discipulorum gremio delectum, sed ex Iudæis postulatum, sic beatos Barnabam & Lucam à beato Apostolo imò & D. Mathiam à cæteris Apostolis postulatos legimus, ut diuum Ambrosium adhuc Catechumenum, & quotquot ferè nascente Ecclesia Episcopi hinc inde postulabantur omittamus, ut nemo nesciat ab Ecclesia Christiana oriente postulationes ipsis electionibus infinitis partibus frequentiores, utilioresque, nec solum, quod per se notissimum est antiquiores esse. Confidimus autem, & hoc asserimus magna fiducia ve-

ritatis, suam sanctitatem, si inquirere exactè voluerit, comperturam, nos cum Dominum Valladerium postulauimus, neminem ex toto concionatorum, & celeberrimorum hominum numero in vniuersa Gallia nos postulare potuisse, neque maiori nostrum omnium consensione, atque concordia, neque digniorem pietate atque doctrina, neque vtiliorem afflictissimæ nostræ familiæ, neque magis vniuersæ ciuitati, imò toti ditioni Metensi hæresibus coinquinatissimæ, ac penè perditæ necessarium: quæ omnia exactius postea explicabuntur. Iam quod diximus esse gratiæ generalis in postulatione etiam canonica, atque concordie, ea gratia est duplicis generis, vnum quod est postulationis proprium, alterum quod est postulationi cum electione commune. I. Gratia postulationis propria est, quod ille qui postulatur defectum habet, propter quem eligi non potest: quare suppleri debet à summo Pontifice: hoc autem Hostiensis exponit allata postulationis definitione in l. de postulatione prælatorum, vbi totum hoc de postulationibus argumentum tractat exactissimè. *Quid sit postulatio. est alicuius personæ, quæ eligi prohibetur, non propter vitium*

sed propter defectum, qui tamen postulatum non omnino inhabilem reddit ad providendum Ecclesiæ concors, & certa capituli facta petitio. Igitur quanto defectus plures erunt, aut maiores, eo maior inerit gratia postulationi: sæpe enim multi simul defectus concurrunt. v. g. defectus in ætate; ut si puer postuletur ad Abbatiam, aut ad Episcopatum: defectus in capacitate ut doctrinæ expers, defectus in natalib. ut spurius; defectus in ordinib. ut non Clericus; defectus in habitu, ut regularis ab irregularibus & contra: defectus in diœcesi, ut Clericus alienæ diœceseos: defectus in consensu, veluti Abbas ad alteram Abbatiam, Episcopus ad alterum Episcopatum eligi non possunt, postulari possunt: sunt enim iam adstricti, & quasi desponsati alteri Ecclesiæ, ita ut sine cōsensu summi Pontificis etiam ipsi postulationi consentire non possint. Quare etiam Canonistæ consentiunt Cardinalem non posse eligi Abbatem, aut Episcopum, quia iam Cardinalis Ecclesiæ Romanæ, atque catholicæ est alligatus. Ita disertissime Panormitanus cap. bonæ memoriæ. i. & Hostiensis, & D. Antoninus, Sylvester & cæteri. Ex quibus apparet minimum defectum omnium, qui esse pos-

sunt, esse in nostro postulato : nam est annorum circiter duorum , & quadraginta ; est Doctor Theologus, linguarum peritia, omni doctrina, & concionandi exquisito talento inter omnes regni concionatores celebris, & primi nominis. Est ex honesta familia de legitimo matrimonio procreatus : est sacris ordinibus iam à multis annis initiatus : est diœcesis Metensis generalis Vicarius, & Cathedralis Ecclesiæ canonicus, nulli prælaturæ deuinctus, vnde tantum superest vnus ille defectus, omnium qui esse possunt minimus, quod ad Abbatiam regularem, cum sit canonicus, postulatur, non ad commendam, qui maximus esset sanè defectus, sed ad regularem habitum suscipiendum, quam ad rem fuit à nobis dum postularetur summis & ardentissimis precibus persuasus. Eo igitur solum gratia indiget sum. Pōtif. quantū ad postulationem attinet, vt ad religiosum habitū admittatur, idque ob præsentissimam ac certissimam vtilitatem, tum nostræ desolatæ familiæ, tum vniuersæ Metensis Ecclesiæ. Altera gratia quam diximus esse postulationi cum electione communem est ea, quæ ex plenitudine pontificiæ potestatis petitur. Quod in hunc modum.

bere expensas aliquibus non teneantur, sed postu-
 lantes ipsi concorditer, vel discorditer expensas
 ipsas personis talibus subministrent: quo in loco
 glossa pulcherrime, sed quid est iustum vel
 quid indicat æquitas canonum? Respondeo si ele-
 ctio, vel postulatio factæ sunt in concordia, pos-
 sunt eligentes, & postulantes expensas facere de
 bonis pertinentib. ad prælatū: & si de suo fecerint
 recuperare possunt factas. Et hoc intellige, siue
 obtinet, siue non, siue dignum elegerint, siue indi-
 gnum dummodo ignoranter: sufficit enim quod
 non fuerint in dolo. Hæc glossa ubi longè ali-
 ter distinguit, de iis qui sunt in discordia
 electi, aut postulati, ut potè quibus nullum
 ius inest. Probatur secundo postulantes
 ius suum totum in postulatū huiusmodi
 contulisse, quia postquam postulatio præ-
 sentata est Papæ, postulantes resilire non
 possunt, quod argumento est illis ius suum
 in illum pro ea vice transtulisse: nam si ius
 nullum postulato acquisitum est per po-
 stulationem, ergo postulantes sunt in eo-
 dem iure, in quo ante postulationem fue-
 rant: hoc patet ex electione; electores. n.
 publicato scrutinio iure suo iam spoliati
 censentur, cum ad eligendum de nouo re-
 silire non possint, & hæc est doctrina om-
 nium canonistarum; Canon ipse hoc ha-

bet ex professo. extra. in i. cap. Bonæ memoriæ 2. de postulatione prælatorum. Si enim postquam postulatio subscriptionibus postulantium roboratur, & præsentatur Romano Pontifici approbanda, possent ab ea recedere postulantes nobis frequenter illuderent, & glossa in eum Canonem; nota, inquit, postquam postulatio præsentata est superiori non possunt ab ea recedere postulantes nec mutare consensum, sicut nec post electionem. Panormitanus ita in eundem. cap. Bonæ memoriæ rem liquido exponit. Postquam postulatio est præsentata summo Pontifici, non possunt postulantes ab ea recedere, & alium eligere vel postulare, sed debent postulantes expectare iudicium Papæ super admittendo, vel improbando illam postulationem. Et ex hoc infertur à contrario sensu, quod antequam postulatio sit præsentata superiori, possunt postulantes variare invito postulato, & ex hoc habes unam differentiam quoad facultatem variandi inter postulationem & electionem; nam in electione non admittitur variatio post publicationem scrutinij, ut in c. publicato. i. de elect. Sed in postulatione admittitur variatio quantumcumque sit publicatum scrutinium, & postulatio inde sit sequuta; satis enim est ut non sit superiori præsentata, & statim rationem reddit eius rei; quia videlicet postulato nullum ius est quæsitum,

nisi postquam fuerit superiori postulatio præsentata, uti supra fusè ostensum est; unde addit Panormitanus, & ex hoc textu collige vnam regulam, quod quis potest variare sæpe antequam ius sit alteri quæsitum, secus si ius est quæsitum alteri ut in d. Clement. Idem autem glossa proximè citata ibidem in hæc verba dixerat, postquam dixisset non posse postulationem variari, postquam fuerit præsentata. Et nota, inquit, quod differentia iuris permittit variare, ubi non est ius alteri acquisitum ut hic, & l. de elect. quod sicut, si vero ius est alteri acquisitum licet diffidant, variare non possunt in eius præiudicium. l. de elect. Cui inter canonicos, quia nemo potest mutare consilium suum in alterius præiudicium. ff. de regulis iuris. Hoc autem adeò verum est, ut in eodem canone Pontifex decernat, si postulantes post præsentatam postulationem variassent, & prior postulatio irrita iudicaretur, ius proiudendi ad summum Pontificem esse devolutum. Intelleimus itaque quod etsi neutra esset postulatio approbanda, iuxta tenorem tamen posterioris rescripti ad nos de cætero Strigoniensis Ecclesiæ prævisio pertineret. Hoc vero nostri aduersarij, qui postulationem nostram hæctenus iniquissimis, atque inauditis artibus interturbare conati sunt bene olfecerant:

olfecerant; Cum enim ius postulationis totum ad nostrum postulatum pertinere intelligerent, seque eligi, aut postulari vniquam posse diffiderent, atque ideò nihil sibi nisi iure deuoluti sperandum esse, miris atque incredibilibus machinis conati sunt nos ad nouam electionem inducere tum per seipfos, tum per varias aliunde subdole scriptas litteras, vt eo modo ius nostrum ad summum Pontificem deuolueretur. Verum nos fraudem facileprehendimus, & semper adeò à noua electione alieni fuimus, erimusque deinceps, vt nulla ad id machinatione impelli possimus: atque etiam si aliquo malo fato adducti ad postulationem variandam fuissetus inducti, tamen id nihil illis profuisset; cum postulatio nostra sit omnium quæ fieri possunt, perfectissima, atque ideò vti modo ex glossa vidimus, omnesque canonistæ ad vnum consentiunt, nihil in postulati nostri præiudicium facere possimus, cum totum ius nostrum sit iam illi quæsitum. Ex his ergo sequitur, quod postulantes post præsentationem variare non possint, ius quod habebant eligendi in postulatum transtulisse, & hæc erat potentissima ratio, quam Hostiensis vno verbo

E

perstrinxerat, loco citato, ubi dicebat. *Item* acquiritur ius postulato, quia postulantibus resilire non possunt, ex quo representata est, ut dictum est. Eadem enim omnia quæ modo ostendimus non posse postulationem præsentatam variari, Hostiensis lucidissimè tractat ibidem. Diuus Antoninus citatus, & alij omnes nemine excepto, ut sit mirum istos homines adeò iuris ignaros fuisse ut nos postulationem variare posse confiderent. Atque hoc est primum iuris in postulatum quod dicimus esse, quasi ius canonicum, quod quibus concessum est ius eligendi, concessum est etiam postulandi. 2. Inest illis etiam ius naturale: nam qui habeant ius eligendi, si ex suo gremio dignum eligi posse diffidant, quid magis naturale, atque rationi consentaneum, quam ut aliunde sibi dignum postulent? Hæc enim potissima esse potest causa postulationum canonicarum. Cui autem possit venire in mentem non iniquissimum esse eos qui ius habeant eligendi, si non habeant dignum in gremio, aut cogi ut indignum eligant, aut si sibi ut consulant, postulauerint, suo eligendi iure nulla sua culpa priuentur? Certè præterquam necessitas non habet legem, si quam legem habere po-

test, eam habebit. C V I B O N O, vt
 quisque suo iure quam optima ratione fie-
 ri poterit, prudenter vtatur. Præterea id
 nostrum est proprium, vt ius etiam con-
 cordati habeamus, quod cùm sit contra-
 ctus vtrunque conceptus eo se ita voluit
 sancta sedes Apostolica obligari, vt nisi in
 Concilio generali infringi voluerit: ea
 sunt enim verba conceptissima concordati.
*Duretque hæc observantia deinceps, nisi eam
 in futuro consilio de ipsius nationis consensu con-
 tingat immutari.* Postremo iure etiã indul-
 ti præter ius commune gaudemus, vt di-
 cemus postea, quo certa promissio con-
 tinetur: atqui omne promissum cadit in
 debitum, l. i. ff. de pactis. adeò autem est na-
 turæ insitum stare promissis, vt fides
 etiam sit infideli, atque inimico seruanda.
 Can. noli existimare, 23. q. 1. & cap. Innoc.
 22. q. 4. Imò Deus ipse omnipotentissi-
 mus ex promisso nobis beatitudinem ex
 iustitia dare tenetur. *Quæ procedant de labiis
 meis non faciam irrita.* Psal. 88. *Iuravit Dominus
 & non poenitebit eum;* & talia sexcenta: qua-
 re & promissis tenebitur summus Ponti-
 fex, quia ita voluit, alioqui nemo posset
 vnquam cum sancta sede contrahere. 3.
 Ius postulat etiam inest diuinum; poni-

mus si quidem postulationem canonicam factam ex causa, quippe ad maiorem utilitatem Ecclesiæ: nemo autem videt summum Pontificem teneri ad maiorem utilitatem Ecclesiæ, præsertim vero cum ad eò euidentem necessitatem incurrerit, ut si secus sua sanctitas prouiderit ingentissimum patiatur Ecclesia postulans detrimentum, tum quoad res temporales, tum quoad spirituales. Quanto autem magis, si præter Ecclesiæ postulantis commodum ingens etiam fidei Catholicæ emolumentum consequatur? Imò si talem postulationem res Christiana vehementer exposcat. Sic diuum Paulum Apostolum non ex discipulorum gremio delectum, sed ex Iudæis postulatum, sic beatos Barnabam & Lucam à beato Apostolo imò & D. Mathiam à cæteris Apostolis postulos legimus, ut diuum Ambrosium adhuc Catechumenum, & quotquot ferè nascente Ecclesia Episcopi hinc inde postulabantur omittamus, ut nemo nesciat ab Ecclesia Christiana oriente postulationes ipsis electionibus infinitis partibus frequentiores, utilioresque, nec solum, quod per se notissimum est antiquiores esse. Confidimus autem, & hoc asserimus magna fiducia ve-

ritatis, suam sanctitatem, si inquirere exactè voluerit, comperturam, nos cum Dominum Valladerium postulauimus, neminem ex toto concionatorum, & celeberrimorum hominum numero in vniuersa Gallia nos postulare potuisse, neque maiori nostrum omnium consensione, atque concordia, neque digniorem pietate atque doctrina, neque vtiliorem afflictissimæ nostræ familiæ, neque magis vniuersæ ciuitati, imò toti ditioni Metensi hæresibus coinquinatissimæ, ac penè perditæ necessarium: quæ omnia exactius postea explicabuntur. Iam quod diximus esse gratiæ generalis in postulatione etiam canonica, atque concordie, ea gratia est duplicis generis, vnum quod est postulationis proprium, alterum quod est postulationi cum electione commune. i. Gratia postulationis propria est, quod ille qui postulatur defectum habet, propter quem eligi non potest: quare suppleri debet à summo Pontifice: hoc autem Hostiensis exponit allata postulationis definitione in i. de postulatione prælatorum, vbi totum hoc de postulationibus argumentum tractat exactissimè. *Quid sit postulatio. est alicuius personæ, quæ eligi prohibetur, non propter vitium*

sunt, esse in nostro postulato : nam est annorum circiter duorum , & quadraginta; est Doctor Theologus, linguarum peritia, omni doctrina, & concionandi exquisito talento inter omnes regni concionatores celebris, & primi nominis. Est ex honesta familia de legitimo matrimonio procreatus : est sacris ordinibus iam à multis annis initiatus : est diœcesis Metensis generalis Vicarius, & Cathedralis Ecclesiæ canonicus, nulli prælaturæ deuinctus, vnde tantum superest vnus ille defectus, omnium qui esse possunt minimus, quod ad Abbatiam regularem, cum sit canonicus, postulatur, non ad commendam, qui maximus esset sanè defectus, sed ad regularem habitum suscipiendum, quam ad rem fuit à nobis dum postularetur summis & ardentissimis precibus persuasus. Eo igitur solum gratia indiger sum. Pōtif. quantū ad postulationem attinet, vt ad religiosum habitū admittatur, idque ob præsentissimam ac certissimam vtilitatem, tum nostræ desolatæ familiæ, tum vniuersæ Metensis Ecclesiæ. Altera gratia quam diximus esse postulationi cum electione communem est ea, quæ ex plenitudine pontificiæ potestatis petitur. Quod in hunc modum

breuiter explicatur. Cum enim summus
 pōtifex sit Christi Vicarius, ex iure diuino
 omnium beneficiorum dominus, plenissi-
 mam dispēsationem, & administrationem
 omnium bonorum, quæ ad quicumque
 Ecclesias pertinent, est consequutus: vnde
 sequitur ipsum supra ius omne canonicum
 plenissimè eminere. Conditori enim cano-
 num, & Vicario creatoris subiecta est om-
 nis creatura, & plenitudo potestatis ponti-
 ficis, se extendit ad omnes homines. cap.
 decreto. 2. quæst. 6. Vnde ex parte pontifi-
 cis quod concordata in gratiam Germa-
 norum admisit, vel quod variis Ecclesiis
 varia indulta ac priuilegia eligendi conce-
 sit, id fuit ex mera gratia, eximia liberali-
 tate, & singulari clementia, cum absolutis-
 simam potestatem, sibi iure diuino conces-
 sam abdicare non possit. Placet autem quæ
 elegantissimè in hanc sententiam ab Ho-
 stiensis perscripta sunt in medium afferre.
 in 1. de postulatione prælatorum: vbi cum
 docuisset tria illa, electionem, postulatio-
 nem, & nominationem solemnem æqua-
 lia esse, sibi que obiecisset si summus ponti-
 fex postulationem admittat esse ex gratia,
 nec cuiquam facere iniuriam si non admit-
 tat, vnde sequeretur electioni non esse

æqualem, respondet; Quod etiam intelligas, si vis ex gratia mera, & pura, & sine iustitia; quia hoc intelligitur secundum plenitudinem potestatis quam habet. I. tit. I. illa. & de Usupallij ad honorem, secundum quam dicitur gratiam facere, etiamsi ius reddit, puta concedendo rescriptum, de rescriptis. quia nonnulli 2. ca. nonnulli 2. ca. sedes, vel etiam de iure confirmando electionem. I. tit. I. cum inter vniuersas, secundum quam sequeretur quod de sola gratia electionem canonicam confirmaret. Ergo largo modo gratia est quicquid facit, quia legibus est solutus. ff. de legibus. princeps. C. de legibus. digna vox. Vnde aperte conuincitur summum Pontificem, siue concordata præscribat, siue iura electionum tribuat, siue electiones confirmet, illa omnia ex gratia facere. Concordata si quidem, similesque contractus certis indulsit nationibus ob duritiam cordis ipsorum, vt saltem illa benignitate allekti in officio continerentur, & hæc est illa gratia generalis qua postulationes niti Panormitanus, Hostiensis, & cæteri dicebant, qua etiam electiones nituntur. Verum dicat aliquis quomodo igitur intelligendum est Pontificem maximum ad concordata, ad indulta, ad electiones, atque ad postulationes ex iure teneri? hoc est quod præterea vno verbo

pertractandum proposuimus. 4. Si quidem aduertendum est idem proportionem quadam de summo pontifice, ac de Deo dici posse: Deus enim cum opera nostra remuneratur, facit ex iustitia, & tamen facit ex gratia, *Nam cum Deus coronat merita nostra, nihil aliud coronat, nisi sua munera: ipse enim in fine coronabit nos sicut scriptum est, in misericordia, & miseratione. Ait D. August. ad Sixtum.* Certè si neminem saluaret, nemini iniuriã faceret, & quos saluat, saluat ex misericordia, & quod promissit, ex mera promissit gratia *Quis enim prior dedit illi, & retribuet ei?* Quia tamen promissit operibus nostris factis ex gratia mercedem beatitudinis, eam ex iustitia dare tenetur, vt verissimè dixerit Apostolus; *Bonum certamen certavi, cursum consummaui, fidem seruaui. In reliquo reposita est mihi corona iustitiæ, quam reddet mihi in illa die iustus index.* 2. Timo. 4. reddet enim quia merito debebatur, alioqui non esset meritum, debebatur vero ex pacto, & ex promissione diuina. Ita sancta sedes primo veluti gratiam sufficientem, & generalem fecit cum electionum, postulationum, & aliarum facultatum indulta concessit, & cum se concordatis obstrinxit, postea ipsis indultis promissit, & pactus est: vnde effe-

ctum est ut quia voluit, & quia spondit, & quia contraxit ad illa ipsa ex iure teneatur, imo si ea recuset iniuriam faciat, uti supra ex omnium canonistarum sententia demonstrauius. Quia igitur apertissime in postulationibus quædam gratia continetur, canonistæ consentiunt postulatum ad summum pontificem supplicem accedere oportere, imo vix se ingerere debere, sed potius totam contentionem postulantis relinquere : absurdum enim esset, qui gratiam petat, etsi gratia debeatur, non supplicem petere. Ecce quæ habet Hostien. in hanc sententiam, postquam per postulationem ius acquiri postulato concluderat. *Non tamen aget postulatus, ne de se nimis præsumendo se ingerere videatur. Quæ eadem Syluester habet nihil penitus immutata. Quæ eo tendunt ut debeant postulatus. & postulantes à superiori suppliciter petere, ut postulationi pium, & benignum præbere dignetur assensum.*

Patet igitur, quæ secunda ratio erat, postulationes concordatis contineri, quia electionis nomine comprehendantur.

TERTIA RATIO est, quia hætenus ab immemorabili tempore, possessione pacifica, atque continua, Clerus Metensis,

cum necesse fuit, postulationes eque, atq. electiones celebravit, quas postulationes, quod caput est, summi Pontifices, non ex speciali gratia, sed vi concordati Germanici admiserunt, ex quo manifesto conuincitur, ex ipsa explicatione pontificum maximorum, postulationes concordato Germanico comprehendendi.

Ecce postremam postulationem Episcopi ab ipso Paulo V. in eam concordati Germanici formam admissam.

Ea fuit Illustrissimi Cardinalis Giuryaci, Anno incarnationis Dominicæ millesimo sexcentesimo octauo. 4. Idus Septēbris. In hæc verba. *Paulus Episcopus seruus seruorum Dei, &c. Dilecti filij capitulum dictæ Ecclesiæ Metensis, ad quos iuxta concordata inter sedem Apostolicam, & nationem Germanicam inita, sub quibus Ecclesia ipsa comprehenditur, electio personæ idoneæ per Roma. Pontif. pro tempore existentem, eidem Ecclesiæ dum vacat ad electionem huiusmodi præficiendæ pertinere dignoscitur pro futuri Episcopi Metensis electione celebranda, Vocatis omnibus qui voluerant, potuerant, & debuerant electioni huiusmodi commodè interesse, die ad eligendum præfixa, vt moris est, conuenientes in vnum, te tituli sanctæ Suzzannæ presbyterum Cardinalem, in Episcopum Meten-*

sem concorditer postularunt, &c. Nos igitur, &c. postulationem huiusmodi de dictorum fratrum consilio auctoritate præfata admittimus, &c. Profecto eodem modo de postulatione loquitur, ac si fuisset facta electio, eamque admittit ex iure concordati, non ex gratia: id enim singulariter expressisset, ut fieri semper consuevit: defectus autem in Illustrissimo Cardinali quatuor insignes extiterunt, uti ex dictis manifestum est, quòd Cardinalis, quòd Episcopus, quòd Abbas, quòd Monachus fuerit à Canonicis postulatus. Porro ne fortuit hæc in illud diploma incurrisse dicantur, eadem totidem verbis in diplomate accessus domini Marquionis de Verneuïl, de postulatione vi concordatorum admissa, repetuntur. Neque dici potest aut summum Pontificem fuisse deceptum, aut errore lapsum, aut vi ad illa exprimenda coactum, hæc enim in illum cadere nullo modo possunt. Quare cum nihil huic adeò recenti exemplo obiici possit, non erimus nimij in aliis postulationibus aliundè sollicitè congerendis, quæ, si erit necesse, suæ sanctitati cum volet exhibebuntur, tamen ne in Abbatis magis, quàm in Episcopatu defuisse videantur.

In Abbazia sancti Symphoriani ordinis sancti Benedicti, *Pius quintus*, Anno domini millesimo quingentesimo quinquagesimo nono, octauo Idus Ianuarij, postulationem à Religiosis factam de domino Baptista Praillon, quæ honestissima est, & maxime Catholica apud Metenses familia, in hanc formam, ex iure electionum admisit.

Dilecti filij Conuentus eiusdem Monasterij sancti Symphoriani, ordinis sancti Benedicti, pro futuri inibi Abbatis electione celebranda, vocatis omnibus, qui voluerunt, &c. Conuenientes in vnum, te etiam tunc Baccalauicum in vtroque iure, in etate legitima constitutum, in eorum & dicti Monasterij, vt præfertur Vacantis Abbatem, via Spiritus sancti concorditer postularunt, &c.

Nos, qui hodie per nos accepto, quod tu cupiebas ob melioris vitæ frugem in dicto Monasterio, vna cum supradictis conuentu sub regulari habitu virtutum domino famulari, &c. postulationem prædictam, quam de persona tua canonicè fuisse celebratam inuenimus, de fratrum nostrorum consilio autoritate prædicta admittimus, &c.

Nihil similis nostræ postulationi, quam ista fuit, nisi quod iste Baptista longè maiorem defectum habebat, quam noster postulatus, vt enim ex diplomate apparet, iam Abbatiam tenebat Beatæ Mariæ de

Burgomedio ordinis sancti Augustini, à quo ad ordinē sancti Benedicti transeundū erat : nec interest, quod ibi concordata Germanica non nominantur:rem enim vt minimè controuersam, claramque supponit. Atque hodie in media Germania in omnibus diplomatibus ex concordato concessis, nulla concordati Germanici fieri solet mentio, vt pote in re clarissima, quod est notādum singulariter. Rescripsit etiam summus Pontifex ad Regem vti postulationem prædictam à sancta sede Apostolica admissam, vt pote caconicè celebratam Regia autoritate fulciret in hæc ipsa verba. *Charissimo in Christo filio Francisco Francorum Regi, &c. hodie postulationem de persona dilecti filij Baptiste Praillon, Clerici Metensis Bachalarij in vtroque iure, in Abbatem sancti Symphoriani Metensis ordinis sancti Benedicti, per dilectos filios illius Conuentus canonicè celebratam de fratrum nostrorum consilio Apostolica autoritate admissimus, &c. Cum itaque filii charissime sit virtutis opus Dei Ministros benigno fauore prosequi, &c. Datū Romæ apud sanctum Petrum. Anno incarnationis dominicæ millesimo quingentesimo quinquagesimo octauo Idus Iunij, Pontificatus nostri anno primo. Et supra Pauli III. qui Pium Quintum præ-*

cesserat diploma vidimus, quo electionem de Desiderio Regis Abbate sancti Symphoriani factam vi concordatorum Germaniæ confirmavit, ex quo indubitatum esse liquet, cum postea hunc postularunt, eodem iure concordati postulauisse.

Atque, quod notatu dignissimum est, tum in hac Abbatia sancti Symphoriani, tum in nostra, alijsque Metensibus monasterijs inueniuntur innumeri actus authentici electionum, ante, & post concordata transacti, hac formula. *Venerabiles & religiosi Viri Domini seu fratres. &c. more solito convocati & congregati, &c. super electione futuri Abbatis celebranda, prefati prior & sui communachi recognouerunt publice, & confessi sunt, quod ipsi volentes ad huiusmodi electionem, postulationem, seu provisionem procedere, diem & horam subscriptas, cum continuatione dierum sequentium; si, & prout opus fuerit assignauerunt, & prefixerunt, &c.* Plusquam triginta eadem forma conceptas Abbatum electiones proferre possemus, ex quibus constat totam Abbatiarum antiquitatem nullum vnquam discrimen in suo iure eligendi electionum, aut postulationum fecisse.

In Abbatia sancti Vincetij, cum Gerardus Abbas Abbatia cessisset, Urbanus Pontifex

tis. maximus rescriptum huiusmodi dedit,
Postmodum autem venerabili fratri nostro Episcopo Tullensi, nostris dedimus in mandatis, ut si esset ita, cessionem tuam cum eam offerre, reciperet vice nostra, & iniungeret conuentui dicti monasterij, ut infra vnus mensis spatium post mandatum ipsius Episcopi per ELECTIONEM CANONICAM, VEL POSTVLATIONEM CONCORDEM, Prefato Monasterio de Abbate prouiderent, &c. Ex quibus patet summos pontifices electiones canonicas, & postulationes concordas pro eodem iure habuisse.

Non dicimus hoc ipso tempore, quo postulatio viri insignissimi cōtrouertitur, in Abbatia Monialium in hac ciuitate ordinis sancti Benedicti, receptam fuisse coadiutricem postulatione atque cōsensu monialiū, tota Metensi ciuitate spectante, Adolescentulam, quæ vix septemdecim annos nata, nec Religiosa, nec professa, nec ad Religiosam disciplinam hactenus instructa habetur.

In Capitulo etiam Ecclesiæ Cathedralis non defuerunt postulationes. vna contenti erimus, qua anno 1527. Franciscus Bandoche Canonicus decem tantum annos natus fuit in decanum postulatus, & a

F

sancta sede apostolica eodem iure concordati sine controuersia admissus, vt ex cartarijs authenticis Metensis capituli demonstratur.

Ad hæc omnia accedat testimonium vniuersi cleri Metensis, qui nuper occasione nostræ postulationis de præfato Domino Valladerio factæ, ad omnia obstacula perrumpenda, vno consensu in eum finem congregati coram officiali Metensi, & notarijs accitis, hanc solemnem atque authenticam protestationem ediderunt, quam sigillo Episcopi, & curiæ Episcopalis rite obliqnatam exhibemus.

Nos Anthonius Rossetti, & c. Curia Episcopalis, & diœcesis Metensis officialis, omnibus notum facimus, quòd hodie vigesimo octauo Iulij anni Domini millesimi sexcentissimi vndecimi coram nobis comparuerunt Domini Reuerendi, & Venerabiles prælati, & capita Cleri, & ciuitatis Metensis nomine, & causa totius Cleri, videlicet reuerendus ac Venerabilis Dominus Iacobus Foës Decanus cathedralis Ecclesiæ, Reuerendi patres in Christo Dominus Ioannes Saulnerius Abbas sancti Vincenty, Dominus Franciscus de Villers Abbas sancti Clementis, Dominus Andreas de Hem Abbas beatæ Virginis Pontis-Theofredi, Venerabiles, Dominus Annibal Guillel-

mi Canonicus, & Scholaſticus Eccleſiæ Cathedra-
lis, Dominus Richerius Vrbanus Præpoſitus, &
Dominus Deſiderius Hallor Decanus, & cano-
nici collegiatæ Eccleſiæ ſancti Saluatoris. Domi-
nus Chriſtophorus Fleutoꝝ præpoſitus collegiatæ
ſancti Theobaldi, Dominus Ioannes Godfrinus,
& Simon Louet religioſi monaſterij ſancti Sym-
phoriani Metenſis, nomine reuerendi ipſorum
Abbatis abſentis, qui omnes requiſiti à reueren-
dis & deuotis Dominis priore, religioſis, & to-
to conuentu Monaſterij ſancti Arnulphi, vt at-
teſtationem authenticam darent, nonne eſſet ve-
rum totum capitulum præfatæ Eccleſiæ cathedra-
lis, omnes Abbacias, & cuncta monaſteria or-
dinis ſancti Benedicti in ciuitate Metenſi con-
ſtituta, tam virorum quàm mulierum ius habere,
priuilegium, prærogatiuam, uſum, & conſuetu-
dinem, & poſſeſſionem immemorabilem ſecun-
dum concordata Germaniæ, ita vt vacante Epi-
ſcopatu, & monaſterio præſatum capitulum po-
teſtatem ſemper habuerit, & etiam præſati om-
nes religioſi, PER ELECTIONEM AUT PO-
STULATIONEM nouos prælatos conſtituen-
di, atque etiam, dicta vacatione adueniente ad-
ministrationem, & gubernationem ſuſcipiendi
rerum omnium ſpiritualium, & temporalium
Epiſcopatus, priores autem, religioſi, atq. con-
uentus, & moniales monaſterioru huiusmodi ad-

ministrationem pariter, & gubernationem tam
 ad spiritualia quam temporalia, atque ex suo cor-
 pore administratores constituendi ad temporalia
 & spiritualia eorundem monasteriorum, & epi-
 scopatus administranda, ut postea novo Episco-
 po Episcopatus, & novo Abbate, aut Abbatissa
 monasterii constituto rationem reddant eiusdem
 administrationis reddituum, & bonorum Epif-
 copatus, & monasteriorum, neque talis cura,
 aut administratio committatur, aut detur ulli
 œconoyno, aut cuius persona extra capitulum, &
 monasteria constituta: præterea an non in illo suo
 iure semper conservati fuerint ab omnibus Regi-
 bus, ac nominatim ab Henrico Magno Ludovi-
 ci Regis Christianissimi modo regnantis parente,
 foelicis memoriæ. **O M N E S** igitur suprame-
 morati ab Ecclesiis, & monasteriis præfatis depu-
 tati, vno ore, vnoque consensu dixerunt, decla-
 rarunt, & affirmarunt, omnia vera & certa es-
 se, uti supra dicta sunt, seque ita vidisse semper,
 & fecisse. Cuius rei præfati prior, & religio-
 si, atque conuentus sancti Arnulphi, cum à no-
 bis officiali memorato authenticam testificatio-
 nem, atque solemnem requisivissent acta præsen-
 tia, illis, sub sigillo Episcopatus, nostri que offi-
 cij soliti decreto concessimus, observari que iussi-
 mus a publicis notariis præfatæ Episcopalis cu-
 ria infra subscriptis, atque nobiscum præsentibus

attestationi, à præfatis Dominis à clero deputatis
 factæ, Vt ea præfati religiosi, atque conuentus
 Monasterij sancti Arnulphi, in iudicio & vbi-
 cumque necesse erit, Vti possint. Datum Metis
 anno & die memoratis.

L. Marchal.

I. Barfaulx.

C iiij

TERTIVM.

TAMETSI IVRE CON-
*cordati Germanici postulationes mi-
 nimè continerentur , non ideò ius de
 nostra Abbatia disponendi ad suam
 sanctitatem ea causa deuolui, cum nul-
 la culpa nostra interuenerit.*



Stud est quod nobis
 maximè mirandum ve-
 nit, cùm sancta sedes
 Apostolica uelit, volue-
 ritque hætenus , nos
 electionum iure gau-
 dere , iam quia non e-
 legerimus , sed postulauerimus, ideò ius
 nostrum ad suam sanctitatem esse deuolu-
 tum , eamq. in procinctu esse, vt illā alteri
 conferat. Enimuero , si vllum locum om-
 nia iura canonica habere possint , si iura
 electionum vim vllam vnquam habuerūt,
 nunquam est auditum, vt qui ius habeant
 eligendi , si tantum postulationem, eamq.

canonicam, & concordem, & irreprehensibilem fecerint, ideò suo eligendi iure mulctari. Nihil enim hic loquimur de plenitudine pontificiæ potestatis, secundum quam Pontifex, vti supra docuimus, omnia omnino iura transcendit, sed de ordinaria tantum agimus; vti Deus multa potest absoluta potestate, videlicet omnes peccatores etiam impœnitentes, imò omnes dæmones absolutè saluare, quod tamen nunquam fecit, neque deinceps vnquã factururus est. i. Etenim vt ad vnguē, breuiter tamen rē expediamus, omnium canonistarum sententia tribus tantum modis impediri possunt ordinariorum, idest eorum, qui ius habeant eligendi prouisiones. i. Iure deuoluti. . . Per reservationē. 3. Per mandatum: de quibus legere est Gregorium singula accuratè tractantem in syntagm. li. 17. cap. 9. Constat verò nullum fuisse nobis mandatum, vt alium quendam postularem, neque illa mandata Metis locum vnquam habuerunt, cùm sint concordato Germanico omnino cōtraria. Reservationem autem non esse summo Pontifici Abbatiam per se certum est, cùm apertissimè in concordato, in beneficiis non reseruatis comprehendatur: nam extra Ro-

manam curiam , idque mense Iunio , & per obitum vacauit . Restat igitur vt per deuolutionem ad suam sanctitatem transferat . Hoc autem esse nulla ratione posse multis probatur . Quia cum deuolutio nihil sit aliud *quàm translatio potestatis , quæ datur in beneficia ab aliquo in alteram personam ex facto vel negligentia potestatem habentis* : Sane deuolutio est pœna canonica , eaque grauissima ob culpam aliquam irrogata : Igitur si quia postulauimus ius nostrum esset deuolutum , certè virtus puniretur ; postulationem siquidem adeò perfectam atque absolutam fecimus , vt vix vlla perfectior fieri possit , idque de persona idonea , ob summam & præsentissimam vtilitatem non solum nostri monasterij , verum totius ciuitatis Metensis , quod nemo est qui possit ambigere satius , & melius fuisse quàm eligere de gremio non idoneum , si adeo electiones vrgantur , vt malæ electiones optimis postulationibus præferantur . 2. Omnes Doctores in eo consentiunt duabus tantum de causis ius posse deuolui . 1. Causa si electores sciēter indignum elegerint , postularint , nominarint , aut alio modo prouiderint , adeoque sua potestate fuerint abusi . c. cum in cunctis . de elect.

apud Gregor. Idque ex decreto Concilij Lateranensis. c. cum Vintoniensis. ibidem. 2. Causa quod infra præscripta tempora suo numero functi non fuerint. c. ne pro defectu Ibidem. Nam qui abutitur sibi concessa potestate dignus est qui eam amittat. l. Iudæos. de Iudæis. c. qui sine. de negot. gest. Ad hæc duo capita referuntur: quæ magis sigillatim Panormitanus enumerat in 1. cap. Gratum. ex glossa & Innocentio. Sylvester verbo postulatio. Hostiensis lib. 1. de post. prælat. D. Antoninus tit. 19. de postulatione. c. 3. qui omnes consentiunt has esse causas cur eligentes sint eligendi potestate priuati. Prima petitur à persona postulata, quæ cum indigna sit postulatur, de qua Sylvester in hæc verba. *Secundum Hostiensem postulari non potest in prælatum criminofus, puta, periurus, homicida, vel inobediens, sicut nec eligi. Extra. eod. cap. 1. quod Archiepiscopus intelligit de periurio per sententiam non in communi sermone, vel alias non notorio, & de inobediente contumaciter, qui non paret sententiis suorum Prælatorum. Nec Epilepticus. de elect. cum inter. nisi fortè sit liberatus iā per annū, nec mutilatus. de cor. vitia. Exposuisti: nec bigamus vel irregularis, quia huiusmodi sunt omnino inhabiles.* Hæc Sylve-

ster, qui deinde addit defectus qui nō impediunt postulationem, videlicet, ætatis, ordinum, natalium, aliæne diœcesis, non regularis ad prælaturam regularem, & similia, quæ supra attigimus. Hæc autem omnia fere ad verbum sumpsit ab Archiepiscopo, id est, D. Antonino, quem citat, quique consulendus est. D. verò Antoninus omnia ab Hostiensi, Hostiensis à Godfrido deprompsit, & conveniunt omnes criminofum, qui postulari non potest talem esse debere notoriè, id est, per sententiam iudicis declaratū. Panormitanus hos omnes qui secundum Sylvestrum postulari nō possunt, vno vocabulo complectitur, vbi ait postulantes, & eligentes priuari potestate eligendi, cū eligunt ineligibilem, & postulant impostulabilem, & addit ad ea quæ dicta sunt postulari nō posse, nec eligi si sint excommunicati, aut suspensi, de quo est canon conceptissimus in 1. de postulatione prælatorum, cap. ad hæc, vbi Senonenses suo eligendi iure deciderant, quia Altifiodorensem Episcopum postulauerant, qui interdictum non seruauerat, & ideo excommunicationem incurrerat. *Licet autem ex eo*, inquit Pontifex, *quod hominem, qui vestro non conuenie-*

bat proposito postulastis , cum vos interdicti
sententiam seruaretis , & ipse eam contemneret
obseruare , permissa vobis facile abusi fueritis po-
testate , ac ideo vos ea non immerito priuare pos-
semus , de solita tamen benignitate , &c. Quem
in locum Glossa inquit. Et ita habes hic quod
qui non seruat interdictum ineligibilis est. Et
apparet ex textu pœnam esse quod eligen-
di iure merito priuentur , vtpotè abusi po-
testate sibi concessa , idque ex Concilio
Lateranensi , qui in eo canone citatur. Se-
cunda causa deuoluti non à postulato , sed
à postulatione desumitur. Vid. si non sit fa-
cta suo tempore : Nam maiores dignitates
vt Episcopatus , Abbatia , &c. intra tres
menses pastorem habere debent , sin mi-
nus ad summum Pontificem deuoluun-
tur , tum ex iure communi. c. ne pro de-
fectu. c. postquam. tum ex Concordati
Germanici verbis conceptis. Aliæ verò
dignitates inferiores ex Concilio Latera-
nensi debent conferri intra sex menses , seu
per electionem. c. cum nostris. c. dilectus.
c. postulastis. de concessione præbendæ , si-
ue per collationem. c. 2. eodem. enim-
verò ne diù Ecclesiæ pastore viduatæ
periclitarentur ea deuoluti pœna in or-
dinariorum negligentiam est constituta :

cùm diuturna vacatio Ecclesiis sit periculosa. ca. quam periculosum. de elect. Itaque apertè glossa in 6. de rescriptis. ca. duobus; & de electione. ca. quamquam. ibidem, in pœnam negligentia. ius deuolutionis inuectum esse testatur, & notanda est admodum glossæ doctrina in c. quamquam ubi, *Vacante*, inquit, *Ecclesia Pictaviensi* & c. omnes canonici peccauerunt in materia, quia scienter indignum elegerunt, vel scienter omnes peccauerunt in forma, certum est quod in primo casu sunt priuati ipso facto potestate eligendi pro illa vice: in secundo vero casu non sunt priuati ipso facto potestate eligendi pro illa vice, sed veniunt priuandi per sententiam. Hæc glossa, quæ cum canonis textu plane consentiunt. qui est huiusmodi. Igitur si electores in huiusmodi Ecclesia, vel ipso iure cum eligunt scienter indignum, vel per sententiam cum formam traditam in generali consilio non observant eligendi potestate priuentur, & c. Porro ex parte formæ, seu postulationis modo quando deuoluatur, hæc summa capita ita Panormitanus, loco citato perstringit. Ex glossa Innocentius ponit hic aliquos casus, in quibus eligentes sunt priuati potestate eligendi. 1. Quando postulationem cassatam vitio personæ inuoluunt, ut ca. gratum. de postulatione prælatorum. Hoc est cū conuicti

postulasse scienter notoriè indignum, iterum contra Papæ sententiam, illum noua postulatione postulant, vt fecerant illo canone Senonenses de Altiſiodorenſi Episcopo notoriè excommunicato. 2. *Quando eligunt per abusum ſecularis poteſtatis, vt in c. quilibet. de electione.* Videlicet ſi quis per vim Principis ſecularis fuiſſet poſtulat, poſtulatione irrita eſſet, & ius ad ſummum Pontificem deuolutum. 3. *Cum non eligitur infra tempus à iure præfixum. c. ne præ defectu. de electione.* 4. *Cum poſtulant poſt appellationem. cap. bonæ memoriæ. etſi Innocentius aliter dixit.* Atque hæc ſunt omnes fere rationes, tum ex perſona poſtulati, tum ex poſtulationis forma petiti, quibus eligendi ius ad ſummum Pontificem deuolui poteſt, neque aliæ plures alibi, quod ſciamus, vſquam reperiuntur. Iam verò nullam omnino illarum deuolutionum cauſam noſtræ poſtulationi ineſſe, nemo eſt qui omni luce clariùs non intelligat. i. non modo perſonam indignam non poſtulauimus, verum adeò inſignem, atque eximiam, tamque à ſupra memoratis criminibus alienam, vt vel totius regni Galliarum teſtimonio pauci tota Gallia noſtro poſtulato digniores, pauciſſimi certè æquales reperiuntur, quod poſtea

ex professo demonstrabimus. 2. nihil nos penitus ex negligentia propter formam peccasse, ita per se notum est, ut probatione nulla indigeat : nam non modo intra trimestre Canonicum, sed celerrimè ipso Abbatis defuncti die postulauimus, moxque per veredarium concitatis equis, triduo post, postulationem nostram Pontifici maximo præsentandam summa celeritate commisimus. 3. nullo non modo metu, sed ne fauore quidem leuissimo principum secularium, sola Dei gloria ob oculos proposita, postulauimus. 4. non solum nemo appellauit, sed ne leuiter quidem in contrarium vnquam sensit : vnde consequitur, etsi postulauimus nullum ius propterea esse deuolutum summo Pontifici, nostram Abbatiam alteri conferendi. Atque ne vllus omnino scrupulus relinquatur, omnia illa quæ de rationibus deuoluti iuris modo diximus in ipso concordato Germanico luculentissime in hæc pauca verba exprimuntur. *Item placet nobis, quod in Metropolitanis, & Cathedralibus etiam immediatè non subiectis Ecclesiis, & in Monasteriis immediatè subiectis sedi Apostolicæ, fiant electiones canonice, quæ ad dictam sedem referantur, quas etiam ad tempus constitutionis felic.*

record. Nicolai Papæ III. quæ incipit Cupientes,
expectabimus, & elapso aucto tempore si non
præsentata, vel si præsentata minus canonice fue-
rint eas confirmabimus, nisi ex rationabili, &
evidenti causa, ac de dictorum fratrum consilio,
 DE DIGNIORI, ET UTILIORI
 PERSONA duxerimus providendum. Qui-
 bus concordati verbis idiotæ ad suas næ-
 nias colorandas abutuntur. Nā primo hic
 de electionibus tantum fit mentio, quare
 cum aduersus nostram postulationem illa
 proferant, sane vel inuiti fateri coguntur,
 in concordato ipsas postulationes electio-
 nis nomine contineri, alioqui, cur quæ de
 electione dicuntur, contra postulationes
 detorquent, præsertim cum priuilegia sint
 amplianda, vt diximus, odiosa vero re-
 stringenda? & potiori iure quæ in fauorem
 de electionibus in concordato dicuntur,
 de postulationibus, quam quæ in odium
 accipi debeant? Ergo cum, velint, nolint,
 quæ hîc de UTILIORI, ET DIGNIORI
 PERSONA dicuntur æquè ad electiones,
 atque ad postulationes pertineant, sane
 vtiliorem, & digniorem personam à sum-
 mo Pontifice subrogari posse postulationi-
 bus accipiemus, vti & electionibus. Atqui
 nemini vnquam in mentem venit dicere,

si qui ius habeant eligendi dignum elegerint, solere summum Pontificem illum abiicere, & eius loco digniorem, & vtiliorem dare : omnes siquidem consentiunt ad confirmandas electiones teneri, & facere iniuriam si non confirmet : deinde est clarissimum in iure, satis esse dignum eligere, & si nō sit dignissimus : alioqui nulla tuta esset electio, nullus enim adeo dignus eligi posset, quin posset aliquis dignior inueniri. Ea sunt enim glossæ verba notatu dignissima in ca. nullus inuitis. dist. 61. *Nam melior eligi debet, vt 8. quæst. 1. licet tamen sufficit, si bonus eligatur* : extra. de elect. cum nobis. ca. cum dilecti. equidem in illo canone adeò hoc benignè supponit summus Pontifex, vt deesse alicui Ecclesiæ, aliquem dignum credere nolit. *Tunc autem alter de altera eligatur Ecclesia, si de ciuitatis ipsius clero nullus dignus (quod euenire non creditur) poterit reperiri.* Præterea hætenus est inauditum summum Pontificem, si dignus fuerit electus, digno reiecto, digniorem electoribus immittere consueuisse : ius enim non deuoluitur, nisi scienter fuerit electus indignus, nos vero ponimus dignum fuisse sublectum : idem igitur de postulationibus dicendum erit. Quare illa concordati verba pe-

ba pe-

ba penitus ex paulo ante dictis explicata, ita erunt sine dubio capienda, ut duæ illæ deuolutionis causæ, quas exposuimus, exprimantur. Prior ratione formæ, ut si infra tres menses à Nicolao III. perscriptos non elegerint, vel electionem non canonicam, hoc est defectibus proximè memoratis adulteratam fecerint, ius ad suam sanctitatem deuoluatur; posterior, si indignum, & inutilem scienter elegerint, iure eodem deuoluto digniorem inferat, ita ut dignior utiliorque ad indignum, & inutilem, non autem ad dignum, & utilem referantur. Quod cogimur ita necessario ex iis quæ quotidie ipso usu, & ex iure canonico de electionibus fieri solent intelligere. Denique etiam quamuis illa non essent, hoc magna ratione freti dicere audebimus, tamen si illa vocabula DE DIGNIORI, ET UTILIORI PERSONA ad literam, ut sonant, & summo iure caperentur, tamen nos posse ostendere, digniorem utilioremque neminem nostræ Abbatix, quam nostrum postulatum præfici posse. Primo enim nemo credo dicet, per digniorem debere intelligi magis nobilem, aut clarum, aut eminentiori dignitate præditum, alioqui Abbatia digniores iudicaretur,

qui sanguinis claritate aut alia nobilitate excellerent; etsi pueri essent & idiotæ, aut prauī, & criminosi, ita autem in beneficiis loqui non solemus, & ab ineunte Ecclesia non potentiores, sed sapientiores, & capaces, & sanctiores ad dignitates ecclesiasticas semper electi sunt: Imò hoc vnum summi Pontifices, per legatos suos de natione Germanica semper conqueruntur, quod incapaces, & indignos ad sua beneficia eligere aut postulare cōsueuerint: quæ fuit prima conquestio Illustrissimi Cardinalis Madrutij ad Germanos legati, Anno Domini 1594. in comitiis Ratisponensibus pro ecclesiastica disciplina reformatanda apud Georgium Brāden. *Vbi dicebat notissimam esse ecclesiis plerisque interitus causam fuisse absurdas postulationes, & electiones personarum legitimas qualitates non habentium, secundum præscriptum canonum.* In nullo autem canone legimus, vt quis ad Abbatias, & Episcopatus eligatur, aut Baronem, aut Comitem, aut Marquionem esse oportere. Imò nemo Christianorum est qui non ingemisceret maximam omnium calamitatem in Ecclesiam inuectam esse, si ampla beneficia potius ad nobiles, & potentes, quàm ad capaces, & idoneos de-

uoluerentur Igitur cum dignum dicimus; capacem, & doctum, & prudentem, & vitæ probitate insignem intelligimus: eoque digniorem censemus, quo illis virtutibus magis claruerit: apparet autem per se non ideò aliquem capaciorem, doctiorem, prudentiorem, aut probiorem esse quod sit nobilissimus; etsi diademate Regio clarus, aut Imperiali potestate præditus: illa enim non à purpura neque à diademate, sed potius purpura, & diadema ab illis proficiscuntur. Quare eo sensu affirmare possumus summa veritate, neminem à nobis in hac diœcesi vniuersa postulari potuisse, eruditione, eloquentia, zelo animarum, & gloriæ Dei, obseruantia in sedem Apostolicam, & morum integritate, totiusque indolis animi candore, & sinceritate clariorem, quòd sua sanctitas si opus erit, ita sine dubio esse facile comperiet. Secundo quoad vtilitatem, ea ex nobis qui postulauimus spectari debet; non aliunde: & cum sine vllâ controuersia ius eligendi habeamus, certe ius illud in nostram vtilitatē adhibere debuimus. Quadruplex autē esse potest ea vtilitas, quæ à nobis spectanda fuit. i. vtilitas publica Catholicæ Religionis, in hac ciuitate heresum colluione

corruptissima. 2. vtilitas vt iura nostra electionum facta, recta seruentur. 3. vtilitas rerum spiritualium, & religiosæ disciplinæ, quæ apud nos tot calamitatum iniuriis fuit hætenus non mediocriter labefactata. 4. vtilitas pro rebus Abbatix temporalibus, quæ vt nemo nescit iam penè in nihilum redactæ sunt, cum omnia penè latifundia sint oppignerata, mobilia cuncta distracta, domus ruinosæ & deperditæ. Videamus modo igitur, quam maiorem vtilitatem ad illa quatuor, ab vlllo alio quàm à nostro postulato expectare possimus. i. fatemur quidem Episcopos, Patriarchas, Cardinales, vt secundum summum Pontificem reliquos omnes dignitate transcendunt, imò ipsis regibus æquiparantur, esse vniuersali Ecclesiæ vtiliores, quàm quosuis etiam excellentissimos Doctores, concionatores, aut antistites, cuiuscumque sint generis: adstant enim summo Pontifici in gubernatione orbis terrarum, & curam gerunt, atque vt imperator ait, vt subiecti quiete viuant, noctes ducunt insomnes. qui idè ibidem ita inquit, *voluntarios labores appetimus, vt quietem alijs præparemus. in authent. vt diuinæ iussione.* Quod de sacris Antistitib. eo magis erit verum quòd maiora, & grauiora

tractant negotia, quam quę attingi possint, vel ab ipsis imperatoribus. Hęc certa sunt de vtilitate vniuersę ecclesię: verũ quid ad nostram propriam vtilitatem, qui electionum iure nostro, atque beneficio domestico gaudere debemus? Certè in c. bonę memorię. in 1. de postulat. pręlato. Rauennates non omnes, sed quidam ex capitulo Cardinalem sanctę Praxedis postulauerant, quam postulationem summus Pontifex, vt potè non concordem recusauit, deditque hanc illis rationem: *Considerauimus verò quòd eiusdem Cardinalis pręsentia vtilior sit non solum Romanę, sed etiã Ecclesię generali, vnde immerito pręferentes speciali vtilitati communem, & minori maiorem prædictum Cardinalem postulationi vestrę non duximus concedendum*, vbi glossa inquit, & ita publica vtilitas præfertur priuatę. 7. quęst. 1. scias. & ff. pro socio. l. actione, & hoc verum est cum in communi vtilitate priuata includitur, alias quilibet debet propriam vtilitatem præferre communi. art. 19. quęst. 2. duę sunt, inquit, & 33. quęst. 5. si non licet. Ex quibus efficitur Episcopum, Patriarcham, Cardinalem, aut aliũ præsulẽ additum Romanę aut alteri particulari Ecclesię, non posse vtiliter addici vni Abbatıę, quia ex illa parte non esset per-

sona vtilior bono publico : imò cum sit vtilior, si adfistat Romano Pōtifici, aut suæ diœcesi, iam fieret minus vtilis, si vni Abbatiæ deuinciretur : si verò non addicatur nostræ Abbatiæ, sed cogatur abesse, sanè nulla ab illo in nos vtilitas redundabit : qui præferre debemus nostram priuatam vtilitatem illi communi, vt ait glossa, & gaudere aliquo nostrarum electionum beneficio. Vnde concluditur talem quempiam præfulem, neque vniuersæ Ecclesiæ, neque nostræ particulari fore vtiliorem. Nam 1. cùm ciuitas sit hæresi obruta, quomodo ad id nos adiuuabit, qui semper abesse debet? Imò si adesset si concionibus, & doctrinæ non vacaret, qua re hæreticos ad fidem posset adducere? 2. Si hoc eniti debemus, vt nostra priuilegia inuiolata seruentur, equidem nullum maius damnum incurrere possumus, quàm si nostra domus, quæ ius eligendi semper habuit, cuiuspiam Domestico Apostolico, aut etiam Cardinali deferatur : beneficia enim etiam electiua eo ipso quo tenentur ab illis, non cadunt postea in electionem, sed censentur summo Pontifici reseruata. Ecce enim regulam

Cancellariæ apud Branden. super concordata. qu. 9. *In concordatis autem si extra curiam contingat vacare Episcopatum, vel monasterium, & prælatus demortuus non fuerit Cardinalis, vel officialis curiæ, electio canonica permittitur fieri in partibus iuxta concordata. Quam regulam Cancellariæ statim post ita explicat. Dixi & prælatus non fuerit Cardinalis, quia hoc casu, nisi capitula sibi provideant de speciali indulto non possunt valide eligere: quod anno superiori comprobavit exemplum Ratissponense: Nam mortuo serenissimo Philippo Bavariæ Duce Cardinale, cum reuerendum Capitalum elegisset illustrissi. & reuerendiss. D. Sigismundum Frigericum Fuggerum, electio Ferrariæ in consistorio fuit cassata, sed propter merita personæ quantumvis nulliter electæ, placuit sanctissimo D. N. eidem de dictâ Ecclesia providere. Quare si Cardinalem aliquem, imò si vel camerarium Apostolicum, ut illum Lotharingum camerarium, qui contra nos tam multa Romæ tentavit, imò cælum terramque permouit, Abbatem haberemus, actum esset de nostro iure eligendi, quod ingentissimum, & irreparabile damnum, ne quidem semel omnium sæculo-*

rum memoria apud nos auditum , quis audeat maiorem vtilitatem nostram appellare? dicunt futurum vt in diplomate à sua sanctitate caueatur , hoc pro hac vice tantum fore , nosque postea ad iura nostra redituros : verum cum hoc fieri quotidie videamus , tamen ex sexcentis vix decem inueniuntur , vbi deinde illa clausula locum habeat. Nam cum ex officio ad negotia totius Christiani orbis pertractanda sint addicti vniuersali Ecclesiæ sæpissimè accidit , vt in Romana curia moriantur, quod cum euenerit, omnia ipsorum beneficia , etiam , ex ipso concordato Germanico , summo Pontifici reseruantur. 3. Quoad disciplinam religiosam , cum ea ratione Abbatia nostra in commendam fuerit tradita, certè euidentissimum est Abbatem absentem nihil in eam rem prodesse posse , imò ne etiam quidem præsentem, cum ea commendatariis, nec sit cura commissa, nec facultas concessa. 4. Quantum ad bona temporalia Abbatix , si semper absentem talem aliquem haberemus Abbatem , quis ipsis oculis non videat præsentissimam ruinam nobis imminere ? nostrumque infœlicem statum non pertimescat, cum œconomò-

rum secularium exactionibus omnia ante oculos nostros vastabuntur, distrahentur, lacerabuntur, quæ hætenus penè omnia adeo conculcata, atque subuersa sunt, ut nemo sit Metis, qui horrendam nostram vastitatem, & desolationem non recognoscat, & defleat? è contrario nemo erit, equidem, adeo male affectus, quin fateatur, nemo adeo cæcus quin videat ad illa quatuor quæ diximus, neminem penitus vtiliorem in hac prouincia à nobis postulari potuisse? 1. ut paucis ciuitatis Metensis status cognoscatur, ea præterquam est Argentorato & aliis Lutheranorum magnis ciuitatibus contermina, & vicina, sanè ita ipsa hugonotorum multitudinè, & potentia abundat, ut inter Ecclesias hugonotorum post Geneuam, & pauculas alias omnibus præferatur in Gallia, imo ipsa nihil Geneuam recognoscat, aut suspiciat. Siquidem ciuium, si clerum exceperis, maxima, & opulentissima pars est illa hæresis labe infecta, resque admodum exigua, si potentiam, & opes, & numerum spectes, plebs Catholica æstimetur. Ad hæc in domo ciuili, & politiæ magistratuum pars omnino dimidia quos Tredecimviros vocant,

pars dimidia consiliariorum item vrbanī
 consilij ad illam sectam pertinent. Scribæ
 ciuiles omnes, imo scriba tribunalis Regij
 item hæretici. Ipsi Medici, Amanuenses,
 qui negotia omnia pertractant, & viarum
 aduenarumque, & rei frumētariæ ædiles,
 imo ipsi apparitores, quin etiam vsque
 ad ipsos lictores, viatores, præcones, ac-
 censos omnes ex dimidia; Centuriones
 verò regionum vrbis plusquam ex dimi-
 dia parte hæretici. Ipse Regius procura-
 tor, ipse rerum capitalium tribunus, imò
 & domus vrbane custos, omnes farinæ
 eiusdem. Quoad ministros prædicantes
 plures hîc semper, quàm vel Geneuæ, vel
 in vlla alia ciuitate regni reperiuntur,
 quinque enim vt minimum, sexque sæpius
 intra ipsa vrbis mœnia, atque in loco etiã
 subvrbanò vicissim suis ordinibus, ter sin-
 gulis hebdomadis, toto anno hæresim pu-
 blicè magno apparatu declamant: atque
 vt verbo dicã, tâta est in hac ciuitate ea ex
 parte calamitas, vt duo tantum hætenus
 præsidia obstiterint, quominus ne vllus
 quidem Catholicus Metis inueniretur.
 Primum cohortes Regiæ, arcisque muni-
 tio, imprimisque Domini Ducis d'Esper-
 non, Paris Franciæ, Gubernatoris nostri

exquisita prudentia, & pietas eximia. Cum enim inter omnes Galliaë magnates nemo sit omnium iudicio, qui maiorem zelum ad fidem Catholicam tuendam, vel maiorem industriam, ad Hæreticorum conatus moderandos semper attulerit, sua nos dexteritate mirifice conseruauit, conseruatque in dies. Secundo, quia tantos, tam pios, tam Catholicos, tamque potentes gubernatores fortè non semper habebimus, nec semper habuimus, imò & hæreticos habuimus aliquando, profecto omnibus in confesso est, secundum Deum, quod aliquæ fidei Catholicaë reliquiæ reperiantur id clero Metensi acceptum à posteritate referri debere. Restitit enim semper impiis hostium conatibus, tum auctoritate, qua pollet plurimum, tum suis opibus, quas largè quoties opus fuit in id negotium subministravit. Iam in toto clero, cum præter Episcopum, qui ferè hætenus semper abfuit, atque ut res modo sunt, diutissimè post illustrissimum Cardinalem extinctum aberit, Decani aliquot Metensis Ecclesiæ, & quatuor sancti Benedicti Abbates præcipui numerentur, in quibus noster Abbas S. Arnulphi inter primos locum obtinet; sanè

si absens Abbas nobis præponatur, & quē nunquam nisi ad reditus exigendos hīc videamus, equidem ita cleri capita ad duos, tresue redigentur, tandemque ad nihilum deueniemus, vt Metis plures Ministri Hæretici, quam ipsius cleri principes reperiantur. Porro cū etiam insignem virum clero adiecerimus, quoque ipsi Hæretici nullum se tota Gallia atrociorē hostem habere fatentur, sane is non modo auctoritate, sed summa eruditione, & qua pollet eloquētia mirabiles in fide Catholica progressus, omnium Catholicorum expectatione, facturus est: de quo ne dubitare possumus, ex his quæ iam de ipso omnes videmus in dies, adducimur. Nam hisce tribus annis, quibus Metis assiduē concionatur, plusquam centum, & quinquaginta ad fidem Catholicam traduxit, & multos Hæreticis subringētibus (etiam plusquam viginti hac postrema quadragesima) traducit in dies, atq; in iis ex nobilitate nonnullos, vel qui inter cohortes regias hæresi laborabant, vel errorem Metis cū spiritu hauserant: præterea ita disputationibus, & summa concionum efficacitate Ministros profligauit, ac fregit, vt iam vix mutire audeant, clarumq; est, omnium ciuium testi-

monio , multis annis neminem acrius , & potentius , & fructuosius , hæresim repres-
sisse , quod certissimum esse sua sanctitas iu-
ridicè , si volet , nullo negotio ex omnium
ore cognoscet. Omittimus dicere cū præ-
fatus noster postulatus huc appulit cum
Illustrissimo domino Cardinale de Giury,
Episcopo nostro sanctissimo , bon. memor.
longè miserabilem fuisse Ecclesiæ Catho-
licæ faciem , siue ad conciones audiendas,
siue ad Sacramenta frequentanda , vt mo-
do omnino alius sit Catholicorum feruor,
totaque ciuitas penitus ad pietatem com-
mota , quod omnium , etiam aduersariorū
testimonio ita esse sua sanctitas ipsa ma-
nifesto cognoscet. Itaque nihil non hugo-
nothi moliti sunt , vt tantum à nobis , tam-
que sibi molestum Abbatem postulatum à
se auerteret. Quam ergo personam à sum-
mo Pontifice vtiliorem postulare potui-
mus , quàm illam cuius suauissimos fructus
in dies degustamus ? Certè quidem sum-
mus Pontifex , cum capitulum Tholosa-
num alios elegisset , Episcopum vero Con-
uenarum virum doctissimum postulasset,
electiones reiecit , postulationem admisit,
tum ea causa quam supra diximus , tum vt
eius opera hæresis ab illa Prouincia extir-

paretur. Verba canonis ipsa sunt in 1. de elect.ca.in causis. *Quocirca mandamus quatenus si personam Episcopi vtilem, & necessariam inueneritis ad regimen Ecclesie sue Tholosane, & idoneam tam scientia litterarum, quam sue conuersationis exemplo ad hereticorum perfidiam de Tholosana diocesi extirpandam, quæ ibi per negligentiam præsulum miserabiliter, & damnablem pullulauit, transcurandi ad Ecclesiam Tholosanam propter urgentem necessitatem, & eorundem vtilitatem licentiam tribuatis.* 2. Pro nostrarum electionū iure equidem iam vniuersus Clerus Metensis, totaque posteritas fatebitur postulati nostri industria, & apud Regem, & Reginam gratia, optimam illū nuper operam in aula Regia nauauisse, ne contra concordata Germanica, ius electionum aliquid detrimenti caperet; imo à toto consilio sanctiori benignissimè confirmaretur, quod negotium adeo arduum, ab alio suscipi non potuisse omnes vno ore consentiunt: vnde speramus omnes acerrimum semper iurium nostrorum defensorem futurum. 3. Pro disciplina Religiosa, quæ vt nihil simuletur dudum Metis valde iacuit, in competto est neminem concionatorem eorum, qui hodie viuunt memoria, maiores conatus adhibuisse, imo

ea de causa maiores offensiones, & maiora odia, quam ipse fecit inuidiſſimo animo ſubiſſe, vt meliorem aliquam formam induceret : vnde nemo eſt, qui non confidat fore, poſtquam habitum noſtrum ſuſceperit, quod impenſiſſimis precibus ab illo obtinuimus, vt magis ſuo exemplo, ſuo conſilio, ſuaque prudentia id negotium promoueat, quam haſtenus concionibus, & authoritate potuerit. 4. pro bonorum Abbatiaſ recuperatione tam ardentem, tamque efficacem zelum oſtendit, vt nullo modo dubitemus, ſi eum nobis diuina prouidentia ſuperſitem, vel ad quadriennium conceſſerit, quin omnia proſus in integrum reſtituatur : nam quaeſt frugalitate, atque modeſtia, iam ſuae ſanctitati, & Regi eſt proteſtatus, atque pollicitus ſe contentiſſimum fore nihil omnino toto triennio, aut quadriennio de Abbatiaſ redditibus attingere, donec praecipua Abbatiaſ pignora fuerint in integrum reſtituta; quam ſponſionem iſti Abbatiarum Aucupes minimè adeo liberaliter facturi eſſent. Cui negotio, nos ipſi ea ſpe freti ſeriò incumbere coepimus : ex quibus omnibus ſuſius expoſitis facile efficitur.

Tametsi concordato Germanico postulationes minimè continerentur, non ideo ius nostrum esse ad summum Pontificem deuolutum.

Q V A R T V M.

ABBATIAM SANCTI

Arnulphi præter concordata Germanie, etiam vi indultorum, quæ à plurimis Pontificibus concessa sunt, tumque possessione immemorabili, nunquam hætenus interrupta, potestatem eligendi semper habuisse.



OSTRAM Abbatiam, nūquam memoria omnium hominū iure electionum caruisse, facile & sine vlla dubitatione demonstrari potest. Primo plusquam cētum, & quadraginta annis antequam concordata Germanica à Nicolao V. ederentur diploma exhibemus Clementis V. in concilio generali

generali Viennensi datum, idque, vt aiunt, consistorialiter obsignatum, nam ibi summus ipse Pontifex propria manu, tum omnes Cardinales qui consilio aderant, subscripserunt, vbi postquam omnia à cæteris Pontificibus concessa priuilegia confirmasset, hanc clausulam adiunxit. Obeunte Verò te nunc eiusdem loci Abbate vel tuorum quolibet successorum, nullus ibi qualibet subreptionis astutia seu violentia, præponatur, nisi quem fratres communi consensu, vel fratrum maior pars consilij sanioris secundum Deum, & beati Benedicti regulam prouiderint eligendum, &c.

Datum Viennæ per manum Arnaldi titulo sanctæ Priscæ presbyteri Cardinalis, sanctæ Romanæ Ecclesiæ Vicecancellarij XV. Cal. Ian. Indictione decima, incarnationis Dominicæ anno millesimo trecentesimo undecimo, Pontificatus Vero Domini Clementis Papæ V. anno septimo. Ego Clemens Catholicæ Ecclesiæ Episcopus. Ego Ioannes titulo sanctorum Marcellini & Petri præbyter Cardinalis. Ego Francis. titulo sancti Eusebii præbyter Cardinalis. Ego Stephanus titulo sancti Cyriaci præbyter Cardinalis. Ego Arnaldus tituli sancti Marcelli præbyter Cardinalis. Ego Petrus Card. prænestinus me subscripsi. Ego Berægarius Episcopus Tusculanus. Ego Neapoleo

H

sancti Adriani Diaconus Cardinalis. Ego Landulfus sancti Angeli Diaconus Cardinalis. Ego Guillelmus sancti Nicolai in carcere Tulliano Diaconus Cardinalis. Ego Franciscus sanctæ Mariæ in Cosmædin Diaconus Cardinalis.

Nullum sanè magis solemne, magisque sanctum, ac fixum diploma exhiberi potest : in quo quia cæterorum Pontificum confirmat priuilegia, operæ pretium erit hùc sancti Leonis noni diuinum diploma producere, vbi quam fuerit augusta, ac sacrosancta Abbatia S. Arnulphi commemorat, simulque illam in sanctæ Apostolicæ sedis protectionem, & tutelam suscipit, vt nemo sit benè Catholicus, qui illis perlectis non ingemiscat, & lachrymetur, cum à tam augusta celebritate ad tam horrendam calamitatem adudctam Abbatiam adspexerit : sic igitur D. Leonis diploma Apostolicum habet, Datum anno Domini millesimo quadregesimo nono.

LEO EPISCOPVS SERVVS SERV-
VCRVM DEI. *Ecclesiæ in honorem beati Ioannis Euangelistæ, sanctique Arnulphi Confessoris Christi, à nobis specialiter dedicatæ, & per eam venerabili Vvarino Abbati, suisq. successoribus monachis etiam inibi Deo famulantibus, salutem, & Apostolicam benedictio-*

tiem. Quamuis omnium ecclesiarum curam semper gerere debeamus, illis tamen quibus diuina cooperante clementia sacræ benedictionis manum imponimus, propensiori cura, & vigilantiori studio prospicere debemus in omnibus. Quapropter fidelium Christi, tam præsentium quam futurorum solertiam ignorare nolumus, qualiter nos à venerabili confratre nostro Adelberone, Metens. episcopo, ad ipsam ciuitatem solemniter inuitati, inter alia quæ ibi diuina fauente gratia ad correctionem perduximus, Monasterium sancti Arnulphi Confessoris Christi preciosissimi, rogatu præfati Abbatis Vvarini in memoriam B. Ioannis Apostoli, ac prænominati sancti Arnulphi confessoris Christi, 5. Idus Octob. Christo consecrauimus. Huic igitur dignitati aliam dignitatem cupientes adijcere, priuilegium auctoritatis nostræ præfata non negamus ecclesiæ. Voluimus itaque, & sacra primæ sedis auctoritate sancimus, vt eadem Ecclesiæ, & ipsa sacrosancta Domini mensa in honorem ipsius à nobis dedicata, tale priuilegium inuiolabiliter obtineat, vt præter episcopos, & Abbates, ac septem eiusdem cœnobij sacerdotes, & tres canonicos de domo sancti Stephani, primicerium decanum, & chorepiscopum primum, ad ipsum principale altare nullus vnquam Missas celebrare præsumat, nisi & talis religiosa persona quæ po-

stulat cōsensu Abbatis, aut fratrum ad illud reueren-
 ter accedat: precipimus etiam vt nullus Archiepi-
 scopus vel Episcopus super idem altare quamdiu
 inuiolatum est, manum suam temere superponat,
 vel pro quacumque occasione sacrosanctum re-
 demptionis nostræ mysterium ibi intercludere
 vel prohibere præsumat, scilicet si homicidium,
 vel tale quid ibi, quod absit, peccatis contigerit
 exigentibus à Romanæ sedis præfule, vel quibus ipse
 iniunxerit discutiendum, ac determinandum esse cense-
 mus. Scilicet, & annale ibi mercatum, quot annis in
 anniuersaria dedicationis ipsius festiuitate per af-
 sensum dilectissimi filij nostri Domini Henrici
 III. Regis, secundi vero Imperatoris, in eodem
 loco haberi decreuimus, & vt eadem dedicatio
 ibi semper festiue celebretur ab omnibus non mi-
 nori autoritate iubemus. Constituimus etiam
 ex paterna dilectione, Vvarine Abbas, tibi
 tuisque successoribus in perpetuum concedimus,
 vt in sacra eiusdem dedicationis die, aliisque
 præcipuis festiuitatibus in missarum celebratio-
 ne sandaliis, & dalmatica utamini, fraternitatē
 vestram commonentes, vt cum augmento huius-
 modi honoris, augeatur in vobis amor Altissimi.
 ad cumulum quoque, vel augmentum mona-
 sticæ religionis adiicimus, vt ecclesiæ, villæ, &
 possessiones, quas serenissimi Romanæ ecclesiæ
 filij Reges & Imperatores, Karolus, scilicet Ma-

gnus, Ludowicus Pius, Arnulphus, & Zeudibaldus, Otto, Conradus, eidem loco pia deuotione contulerant, aut ab aliis Christi fidelibus tradita priuilegiū sui autoritate firmauerant, vsib. Abbatis, ac fratrum inibi Deo famulantium, perpetualiter deseruiant, & ad præbendam illorū, absque omni cōtradictione, integra semper & inconuulsa permaneant, hoc est, Mareolas, Arx, Insiliacum cum ecclesia, & decimatione, Floriacum etiam, & Flauiniacum, Nugaredum, & Vigiacum. Triginta etiam mansos cum ecclesia, & decimatione, in villa siue curia, quæ vocatur Rumeliacum, præterea vero Maurenilla & Vicum Demillare, & Tiliacum, Caminetum vero & Buxeriam, quod Hildegardis Regina cum ecclesia, & decimatione, sylus, & vineis, aquis, aquarumque decursibus, molendinis, etiam iam factis, & in quocumque loco iuxta Saliam fluuium, insulam, bannum eiusdem curiæ sibi placuerit per villicos fratrum semper transponendis & faciendis ad præfatum sæpius contulit locum, pomeriolum etiam cum quo & per quod ecclesiastico more ipsum sæpeditum dotauius monasterium, scilicet, & laicū castrū quod quædā eius Comitissa cum sylua quæ vocatur Hers, & cum omni utilitate vel suffusa eiusdem syluæ, cum ponte etiam & piscatione circa muri fluuium ad præbendam delegauerat fratrum Binera, & Afri-

delinde Comitissa eidem loco traditum scilicet Cō-
radi gloriosissimi Imperatoris autoritate firma-
tum, scilicet & natus quidem vicum iuxta Mo-
zellam fluuium, à Dagoberto Rege traditum, &
corroboratum, vel quidquid in inferioribus par-
tibus in Colomensi episcopatu ad prædictum per-
tinet Cœnobium, hac quidem omnia præbendæ
eorumdem fratrum, hac nostra Apostolica præ-
ceptione delegamus & confirmamus in perpetuū.
Præterea vero ecclesiam, immo Abbatiam S.
Fœlicis ipsi loco adiacentem, vbi primus eiusdem
Metens. ecclesiæ pastor beatus Clemens corpore
quiescit, quam præfatus venerabilis episcopus
Adelbero à prædecessore suo quodam æque Adel-
berone vocato pro prædicta curia Rumeliacum
nuncupatum sancto Arnulpho in Concambiū
datam esse narrauit, & cartis testando monstra-
uit. Hanc quippe Abbatiam cum domib. agris,
syluis, ac vineis, & cum omnibus appenditiis
suis ex autoritate beati Petri, & nostra eius
indigne Vicarij, rogatu præfati Adelberonis epi-
scopi, ac Varini Abbatis cœnobio sancti Arnul-
phi ea ratione firmamus quatenus præfatus Ab-
bas, aut fratres eorumque successores sub ipsorum
cura perpetualiter eam teneant, atque possideant,
nullusque ibi vltius pastorale virgam quoquo-
moda suscipere, siue portare præsumat, scilicet
Abbas sancti Arnulphi per suos, aliosque reli-

giosos fratres quicquid ibi ordinandum sit, semper studentes, illud, & attendentes, ut sicut ipse sui que fratres in suis vsibus aliquantum inde releuari desiderant, ita eundem locum assiduo sui famulatu semper venerari, & frequentare non desistant. Hanc igitur Abbatiam cum omnibus ad eam iuste & legaliter pertinentibus, insuper etiam villas ecclesias, ac possessiones quas antea prænominauimus sapediecto S. Arnulphi cœnobio ac fratribus ibi Deo famulatibus, taliter delegamus, & confirmamus, ut nullus Imperator aut Rex, nullus Archiepiscopus, vel Episcopus, nullus Dux, nullus Comes, vel Vicecomes, sed nec aliqua persona magna, vel parua in eisdem rebus aliquam eis iniustitiam, siue violentiam inferre audeat, vel aliquem aduocatum nisi Abbas aut fratres pro qualitate temporum, vel diuersitate locorum aliquubi petierint eis ponere præsumat, scilicet sicut Reges & Imperatores, episcopi etiam aliique fideles eadem bona illuc pia deuotione contulerant, ita diuersis eorum vsibus salua semper, & inconuulsa permaneant. Quisquis autem sibi ad præsens timens, & in futurum præcauens, hanc sacram nostræ confirmationis paginam seruare conatur, per gratiam omnipotentis Dei, nostra semper Apostolica benedictione muniatur. Qui vero in aliquo eam violare vel temerare præsumpserit, diuini anathematis vinculo percussus beatum Pe-

H iiii

trum Apostolorum Principem cum omnibus sanctis contrarium sibi sentiat, & totum id quod fecerit irritum sit, & ratum non permaneat. Scilicet Abbas ipsius loci ac fratres à serenissimis Rom. eccles. filiis Regibus, scilicet, ac Imperatoribus inde iudicium & iustitiam quærant. Si autem in hoc minus profecerint id honoris, & hoc singulare à nobis privilegium semper obtineant, ut sicut in eodem monasterio pro nostræ consecrationis lætantur beneficio, sic à Romana sede contra omnes aduersitates Apostolicæ defensionis perpetuo semper muniantur auxilio. Data 5. Idus Octob. per manus Vdonis sanctæ Apostolicæ sedis Cancellarij, ac Bibliothecarij, & Tullensis primicerij. Anno Domini Leonis noni Papæ primo, indictione secunda, anno quinto, Dominicæ Incarnationis millesimo quadragesimo nono. Ebergardus Treuerorum Archiepiscopus subscripsit, &c. Hugo Crysopolitanorum Archipræsul, &c. Adelbero Metensis episcopus, &c. Eudo Leucorum episcopus, &c. Alinardus Lugdunensis ecclesiæ Primas, &c. Humbertus Cardinalis, & episcopus Syluæ candidæ, &c. Theodericus Viridunensis episcopus, &c. Ioannes Sacriscrinius, &c. Item Ioannes Archidiaconus, &c. cum plumbo more Rom. cur. impenden. sub cordula cericæ.

Manifestum igitur est Abbatiam sancti

Arnulphi, ita sanctæ apostolicæ sedis tutela gloriari, vt iam non immerito, inde suarum calamitatum leuamen aliquod non modo sperare, verum & deponere quodam suo iure possit.

Iam ex eo nobis semper ius eligēdi fuisse conuincitur, quod ante Clementem, V. nemo possit ire inficias, quin secundum regulam sancti Benedicti id semper à nobis fuerit vsurpatum. Post Clementem vero V. idem ius electionum vsque ad Nicolaū V. cōcordati Germanici authorē, perdurasse, tum satis ex Clementis V. diplomate apparet, tum ex Martini V. testimonio, qui Nicolaum V. ita præcessit, vt inter vtrumque solus Eugenius intercesserit. Ergo Martinus in diplomate quo Simonis Abbatis nostri electionem, anno sui pontificatus secundo, 13. Kal. Iulij, ritè confirmat, sic ait. *Vos ad electionem futuri Abbatis ipsius monasterij vestri (sancti Arnulphi) procedentes, vocatis omnibus, qui potuerunt, voluerunt, & debuerunt electioni huiusmodi commodè interesse, die ad eligendum præfixa, vt moris est, conuenientes in vnum, dilectum filiū Simonem Abbatem tunc Priorem claustralem dicti vestri monasterij ordinem ipsum apertè professum, & in sacerdotio constitutum, in vestrū,*

& dicti monasterij Abbatem concorditer eligistis, &c.

Ex quibus omnibus inexpugnabile argumentum efficitur etiam ante concordata Germaniæ, semper ex antiquissima consuetudine, & ex indultis Apostolicis ius eligendi penes nos fuisse. Ergo tametsi nulla essent Metensibus cum summo pontifice concordata Germaniæ, tamen non minus potestatem liberam eligendi haberemus.

Accedit quod est omnino memorabile, quod per concordata Franciæ inter Leonem X. & Regem inita, quibus omnes electiones, & postulationes nominatim sublatae fuerunt, uti ex §. primo illius concordati Gallici apparet, tamen liberae penitus electiones per idem cōcordatum, illis beneficiis sunt relictæ, quæ indulta, & priuilegia specialia Apostolica obtinuerūt. Hæc si quidem sunt ipsa concordati verba §. per præmissa.

Per præmissa tamen non intendimus in aliquo præiudicare capitulis Ecclesiarum, & conuentibus monasteriorum, & prioratuum huiusmodi priuilegia à sede Apostolica proprium eligendi prælatum obtinentibus, quominus ad electionem episcoporum, abbatum, & priorum iuxta pri-

uilegia eis concessa libere procedere possint, iuxta formam in eorum priuilegiis contentam, & si in eorum priuilegiis forma aliqua expressa non fuerit tunc formam Concilij generalis, c. quia propter tantum seruare teneantur: dummodo de priuilegiis sibi concessis huiusmodi per litteras apostolicas, seu alias authenticas scripturas docuerint: omni alia specie probationis eis in hoc adempta.

Ergo in ipsa generali electionum tempestate, qua concordato Gallico omnes electiones, & postulationes perierunt, tanta indultis apostolicis est habita reuerentia, vt sancta hucusque, & inuiolata permanferint, adeò vt nulla sint eius generis beneficia, in ipsis Galliæ visceribus, quæ iure electionum liberrimo non vtantur, itaque etiam nostra memoria sexcenties in electionum gratiam fuit à supremo Parisiensi Parlamento, & à Regis sanctiore consilio ex indultis Apostolicis iudicatum. Quis autem credat non magis iura electionum esse cordi summo Pontifici, quam cuilibet mortalium oportere? aut suam sanctitatem velle nos deteriori esse iure, quàm omnes toto orbe terrarum, qui Apostolicorum indultorum beneficio pacificè vtuntur?

QVINTVM.

IVRE ELECTIONIS VI

*indultorum, & possessione numquam
hactenus interturbata postulationes
pari iure, si canonice atque concordess
fuerint, contineri, atque vtrasque eo-
dem iure à summo Pontifice admitti
debere, tametsi nulla concordata Ger-
manica fuissent.*



AM ante copiosè de-
monstrauimus, qui ius
habeant eligendi ha-
bere postulandi, & per
postulationem canoni-
cam, atque concordem
ius postulato esse quæ-
situm: vnde ne factum faciamus abundè
quæ diximus, esse poterunt ad intelligen-
dum, & si nulla vnquam concordata Ger-
manix inita fuissent, tamen cum ex indul-
tis Apostolicis, ius eligendi habeamus, vt
ostensum est, nos habere etiã postulandi.

SEXTVM.

QVAMQVAM IVRE

communi electionum postulationes non compræhēderentur, neque ad illas admittendas sua sanctitas teneretur, tamen, cum nulla in re peccauerimus, deuolutione nostri iuris nos puniri non posse, neque propterea ius esse de Abbatia providendi ad sanctitatem suam deuolutum.



IXIMVS. Conueniunt omnes. Numquam in mūdo aliter auditum. Experientia quotidiana comprobatur. Totó iure canonico continetur,

iūs non deuolui ad summum Pontificem nisi aliqua culpa, eamque esse acerrimam pœnam. Atqui luce clarius est, nullam esse culpam, imo meritum esse ingens, & virtutem omni gratia remunerandam po-

stulare virum maximè idoneum ad maius bonum Catholicæ Ecclesiæ, ad evidentissimum commodum, imo ad extremam pœnæ necessitatem calamitosissimæ nostræ domus, idque maximè cum commodè eligere non potuerimus. Ergo merito plecti non possumus, alioqui egregiè, & sanctissimè facta, imo quæ commodè aliter fieri non poterant, plecterentur.

SEPTIMUM.

POSTULATIONEM A

*nobis de tam insigni viro factam plane
canonicam, atque concordem, suisque
omnibus numeris absolutam, & per-
fectam esse, ideoque minimè reiicien-
dam.*



OSTULATIONIS
vero tota perfectio,
aut ex persona po-
stulati, aut à postu-
lantibus, aut ab ipsa
postulationis for-
ma desumitur.

De persona no-
stri postulati, quam sit idonea, iam aliqua
diximus, & statim magis ex professo di-
cemus; in quo illud est memorabile; quod
cum illa mens nobis fuit illum postulandi,
nihil de ea re ipse penitus cogitauerat,
multo minus nobiscum, aut per se, aut per
alios egerat: nocte enim adulta Abbate

citius opinione, defuncto, nos summo mane illum cum iam illucesceret, in lectulo quiescentem adiuimus: ad nos, alio prætextu, ne consilio quidem nostro communicato, deduximus: illi mentem nostram tum primum aperuimus: ad postulationem nos accinximus: postulauimus. Omnes, omnes. consensit. res acta, maxima, quam vnquam fuit omnium consensione, sinceritate, alacritate, prudentia, religione. Nullum autem penitus in eo vnquam impedimentum reperietur, ne coniurata quidem omnium cacodæmonum nequitia, ex eorum numero, quæ ex omnium Doctorum sententia electioni, vel postulationi personæ officere posse paulo ante demonstrauius: imo omnia cumulatissime in eo depræhendentur, quæ virum eximium omni electione, & postulatione dignissimum efficere consueuerunt, quod vel ipsa inuidia crepante, etiam eius aduersarij fateri coguntur, ne lucem negare videantur in Sole clarissimo.

Quoad nos attinet: hoc primum in vera electione, aut postulatione requiritur, vt omnes intersint, qui voluerint, qui potuerint, qui debuerint interesse: non

non fuit nobis magnum negotium , nisi
 ut è suis quique cellulis acciremur : omnes
 siquidem præsentés, nemine excepto, ade-
 ramus. Itaque omnes , ut moris semper
 apud nos fuit, accersiti, libenter, imo an-
 helanter accurrimus. Penes nos autem qui
 adfuimus ius eligendi, ac postulandi esse,
 ac fuisse abundè modo demonstraui-
 mus. Nemo mortalium nos vel autoritate
 coegit, vel minis exterruit, vel precibus
 adduxit, vel pretio illexit, vel gratia oc-
 cupauit, vel suasionibus deleniuit, ut in
 nostrum postulatum consentiremus : nul-
 la, omnium mortalium memoria, postula-
 tio magis libera, magis pura, magis ger-
 mana, magis sancta, magis concors, ma-
 gis incorrupta, quantum ad electorum pu-
 rum, diuinumque consensum, esse potuit.

Quantum ad formam postulationis,
 tametsi omnes in ea multo pauciora, quàm
 ad ipsam electionem requirant, tamen nos
 ea obseruauimus, quæ omnes ad vnum in
 germanissima electione desiderant. 1. tem-
 pus, locum, & reliquas circumstantias, quæ
 est forma veluti accidentaria, dispositionũ
 instar, quæ ad formam substantialem re-
 cipiendam conferunt, vbi ea dicentur, quæ
 postulationem præcesserunt. 2. Super

omnia electorum consensum, quæ ipsius postulationis, veluti essentialis est forma consensu electi, aut postulati adueniente, cum reliqua sint tantum ad decorum inuenta, vbi de iis quæ in ipsa postulatione acciderunt, tractantur. 3. Quæ postulationem subsequuta sunt quam breuissime adferuntur.

Quoad tempus, hoc primum per sacros canones cauetur, ne ægrotante prælato, electores de electione, aut postulatione tractent. capit. obeuntibus. 63. distinct. Tractat Panormitanus de elect. ca. bonæ memor. post Innocent. eodem loco, remque ita definit. *Sed tu conclude breuiter post Innocent. quod tractatus deliberatorius, seu diffinitorius est omnino illicitus ante mortem prælati, non solum quando concluderent electores de certa persona eligenda, sed quando etiam ordinarentur aliqua spectantia ad electionem futuram, vt puta si eligerent locum electionis faciendæ, vel citarent absentes, hæc enim ordinatio, & similis est prohibita à iure. Vt hic in fin. & 79. distinct. in capit. 2. Et idem dic secundum Innocentium de omni tractatu ambitioso, conuentionali, actionali, vel conditionali, vel aliter inhonesto: sed tractatus consultorius non est prohibitus à iure, etiamsi*

aliquis dicat quod talis persona esset honesta ad
 talem praelaturam, & aliis persuaderet, ut ip-
 sam eligerent, & secundum hoc debet intelligi
 c. si transitus. 79. dist. ubi probatur quod viuen-
 te etiam Papa potest haberi tractatus consultorius
 de substitutione summi pontificis. Et vide spe-
 cialiter in cap. in nomine Domini. 23. dist. & quod
 dixi in c. licet. supra. His paucis Panormit.
 cuncta complectitur, quæ de hoc capite di-
 ci possunt, idem Gregorius Tholosan. tra-
 cta. de electione paulo fusius. In quo nos
 adeo religiosi fuimus, ut nullum omnino
 verbum ante mortem Abbatis cum postu-
 lato de nostra mente illum postulandi con-
 tulerimus, neque ille nobiscum, vel perse,
 vel per alium ea de re egerit, imo ne per
 somnium quidem cogitavit: nos vero pau-
 ci, quanquam de illo perfunctorie verba
 quædã inter nos & de ingentissimis difficul-
 tatibus habuerimus, quæ domui nostræ
 imminerent, nisi aliquem virum ei similem
 postularem, cum statueremus inter nos
 neminem tanto difficultatum oneri feren-
 do esse: tamen adeo obiter actum est, ut
 nulla maiori religione fieri à nobis potue-
 rit, nullo ne minimo quidem deliberatio-
 nis apparatu. E contratio autem, qui res
 Flauinij camerarij Metis tractabant, mul-

ta tentarunt, ante Abbatis obitum, vt nos ad illum postulandum adigerent, multoque plura deinde miris artibus sunt conati. Sennetonus vero mature de periculo fratris admonitus Breuetum ante eius obitum contra ius, fasque, imo contra Edicta Regia impetrauit, cū obuisse, ante obitum persuasisset, ideoque iam tum ius nostrum electionum via sꝛulari, & prohibita infringere voluit, sicque secundum canones ad omne beneficium se incapacem exhibuit, ac multo etiam magis cum postea, eius Breueto antiquato, nos viis admodum alienis, albo ad quauis ab illo speranda proposito, per suos actores ad fratrem postulandum adigere voluit, aliasq. inusitatas artes omnes adhibuit: sed frustra, nulla enim authoritate vnquam adduci poterimus, vt illum vel optemus, vel admittamus Abbatem, ob innumeras, easque grauissimas rationes, quas suæ sanctitati cū opus erit, sique ipsa volet, explicabimus. Certe qui in viuientis pastoris beneficium irrepserit, deponitur, capit. 1. de concessione præbendæ. Priuatur & sacerdotio, & omni ministerio ecclesiastico deiicitur, cap. 7. in primis. 2. qu. 1. dicitur, & fur, & latro. cap. non furem. 7. qu. 1. &

cap. 1. 3. 5. & can. sicut vir. & c. præsertim. 7. qu. 1. imo in media Gallia ipsa Breueta, omnesque reservationes ante prælati obitum impetratæ, veluti piacula à Parliamentis, ipsoque sanctiori consilio per Edicta Regia, & per ipsius regni leges repelluntur, antiquantur, exsufflantur: nam etiam in iure ciuili pactum de futura, vel de viuentis successione reprobatur. l. fina. C. de pactis. l. pactum dotati. de collat. C. cum similibus.

Ergo defuncto Abbate postulauimus, primo quoque tempore quo nobis tutum, & liberum fuit: quia verò Abbatis sepulturam expectare nec tum debuimus, nec profecto vlla ratione potuimus, suspecta nonnullis immerito nostra postulatio existit: in quo non admodum litigabimus, cum sit luce clarius in iure sepulturam ex decoro tantum, non ex necessitate expectari debere. De quo hæc pauca Panormitan. ad verbum expressa sufficient, vbi supra de election. ca. bonæ memor. *Nota singulariter istam glossam, & non tradas eam obliuioni, quòd ad validitatem electionis necessario non requiritur quod præcedat sepultura prælati: vnde cadauere adhuc super terram manente, potest procedi ad electionem futuri Pontificis,*

&c. Et paulo post. Innocentius, Compostellanus, Ioannes Andreas, & communiter doctores sequentes tenent opinionem glossæ: licet sit honestum, ut expectetur prius sepultura prælati. ut in ca. obeuntibus. 63. dist. & in ca. postq. 50. dist. Vbi glossa dicit quod à die mortis currit tempus eligendi. Et dicit Ioan. Andreas, quod melius dixisset ab hora mortis, quasi sentiat quod illa hora mortis non excluditur, imo debet computari tempus trium mensium ab illa hora mortis; quod bene notat; unde esset absurdum dicere quod tempus non incipiat currere ab hora mortis, & quod capitulum non possit eligere, nisi post exequias prælati; nam tempus non currit, non valenti eligere. ut in ca. quia diversitatem. de concess. præbend. & hac opinio mihi placet: pro qua adduco bonum textum. in ca. 3. 8. qu. 1. in fin. Vbi dicitur quod post obitum quiescentis, clerici habent potestatem eligendi. Et ad c. nullus. 79. dist. dic quod loquitur de honestate. Et eodem modo potest respondere ad istum textum: hic enim fuerunt due causæ cassationis: una scilicet propter contemptum canonici, & ista fuit potissima, & finalis causa: alia quod corpus nondum fuit sepulture traditum, fuit impulsiva: nam honestum fuisset aliter facere: sed hoc solum non sufficeret ad cassationem electionis, vide simile in vxore, mortuo viro carnali: nam honestum est, ut non nubat ante annū

luctus ; non tamen hoc est necessarium, ut in ca. penult. & ult. de secund. nupt. & quandoque est utile statim post mortem ; puta si canonici timent impressionem Principis : & per hoc potest concludi quod potius valebit collatio beneficij facta rectore defuncto nondum tradito sepultura, cum isti Rectores proprie non dicantur contrahere matrimonium spirituale, ut not. in ca. quia propter. infra eodem. Unde non est tantum vinculum inter eos, & Ecclesias suas sicut inter Episcopum, & Ecclesiam suam Cathedralē ; Hæc panormit. qui paucis omnia est complexus. Quæ ideo attulimus, quia ad ea nihil de isto genere addi potest, etsi fusius ab aliis asseruntur, uti à Gregorio Tholos. ubi supra, & passim à cæteris. Glossa vero, quam citat hæc est. loco cit. de elect. bonæ mem. 2. Nota quod cassatur electio, de qua est habitus tractatus ante sepulturam mortui. 79. dist. nullus 2. sed propter hoc solum non fuisset cassata, sed assumit hic Papa quasi non causam ut causam, sed contemptus fuit causa cassationis : nā mortuo viro soluta est vxor à lege matrimonij, infra. de secund. nupt. ca. ult. & pen. Causa porro accelerandæ ante sepulturam electionis, seu postulationis, quam Panormitanus attulit ; puta, si canonici timent impressionem Principis, maximè Zabarellæ probatur ad cap. quia

propter. notabili. 7. de election. & ita fuit
iudicatum in causa Ecclesiæ Ylardenfis in
curia Romana, vt scribunt Innocent. &
Hostiens. ad dictum ca. Bonæ memo. 2.
Quæ sanè ratio tota pro nobis militat, om-
nemque litem pro nostro claro iure deter-
minat : quemadmodum enim suæ sancti-
tati ex professo iam exposuimus, Abbatis
defuncti sepulturam expectare non po-
tuimus, quia violentiam brachij secularis
non modo timebamus, verum etiam iam
iam imminere ipsis oculis videbamus : at-
que re ipsa non solum vim timuimus, sed
manifestissime passi sumus : quod ne ex
nobis dicere videamur, id totius cleri Me-
tensis solemni testimonio confirmamus,
ne veritatis clarissimè in nos odium refun-
datur. Primum hætenus sæpe magnam
vim illatam aliis Abbatiis, ipsa experientia
recenti memoria, vt nupèrrime in Abba-
tia S. Symphoriani videramus : Deinde
dominus gubernator aberat dominus
Dux d'Espèrnon, qui cum sit rei Catholi-
cæ præcipuus hoc in regno defensor, sem-
perque priuilegiorum Metensium acerrim-
us patronus, & propugnator extiterit,
certè sua nos præsentia eo metu facile libe-
rasset : quare vix noster postulatus postu-

latione transacta, domo nostra pedem extulerat, ne semiquadrante quidem horulæ interiecto, cum vnus ex præcipuis Regiis Magistratibus Hugonothus, imo Hugonothorum facile princeps ad nos aduolat, Religiosos imperiosè cōuocat; cū pauci conuenissemus, alij aliò diffluxissent, nobis ante maius altare seuerè imperat, ne vllam electionem, aut postulationem aggrediamur, donec Regi Abbatis interitus fuerit nunciatus. Respondemus iam transactum esse negotium, ipsum nihil habere quod iubeat; id fecisse nos quod nostri iuris esset, quod Dei gloria dictauisset. Interea postica, atria, omniaque ostia armatis militibus obsidentur, vt conuenire inter nos deinceps sine arbitris nullo modo possimus: actumque prorsus erat de nostra postulatione, si vel dimidiolam horam distulissemus. Tertio, alià ex parte Sennetonus nec dum fratre Abbate defuncto in aulam Regiam concitatis equis accurrerat, atque Breuetum Regium subreptitium impetrauerat: inde claram, atque præsentem tempestatem subito coruscare prospeximus, nec fefellit metus: nam statim post Abbatis obitum, ecce ex aula accurrunt, qui œconomatus vt vocant litteras,

cum illo Breueto, nomine Sennetoni deferunt, nobis Regio iussu imperat, vt Sennetonum pro Abbate futuro, interim œconomus agnoscamus, admittamus. Omnes generosè resistimus; ipsi cum Regius procurator instaret; reclamamus, intercedimus; denique violenter inuadunt, tum brachio seculari muniti extra urbem domos, prædia, bonaque omnia inuitis nobis, & iis quibus curæ erant, imperiosè occupant. Totius cleri Metensis interea opem imploramus, accurrit vniversus, quasi ad publicum incendium: coram domino præfide nobiscum, de vi, de insultu, & de spoliatione conceptis verbis protestatur. Nos primi eidem domino de Selue præsidii æquissimo, atque integerrimo, nostro nomine, de violentia, & de spoliatione protestati nostram oppositionem obiicimus, quâ sua protestatione clerus totus exinde confirmat. Ecce ne aliquid comminisci videamur solemnem, atque authenticam cleri Metensis contra violentiam oppositionem, cuius hocce primigenium exemplar suæ sanctitati exhibemus.

Hodie decimonono Iulij, anno domini millesimo sexcentesimo vndecimo, coram nobis Amanuensib. publicis Apostolica auctoritate subscri-

ptis, in hac Vrbe Metensi residentib. Domini admodum Reuerendi, & Venerabiles prælati, necnon capita cleri vniuersi præfata ciuitatis Metensis vna congregati, & conuocati cum dominis Priore, & Religiosis, atque conuentu Abbatie sancti Arnulphi, videlicet Reuerendus, & Venerabilis dominus Iacobus Foës decanus Cathedralis Ecclesiæ Meten. necnon admodum Reuerendi in Christo patres, ac domini, D. Ioannes Saulnerius Abbas sancti Vincentij, D. Franciscus de Villers Abbas S. Clementis, Dominus Andreas de Hem. Abbas nostræ Domine Pontis Theofredi. Venerabiles domini Magister Antonius Rouffelleti Cancellarius, D. Ioannes de Beschaps Archidiaconus, & Canonici præfata Cathedralis Ecclesiæ, Dominus Richerius Vrbanus præpositus Ecclesiæ collegiatæ sancti Saluatoris, D. Chrystoforus Flentot præpositus Ecclesiæ collegiatæ sancti Theobaldi. Reuerendus Dominus Ioan. de Moruille Religiosus Monasterij sancti Symphoriani, loco sui Reuerendi Abbatis absentis, nec non multi alij Religiosi, & clerici, nomine, & causa totius cleri Metensis, omnes vno consensu coram Domino Præsidente Urbis, & ditionis Metensis, congregati, illi præfatam oppositionem scripto, eo ipso tenore conceptam obtulimus, petimusque per præfatum dominum decanum Cathedralis Ecclesiæ illis concedi, prout ipsorum opposi-

eione continetur, & petitur, Qui dominus Præses audita, dum illi ab vno ex nostris notariis publicis distinctè, & clarè legeretur, oppositione, respondit, se non posse executionem Regiarum litterarum differre quoad rem in illis expresse contentam, tamen se non obstare quominus ipsi sibi apud suam Maiestatem prouiderent intra mensem, quem illis ad id concessisset. Quo audito responso, præfatus dominus decanus Iacobus Foës, nomine cleri vniuersi de spoliatione, violentia, atque insultu protestatus est, prout in præfata oppositione continetur. Quo facto omnes præfati domini ex toto clero conuocati cum versus Abbatiam S. Arnulphi se contulissent, ibique inuenissent D. Nicolaum Maguin, & D. Georgium Foës duos ex Tredecimuiris, qui se eo missos, & à Domino præside ob corporis valetudinem domi detento deputatos dicerent, vt præfatas regias litteras executioni mandarent, vnaque cum illis Procuratorem Regium id ipsum agentem, præfatus decanus nomine totius cleri, prout supra dictum est, illis omnia præmissa oppositione compræhensa postquam obiecisset, & exposuisset, illa clare & dilucide iterum per ipsum præsidis scribam eum præsentem perlecta, ipsis eadem, quæ dominus Præses responderat iterantibus, se aliud agere non posse, nisi vt regias litteras suo ipso tenore concepto executioni mandarent, non tamen

se ob stare quominus sibi apud Regem postea consulerent: iis auditis præfati domini ex clero congregati per præfatum decanum in suis protestationibus de vi, de spoliatione, & de iniuria perstiterunt. Quo eodem instanti præfatus regius procurator cum religiosos sancti Arnulphi in capitulum convenire, iussisset, responderunt omnes nolle se eam ob rem convenire, quare ipsius procuratoris instanti rogatu, Pistrius domini præsidis apparitor omnia Abbatiae temporalia bona inuasit, ut ab œconomo deinceps iuxta regias litteras administrarentur Sennetonin nomine, iussione ipsis DD. Priori & religiosis omnib. nomine Regis facta, ne se impostero gubernationi, aut administrationi bonorum temporalium Abbatiae de cætero immiscerent. Cui iussioni prædicti DD. Prior, & religiosi, totius conventus nomine intercesserunt, ac iuxta præfatam oppositionem protestati sunt. Cuius rei actæ cum præfati domini cleri Metensis principes, una cum DD. Priore & religiosis prædictis authenticum instrumentum à nobis notariis publicis infra scriptis exegissent, hoc tenore illis concessimus, ut eo quoties, & ubi opus erit in iure, atque extra utantur. D. Marchal notarius. D. Thiebaud notarius.

Igitur in certo, & periculoso metu vaticinati sumus: & cum vastum familiaræ

incendium instare prospiceremus, non iudicauimus consultandum diutius esse vtrū flammās iam vitalibus visceribus nostris crepitantes effugeremus. Atque hoc illud est quod causā fuit, ne ad nostram postulationem decantandam cymbala, aut crotala, aut bombardas adhiberemus, aut sepulchra cadaueris commoditatem expectaremus. Omnia tamen de cætero scrupulose obseruauimus: ut enim in iis, quæ postulationem præcedunt enucleandis, nihil omittamus.

Deliberationem Abbate defuncto habuimus de cætero, ut iuris, & moris est, atque adeo mature intra trimestre canonicum Concilio Lateranensi, & concordato Germanico satisfacimus, imo vniuerso iuri canonico. c. ne pro defectu. 41. de elect. cap. postquam. 50. dist. c. obeuntibus. 63. dist.

Locum imprimis idoneum captauimus, scilicet sacrum capitulū ad diuina altaria: iura enim Pontificia sanciūt electores omnes. *Qui velint, & debeant, & possint commode interesse*, in certum locum conuenire, nec sufficere consensum singulorum priuatim domi, aut alibi traditum, ut notant Innocentius, & alij in cap. quia prop-

ter. de elect. & habetur in cap. in Genesi.
 55. de electione. Locus autem singulari-
 ter idoneus est capitulum. cap. in causis. de
 elect. vel in alio quopiam honesto loco,
 Rota decif. 288. incip. maior pars domi-
 norum. nu. 2. in nouis. ca. qua fronte. 25. de
 appellat. & pulchra glossa ad cap. cum ter-
 ra. in cap. in nomine domini. 23. dist. capit.
 præceptum. 12. qu. 2. Nam certè, & in pro-
 phanis Sceuola refert. li. 50. Pandect. tit. 9.
 municipij lege ita cautū fuisse. *ἰὰν τις ἔξω τοῦ
 συνεδρίου, διαβῇ τὸν τοῦ συνεδρίου εἰσέδω, si quis*
extra synedrium indicauerit, synedrio seu ordi-
ne priuetur. Nos in capitulum ergo con-
 uenimus.

Addit Concilium Basileense in §. &
 cum humanæ fragilitatis. de elect. in pra-
 gmat. sanction. Conuocatione facta, antequam
 electionis locum ingrediantur electores, missam
 audiant de sancto Spiritu, cuius gratiam implo-
 rent, vt de digno pastore inspirare dignetur.
 Non ait de milite, aut de aleatore, aut de
 comestore, sed de pastore digno. Nos
 in eum finem, iam clara, & radiosa die per
 vnum è nostris dominū Fr. Claudium A-
 lemannum, Missam de Spiritu sancto rite
 præmisimus, atque haud dubie de digno
 pastore postulando inspirati fuimus.

Rursus postquam electores conueniant, debent habere tractatum antequam eligant. gloss. in cap. in nomine Domini. ad verbum tractantes. 23. dist. cap. in Genes. de election. Qui tractatus est veluti apparatus ad electionē, in quo si opus est, nominantur virinque plures, qui videantur digni electione, & fit collatio personæ ad personam, zeli ad zelum, meriti ad meritum. c. in Genesi. ca. humana. de electione. Nos eum tractatum studiosè præuiū simul omnes habuimus. Omnia contulimus, diem, quæ vnica, commoda esse poterat, scilicet præsentem, & solam tutam electioni indiximus, aliam nullam, quæ sine ingenti detrimento nostro indiceretur in toto calendario inuenimus. Eodem in loco, omnibus anathemate proposito, Prior claustralis monitionem acerrimam de more habuit, omnesque sincere coram Deo de suo quemque munere commonefecit. Postea tractatu exacto, hora condita, in locum destinatum affluunt omnes, genibus flexis, hymnus Spiritui sancto decantatur: orationes solitæ præmittuntur, denique cætera omnia, quæ ex ritu fieri solent, ante electionem, à nobis fuisse, omni exquisita religione, seruata.

Iam in

Iam in ipsa electione , quæ tenenda sunt, in eligendi modo, & in ipsa electione consistunt. Modi electionum tres numerantur. 1. Per scrutinium. 2. Per viam compromissi. 3. Per viam inspirationis Spiritus sancti. Hæc tertia potissima, & diuinissima est, quâdo omnes de collegio, veluti vno ore in vnum consentiunt, eumque eligunt, aut postulant. cap. quia propter. de elect. in ea enim methodo vix fieri potest, quin Deus dominetur, qui in medio trium consentientium se adfuturum pollicetur, vti à schismate, & diuisione semper abest: nusquam enim magis abesse potest omnis simoniæ, ambitionis, & corruptionis suspicio, quàm cum omnes vno Spiritus sancti instinctu afflati conueniunt. Hanc nos rationem, & quia temporari, quod nobis suspectissimum erat; magis idoneam, & quia sanctiorem in postulando adhibuimus, nemoque nostrum fuit, qui non magno quodam sensu voluptatis, & pietatis, imo quidam cum lachrymis effuso gaudio manantibus, non statim, & sine vlla hæsitacione consenserit. Itaque non potuit magis esse concors, magisque solennis.

Post electionem petitus à postulario ca-

K

dem ipsa hora consensus fuit, id enim fieri primo quoque tempore iubetur. c. quā sit. 6. de election. in sext. Quod si electus aut postulatus sine superioris licentia consentire non possit, utpote alteri ecclesie addictus, electores, atque electus facultatem à superiore, cuius id muneris est, quā maxima fieri potest celeritate, repetere debent. d. cap. quam sit. & cap. si religiosus. 2. de elect. in extravag. communibus. videlicet ne ex diuturna mora grex pastore destitutus detrimentum capiat. Ergo illa ipsa statione postulatus, nulli alteri ecclesie obstrictus, tum postulationi consensit, tū instantissimæ religiosorum petitioni, ut religiosum sancti Benedicti habitum susceperet, quod eo libentius facere se spondit, quod non ita commendas, nisi quæ utilissimæ essent ecclesiis vnquam probauerit, ideoque sibi certum esse Abbatiam absque habitu regulati non admittere.

Præterea cum quidam, qui ad illam Abbatiam inhiabant illa postulatione, de qua iam rumor Urbanus increbruerat, ulcerati, iactare cepissent, quod, & postea variè disseminarunt, postulationē irritam, & vanam esse, quod ante cadauer Abbatis humatum facta fuisset, post funeris exe-

quias, cum tamen adhuc atria, atque aditus à militibus tenerentur, statim qua maxima potuimus dexteritate gliscientes in capitulum; & quasi aliud agentes ad omnem cautelam, iterato omnes postulationem ante funus exactam confirmauimus; quam cōfirmationem maiore conuentus sigillo, & nostris subscriptionibus communiuimus.

Denique quia postulatio debuit intra tres menses præsentari, tum ex concordatis Germanicis, tum ex iure canonico; postridie quam postulauimus, per veredarium; tum ipsam postulationem, tum illius confirmationem exacto funere repetitam; summo Pontifici Romam, summa diligentia; admittendam, misimus. Imo ad extremum cum solemni mendacio, tum Romæ, tum in aula Regia ad res miscendas maleuoli confinxissent, aliquos ex nostris reclamasse, quæ ingens fuit, & inusitata calumnia, tertio in capitulum omnes iterato conuenimus, post octauum à postulatione mensem; in illo tam diuturnæ dilationis interuallo, & vno consensu, quam maxima fieri potuit solemnitate, atque quantum per sacros canones liceret, ratam ac fixam postulationem, nemine penitus;

vel leuiter dissentiente habuimus, hoc anno 1612. die 2. mensis Martij, quæque authenticè tum fuerūt acta rursus sanctitati suæ proposuimus. Imo cum iam ab initio grauissimas, quæ deinde subortæ sunt præuiderimus tempestates, concepto inter nos iureiurando, omnes vno consensu sanciuimus, vt ille ex nostro numero, qui quantum ex nostra parte esset, aliud agere, quam actum fuerat aggrediretur, grauissimis poenis subderetur: maximè vero si vel leuiter in Sennetonum vlla ratione, aut vllò deinceps tempore consentiret, cum indubitatum haberemus, vt supra dictum est, illum id vnum in animo habere, ideoque Abbatiam tanta contentione expetivisse, vt pignora quæ tenet, quibus duæ tertiæ partes reddituum Abbatiæ continentur, alienet in perpetuum, & paternæ hæreditati commisceat. Patet igitur nihil ad omnes perfectæ postulationis numeros à nobis prætermissum fuisse.

ADDIMVS tametsi quoad formam aliquam manca postulatio, imo prorsus reiecta fuisset, non ideo nos iure nostro eligendi esse priuatos, neque ea de causa personam postulati nostri respui posse: **I.** Supra ca. 3. ostendimus ius electionis dua-

bus tantum de causis posse deuolui; vel ratione personæ, quæ cum notoriè criminosa, & indigna esset, postulata fuerit; vel ratione formæ, cum aliquis in ipsa postulatione defectus essentialis inciderit. 2. Ibi-
dem demonstraui-
mus luculentissimè cum vitio personæ postulatio respuitur, ius ipso facto ad Pontificem deuolui, cum vero vitio postulationis non admittitur, ius nō deuolui ipso facto, sed tantum posse per sententiam summi Pontificis deuolui, adeoque defensionis locum esse relictum postulantibus, nisi eligendi formam, in capit. quia propter. de elect. præscriptam, non seruauerint: nam tum etiam ipso facto ius deuoluitur. Nos vero eam exacte obseruauimus, cum per viam Spiritus sancti postulauimus, vt patet in textu. 3. Iam iam apertè conuicimus nullam perfectionē nostræ postulationi deesse, adeoque nulla ex causâ reiici posse. 4. iam addimus porro etsi propter formā reiecta esset, siue per sententiam, siue alio modo, ius tamen de nouo eligendi penes nos adhuc integrum esse, neque ideo postulati nostri personam respui posse, cum idem perfectiori postulatione possit de integro postulari. Sanè pro hac sententia adeo mani-

festi sunt canones omnes, adeo consentientes omnium Canonistarum sententia, ut non sit admodum laborandum, nisi ut ipsi nudi textus expendantur. Certè canon integer is est. in i. de election. super eo vero. *Super eo vero quod querere voluisti, si alicuius electione cassata, idem ad alterius Ecclesie regimen electus fuerit, an eius electio debeat confirmari: hoc tuam volumus discretionem tenere, quod si prior electio non vitio personæ, sed modo electionis cassatur, promotionem eius, in eadem etiam Ecclesia (nisi fortè simoniaca prauitatis aliquid intercessisse constiterit) non debeat impedire. Quem ad textum glossa pulcherrimè. Nota quod cum cassatur electio propter modum electionis, nihil imputatur electo, nec in alicuius notam infamiae incidit, & sic poterit eligi iterum. Vbi Doctores consentientissimè idem asserunt. Hæc Panormitani pauca sufficiat. Et generaliter potest dici quod qualitercumque electio retractetur, sine vitio, vel defectu electi, nunquam talis cassatio habet impedire promotionem electi, &c. Fusius autem illa pertractat, sed pluribus nihil est opus. Hoc tantum notandum singulariter, quod addit in fine commentarii. Sed quero, quid si electio fuit cassata simpliciter, & non appareat an vitio personæ, an vitio formæ, dic concludendo quod aut*

opponebatur solum contra personam, & præs-
 umitur cassata vitio personæ; quia sententia debet
 simpliciter intelligi secundum acta. Aut opponebatur
 solum contra formam, & præsумitur cassata vi-
 tio formæ, ratione prædicta. Aut opponebatur cō-
 tra formam, & contra personam; & tunc in du-
 bio præsумitur cassata vitio formæ: quia facien-
 da est in odiosis benignior interpretatio, ut ff. l.
 si præses, & l. interpret. eod. tit. & in simili fa-
 cit bona glossa. in §. suspectus. instit. de suspect.
 tutor. Hæc Panormit. & cæteri cum illo
 Doctores. In quibus Gregorius enuclea-
 rius rem explicat. tract. de elect. ca. 19. vbi
 postquam docuisset ipso facto, duabus tã-
 tum de causis ius ad summum pontificem
 deuolui, vel cum notoriè criminofus
 scienter fuisset electus, vel cum forma. in
 cap. quia propter. contempta fuisset, hæc
 tandem addit, quibus negotium omnino
 concluditur. In aliis vero casibus superior sem-
 per irritatam electionem, ad eosdem electores re-
 ficiendam tenetur remittere, veluti si propter cri-
 men occultum electi irritetur. c. innotuit. de elect.
 vel quia electus erat indignus, ut corpore. vitia-
 tus bigamus, irregularis, secundum Ioan. Andr. ad
 cap. odia. de regul. iur. in sext. in Mercuriali. Vbi
 & notat poenas. c. cum in cunctis. §. cleri. de elect.
 habere tantum locum in casibus ibi expressis, &

in d. cap. dudum: poena enim sunt restringenda.
 d. cap. odia. Idem dicendum si electio fiat irrita,
 quod unus electorum fuerit contemptus. Vel
 quando varia electiones facta, quarum nulla à
 maiori parte facta dicitur, nec à saniori. gloss. in
 cap. Ecclesia vestra. 2. in fine. de elect. Aut quia
 facta est noua electio., prima non cassata. Vel
 quando est facta electio, post legitimam appella-
 tionem. ca. considerauimus. & ibi Panormit. de
 elect. Vel quia pendente appellatione ab electione,
 facta sit noua electio. ca. prouida. 44. de elect. in
 sext. Haftenus ille: vnde clarè appareat,
 multis in casibus, etsi repulsa fuerit electio,
 aut postulatio, tamen ius integrum de no-
 uo eligendi penes electores manere, ne-
 que eo propterea posse priuari, ideoque
 ab illis de nouo personam prius electam,
 aut postulatam posse eligi, aut postulari.
 Ac ne quid scienter omittere videamur, si
 quis ambigat vtrum quæ in cap. quia pro-
 pter. & alibi de forma electionum dicun-
 tur, etiam de postulationibus sint accipiē-
 da, ne nimij simus in singulis hæc à Panor-
 mit. in illud cap. quia propter. pauca suffi-
 cient. *Quæro secundo nunquid formæ huius ca-
 pitis necessario sint seruanda in postulatione, cum
 textus solum faciat hic mentionem de electiōni-
 bus. Dic quod duplex est postulatio, quedam mi-*

nus solemnus, per cuius admissionem non consequitur postulatus ius praelaturæ, sed habilitatur ut possit eligi, & tunc non est seruanda dispositio huius capituli, cum debeat seruari postmodum in electione facienda, exemplum cum postulat laicus, ut faciat se promoueri ad ordinem sacrum, ut possit eligi. Quædam est postulatio solemnus, per cuius admissionem consequitur postulatus plenum ius, ita quod admissio facta per superiorem habet vim electionis, & confirmationis, & tunc debet seruari forma huius cap. quia satis talis dicitur, electus habito respectu ad futurum, & pone exemplum in c. scriptum. infra eodem. & in ca. Bona memor. de elect. 2. Et vide quod dixi in 1. de postulat. praelat. & hanc opinionem firmavit Innocent. c. in causis. Certè hæc cum superioribus. plane consentiunt, ubi in omnibus postulatione concordem, cum electione pari passu procedere, tam multis modis demonstratum est.

OCTAVVM.

TANTVM VERO ABEST,
 vt postulati nostri insignissimi viri per-
 sona reijci possit, vt quamuis nullum
 ius concordati, nullum indulti, neque
 eligendi, neque postulandi haberemus,
 ipsaque Abbatia purè ac nudè ad suam
 sanctitatem spectaret, omnes tamen
 sperare deberent à summa illius cle-
 mentia, paternaque providentia, illum
 cuius aliq̃ anteponi debere. Imò etsi
 aliquo vitio nobis incognito reiectus
 esset, non ideo tamen nos iure nostro
 eligendi decidissemus, cùm innocentes
 mulctari non possint.



GI TVR, cum isti nostræ Ab-
 batix petitores ardentissimi
 probè vidissent, nihil esse
 omnino, quod vel contra
 concordata Germanica, vel
 contra ius nostrum postulandi, vel contra

ipsam postulationem obiici posset, in id vnum omnibus furiis coniuratis incubuerunt, ut postulati personam omni extraordinaria conspiratione impeterent. Quod ipsorum fuisse consilium, iam à principio, præcipuus calumniarum architectus ipse propalam, id futurum esse fuerat comminatus. Cogimur igitur illorum impudentia impudentes esse, nosque contra vim sub moderamine inculpatæ tutelæ defendere. In quo tamen moderatè agere, & vel pro nostri postulati modestia erubescere volumus, ne omnia, quæ ad eius commendationem dici possunt referamus, cum sufficere possint, quæ de illo modestissimè supra. cap. 3. cum de vtiliori, & digniori persona dictum est, recensuimus, certè multis partibus inferioribus quæ boni omnes non Metis solū, sed toto Galliæ Regno de illo sentiunt, & restantur, & prædicant. Quia tamen quosdam desperata cupiditas vltra omnes Christianæ modestiæ limites furiosissimis quibusdam stimulis exportauit, ne nostro silentio vel insolescat improbitas, vel triumphet impudentia, hic tantum generatim calumniæ fontes aperiemus, eo quòd calumniatori præcipuum, insitum, ac naturale soleat

esse, vt super omnia delitescere, ac sese hypocphantarum suppliciis, præfocato facinore, latenter eripere possit. Nihil enim est adeo Barbarum, atque immane, quàm ex auiditate prædæ famam alienam lacerari, idque nulla specie iudicij, aut veritatis, maxime vero ab iis qui Christiani, quid si Religiosi: quid si præcipua pietate spectabiles videri volunt? Hoc vero non modo furtum, rapinam, apertum latrocinium, & quod vis homicidiû, verum, si adhuc Evangelio creditur omnē laruatā hypocrisim, quin etiam Canibalum ipsorum immanitatem superat; vt de illis Pontifex nominatim illa dixisse videatur. ca. Auaritiæ. de elect. in sexto. *Auaritia cecitas, & damnanda ambitionis improbitas aliquorum animos occupantes eos in illam temeritatem impellunt, vt quæ sibi à iure interdicta nouerint, exquisitis fraudibus usurpare conentur.* Quo in canone singillatim in sequentibus isti homines quasi digito designantur, & ad hanc Abbatiam ex iis quæ iam egerunt, in perpetuum ostenduntur inhabiles. Crudele est dicere quid de viro integerrimo Romæ, quid Parisiis, quid Metis ex eorum relatione, qui Romæ sæuebant, isti iactarint. Inter criminosissimos numerare, horrendas minas inten-

tare, inauditas falsitates spargere illis ludus, & iocus fuit. neminem baiulum, non dico ex rusticanis præbyteris infimum, indignius vnquam vidimus tractari, calcari, fædari, lacerari, laniari, quàm illum virum, quem boni omnes, & verè Catholici tota Gallia suspiciunt, diligunt, admirantur. Atque quod caput est, si spectemus à quibus hominibus ista iactata sint, certè comperiemus ingentissimis, iisque publicis, & præiudicatis criminibus inquinatissimos, suis fædis factis se ad omnia beneficia inhabiles pridem reddidisse, omnibusque sacris anathematibus palam infames. Nam quantum crimen est Abbantias, alias vendere, emere, cauponari, alias simoniace habitu laico contra ius fasque possidere; alias inuitis Religiosis per vim sub pignore occupare, & distingere; alias diripere, & spoliare, & per administratores hæreticos fædum in morem deuastare; summorum Pontificum diplomata eludere, fraudare, impedire voluisse, Religiosos ad alium postulandum manifesto ambitu, intentato metu, proposito lucro, pellicere, deinde etiam ingentissimis proditionibus, atque inauditis machinis impellere, atque adigere voluisse; hæreticorum operam ad hæc

omnia adhibuisse, cum illis diu, noctuque consilia communicasse, per eos calumnias ventilasse; in functionibus spiritualibus sordidissimos questus cōtra canones diocesanis sæpe spoliatis fecisse; vsurarium, & faneraticium lucrum passim exercere: in omnium pene oculis mulierculas ad stuprum, ad adulterium, atque ad omnē facinus frequentare; Catholicorum arcana consilia hæreticis peruulgare; cum illis rem Christianam inter aleas, inter pocula, inter cachinnos quotidianos proderet: cōcionatores Catholicos, qui nostra memoria Metis vitia insectari, aut Catholicè, & piè concionari voluerunt, omnes ad vnū vexasse, eiecisse, infamasse, idque sæpius implorata hæreticorum ope, & tentasse, & fecisse. Non exprobramus omnia: neminem volumus nominare, ne vel cum iusta nostra defensione alicuius vel leuem infamiam coniungere velle videamur. Si opus erit, & si sua Sanctitas voluerit, illi ea aperientur de istis hominibus, quæ exhorrescat. Inter hæc omni dolo latere volunt: sese miris artibus clepunt: id si esse posset, ac nisi suo scelere proderentur, cuius fama tuta, aut salua esset? Contrà sanctissimi canones huiusmodi pestes omni vocifera-

tione prodi, omni supplicio seuerè ma-
 ri decernunt: qui si apud suam Sanctitatem
 solum, aut in iudicio egissent, calumnia-
 torum crimen effugere poterant: iam cum
 sparsis per totam Galliam rumoribus, at-
 que mendacijs, imò litteris, & libellis per
 se, & suos disseminatis, publicè suo se ipsi
 iudicio sycophantas, & parum Christia-
 nos prodiderint, hoc vnū à sua Sanctitate
 deprecemur, vt abiecta larua eos prodire,
 ac sese ex antro efferre imperet: id enim
 omnia iura Põtificia sanciuerūt. Ecce ma-
 nifestum canonem. in sext. ca. vt circa. de
 electione, & electi potest. *vt circa electiones,*
postulationes, & promissiones ecclesiasticas, viam
malitijs, prout est possibile, præcludamus, ne diutius
periculose vacent Ecclesiæ, vel personarum di-
gnitatum, & aliorum beneficiorum Ecclesiasti-
corum promissio differatur, edito perpetuo prou-
idemus, vt si quando aliqui electionibus, postula-
tionibus, vel promissionibus se opponunt, propo-
nendo aliqua contra electionis, postulationis, seu
promissionis formam, aut personas eligentium, vel
electi, siue illius cui erat promissio facienda, vel
facta, &c. in instrumento publico, seu litteris,
super oppositione confectis, omnia, & singula ex-
primant, quæ in formam intendunt obijcere, vel
personas: coram personis authenticis, aut persona,

quæ super hoc testimonium perhibeat veritati, corporali præstito iuramento, quod credunt ea, quæ sic exprimunt esse vera, & se posse probare. Alioqui eisdem obijciendi aliqua, quæ non fuerint in huiusmodi litteris, vel instrumentis expressa potestatem sibi nouerint interdictam, &c. Pœnas autem contra non plenè probantes, ab Innocentio indictas, in extremo capite decernit calumniatori infligendas. Certe tantum hætenus calumniatorum malitia potuit, vt iam vndecim menses, & eo amplius fuerit (nam vnus ex illis se nobis saltem per annum facturum negotium initio dixerat) dilata nostra postulatio. Pœnæ autem grauissimæ, quæ ab Innocentio infligi iubentur non probantibus, proponuntur in ca. statuimus. de elect. & elect. potest. in sext. Qui plenè non probauerit quod in formam opponit, ad expensas, quas propter hoc pars altera se fecisse docuerit, condemnatur. Qui vero in probatione defecerit, eius quod obijcit in personam à beneficiis Ecclesiasticis triennio nouerit se suspensum, ad quæ si infra illud tempus propria temeritate se ingesserit, eis ipso iure perpetuo sit priuatus, nullam super hoc de misericordia spem, aut fiduciam habiturus. In canone autem. sciant cuncti. ibidem. qui conati sunt quouis modo efficere, vt eligerentur, aut postularentur,

tur, deinde quod id obtinere non potuissent, conuentum, & electores quauis ratione vexarunt, aut etiam ipsorum consanguineos, quanto magis ipsorum electū, & postulatū? ipso facto excommunicati declarantur in hæc verba. *Sciant cuncti, qui clericos, vel quasilibet alias personas Ecclesiasticas (ad quas in aliquibus Ecclesiis, Monasteriis, aut aliis piis locis spectat electio) pro eo quod rogati, seu alias inducti cum pro quo rogabantur, siue inducebantur eligere noluerint, vel consanguineos eorum, aut ipsas Ecclesias, Monasteria, seu loca cetera bonis suis per se, vel per alios spoliando, seu alias iniuste persequendo, grauare præsumpserint, se ipso facto excommunicationis sententia innodatos.* Equidem qui potissimum nos vexarunt ij fuere imprimis, qui vel se postulari etiam ante Abbatis obitum, contra omnes sacros canones, sacrilegè ambiuerant; vel qui in Abbatiam per vim inuolare, illamque spoliare voluerunt: nam paulo ante, oppositionem vniuersi cleri Metensis de ipsorum violentia, iniuria, & spoliatione protestantis attulimus: equidem illorū artibus iam effectum est, vt ad duo aureorum millia, eaque mutuo accepta expendimus.

Enimuero, vt vno verbo multa perstrin-

L

gamus, quæ prolixè, & authenticè, & iuridicè, si sua Sanctitas iusserit, detegentur, tria potissimum hominum genera nos, & postulatam nostrum omnibus artibus diuexarunt. Primum genus ille camerarius Lotharingus Flauinius, & Sennetonus, quique in his partibus ipsorum negotia tractant. 1. ipsi coram grauissimis testibus confessi sunt, vnum è Lotharingi fratribus præcipua calumniarum capita contra postulatam Romam misisse. 2. sexcentis testibus Metis probabitur, qui Lotharingi negotium, agebant palam, & vica tim easdè calumnias ex hæreticorum, & aliorum maleuolorum ore collegisse. 3. certis, & grauib. testimoniis conuincetur, ipsosmet præcipuas calumnias excogitasse, & sparsisse, easdèque ipsas postea pernegasse: imo in ipsis Metensium oculis multos subornare conatos fuisse, vt vel de postulato detraherent, vel de illo honorificum quod vltro dare vellent testimonium recusarent, multa que alia Christiano homine indignissima tentauisse. 4. eadem ipsa, collatis diu noctuque consiliis, Sennetoni actores præstitisse, clara, & coniurata, & omnibus Metensibus nota maleuolentia, imo semper huc vsque in

viciis, in foro, vbique iactasse, & iactare hodie, idque sponfionibus, & grauissimis iuramentis confirmare; Sennetonum, etsi hominem ensiferum, armatum, illiteratum S. Arnulphi Abbatem, pro certo futurum, pensionem verò annuam cuiuspiam alteri (alij Lotharingum, alij alium nominant) mille nummum aureorum facturū: quin etiam nuperrimè Romam ad consensuendū pensioni procurationē vna cū professione fidei transmisisse, quæ hodie asseuerantissime ab illis dicuntur, scribuntur, iurantur. Quo iure, qua via, quo nomine, id possint, nemo aut suspicari, aut dicere potest. Iure certè nemo est qui credere queat illos debere, aut posse, vllā vel excogitata ratione postulato nostro anteponi. Secundum genus hominū à quo vexati hætenus fuimus, sunt Hugonothi, quibus illi, de quibus modo dictum est, ad omnia vel fabricanda, vel exequenda, vel spargenda sunt vsi. Nam Abbas defunctus semper vsque ad obitum, & conomnis Hugonothis est vsus, qui omnia Abbatia bona tot annos domestice, & pro sua libidine administrarunt, idemque sibi in posterum sperandum esse statuerunt, si Sennetonus fratri Abbati succederet: nam &

ipse Sennetonus hodie ad ea quæ pignorum loco occupat etiam æconomis Hugonothis, atque actoribus vitur. Quare qui primus illi nuncium de fratre defuncto per Veredariū dedit, fuit Hugonothus, qui & postea multis mensibus totum Breueri, & æconomatus negotium pertractauit. Præterea is qui à Sennetono Metas missus fuerat, ut hæreticorum rumores contra nostrum postulatum iactatos colligeret, apud Hugonothum diuertit. Ad hæc cum vnus ex Sennetoni Actorib. apud Gubernatorem delatus fuisset, quod publice quasdam eius generis calumnias impudenter iactaret, authorem suum alium nisi Hugonotum prodere potuit, eumque illum ipsum, apud quem ille Sennetoni collector hospitio diuerterat. Denique, qui ad nos primus, ut electioni nostræ obstar, aduolauit, uti supradictum est, Hugonothus extitit, qui deinde etiam alia quamplurima ad eundem finem aperte tentauit, isque denique ille ipse fuit apud quem potissimum Lotharingi actores, itabant, ventitabant, quoties noua aliqua consilia contra postulatum nostrum molirentur. Tertium genus eorum, qui nobis aduersati sunt, & qui in præcipuis techna-

rum authoribus numerantur , ij sunt ex laicis, atque ecclesiasticis, tametsi paucissimi , qui quamquam specie, & nomine Catholicis , tamen semper hæreticorum negotia Metis , magis , quàm ipsi hæretici promouerunt : Nam si qui concionatores iam à quadraginta annis acrius in impurissimos ipsorum mores inuehi, perditam, & profligatam ipsorum vitam emendare conati sunt , illos verò omni calumnia, omni vexatione, omnique malo ita affligerunt, vt eos vrbe cedere gestientibus, & plaudentibus , & triumphantibus hæreticis sæpe compulerint. Possumus quinque , sexve concionatores celeberrimos proferre eo modo tractatos, abactos, cruciatos. Possumus eorum quæ asserimus plusquam quinque Catholicorum testium millia suæ Sanctitati producere, vt ingemiscat nullum omnium hominum, qui hodie viuunt, memoria, concionatorem Metis per istos in vinea Domini tranquille colenda consistere potuisse. Atque ne etiam gratis , ipsorum more, ista confingere videamur , suam Sanctitatem humillimè exoramus , vt quæ de isto genere illustrissimus Cardinalis Gyurius Episcopus noster bonæ memoriæ , testis o-

L iij

culatus , & certus ad suam sanctitatē paulò ante obitum in commendationem postulati nostri ipsemet scripsit recorderetur, facile ex paucis multa coniiciet.

Immemorabiles verò, & inexplicabiles machinæ fuerunt , quibus isti hucusque grassati sunt. Atque ut omittamus nos, totumque conuentum ab illis inauditis artibus fuisse tentatos, appetitos, sollicitatos, & sexcenta alia machinamenta ab illis dolosè , & contra fas, quibus vix fidem sit habitura posteritas, fuisse admota; hoc ante omnia pertentarunt , ut postulatam nostrum suæ Sanctitati odiosum, Regi suspectum, omnibus inuisum redderent. 1. Super omnia hoc quotidie Metis ex Lotharingi , aut eius Actorum litteris; hoc sexcenties Parisiis ex variorum sermonibus, hoc Romæ publicè, ac solemniter iactauerunt suam Sanctitatem tanto odio, tanta indignatione, imò tanta nausea nostrum postulatam execrari, ut vel ipsius nomen ad aures admittere, non dico eius rationes audire velit: vique eo eruperunt, ut Roma etiam scripserint cum illis male actum iri, qui apud sanctam sedem eius causam agerent: alia insuper horrenda addiderunt, de quibus illos ip-

fos pudet, cum apud se recogitant. De iis
 omnibus primum noster postulatus apud
 te, Nuncie illustrissime, conquestus est:
 illi denunciaſti, & certo affirmasti, quæ
 de summi Pontificis erga illum indigna-
 tionē iactarentur, vana esse atque fictitia,
 teq. longè aliud de optima Pontificis ma-
 ximi in illum, & propensissima voluntate
 cognouisse: quare nihil esse quod illa vul-
 gātibus fidem haberet. Iis non contentus
 eadem ad illustrissimum Cardinalem de
 Giury, bonæ memoriæ, prolixè scripsisti,
 non solum suam Sanctitatem optimo in
 postulatum esse animo, & qua esse consue-
 uerat propensione, verum omnino sta-
 tuisse, nihil de Abbazia statuere imposte-
 rum, donec illius rationes exactissimè au-
 ditæ fuissent: quod nunquam præstitisset,
 ut postremis litteris addidisti, nisi præfati
 postulati personam charam, & commen-
 datissimam habuisset. Quare etiam fan-
 tissimus ille Cardinalis sæpe postulatum
 nostrum hortatus est, ne iis quæ de suæ
 Sanctitatis aduersus illum indignatione ia-
 ctabantur, vllō modo fidem haberet: id
 enim sibi in mentem venire nullo modo
 posse. Et fanè quis non videt diabolicum
 planè inuentum magis, quàm calumniam

L iiij.

extitisse, cū recogitauerit, quàm paterna beneuolentia semper illum sua Sanctitas prosequi dignata sit? Primum in illa controuersia, quæ illi cum Iesuitis Romæ fuit, adeò illum exquisita clementia, & pontificia benignitate suscepit, ut & summis priuilegiis auxerit, & magnis honoribus decorarit, & suam ipsam sanctitatē de tota controuersia iudicem esse voluerit, imò illum sub sanctæ sedis Apostolicæ protectionem, atque tutelam receperit: quæ omnia ex *Vixæ Vocis oraculo* patet, quod illi sua Sanctitas per illustrissimum Cardinalem de Giury illius controuersiæ tū Romæ disceptatorem, & quæsitorem expediri iussit. Nec eo stetit pontificia illa, & paterna benignitas: nam postea cū audiisset ingentes fructus, quos Metis, suis concionibus reportabat, iterum ad præfatum Dominum illustrissimum Cardinalem sua Sanctitas per illustrissimum Cardinalem Lancfrancum scripsit, quanto in pretio præfatum Dominū postulatum haberet, ideoque cupere se, ut qui primus canonicatus in cathedrali ecclesia Pontificiæ collationis vacaret, illi seruarietur: quod & ita factum, nec rebus verba potiora fuerunt: primum enim canonicatum, qui

breui deinde vacauit, illi sua Sanctitas ne quidem cogitanti contulit. Quare sapientissimi quique, qui illa re ipsa spectauerant, quique multas litteras tuæ Illustrissimæ Dominationis ad præfatum Illustris. Card. Gyurium, de egregia summi Pontificis in D. Valladerium voluntate viderant, statuebant omnes, quæ de illa noua in ipsum indignatione circumferrentur, fabulas esse, atque hominum maledicorum inuenta. Qui etiam eo impudentiæ præcipitati sunt ad calumniam colorandam, vt passim peruulgarint D. postulatum nescio quæ aut fecisse, aut dixisse, aut scripsisse, quæ sanctam Apostolicam sedem offenderent. Quæ vt horrèda diaboli cõmenta fuisse vno verbo conuincamus, totum Galliæ Regnum, nedum vniuersam Metensem ditionem testem exhibemus, ex omnium concionatorum numero, neminem penitus hoc seculo pro sancta sede Apostolica clarius, audacius, & generosius, & maiori zelo in media Gallia decertasse; imo maiores ea causa magnatum offensiones contraxisse: de quo te vnum locupletissimum quidem certè in his partibus oculatissimum nuncium Apostolicum testem appellamus: vt & Illustrissimum Cardinalem Gyurium

dulcissimæ memoriæ, qui Mense Decem-
bri elapso ad suam Sanctitatem de doctri-
na, moribus, zelo, & singillatim in sanctam
sedem ardentissimo studio præfari postu-
lati grauissimè, & verissimè, ipse domesti-
cus & oculatus testis, & æquus, atq; incor-
ruptus arbiter scripsit: imo alias litteras
eiusdem argumēti dedit ad Illustrissimum
Cardinalem de Ioyeusa, sacri collegij De-
canum; alias ad Illustrissimum Cardinālē
Burghesium nationis Germanicæ Prote-
ctorem, alias ad te ipsum Nuncium Apo-
stolicum, alias ad Dominum de Breues,
Oratorem Regium, quas authenticas pe-
nes nos habemus, quibus egregias illius
dotes, & fructus eximios iam ab eo in his
partibus reportatos, & alia grauissima de
illius probitate, præsertim de singulari in
sedem Apostolicam zelo, & deuotione
inculcat: quæ satis esse possunt, ad illam
infamem calumniam in Tartaro vnde e-
meraserat sepeliendam. 2. Etiam in eo la-
borarunt: vt illi Regiam indignationem,
si fieri potuisset, conciliarent. Scripserat
Dominus postulatus ad illustr. Card. Bur-
ghesiū nationis Germanicæ protectorem,
eo ipso die quo fuerat postulatus, quendā
in aula Regia Breuetum de Abbazia im-

petraſſe , quare vereri ſe , ne ſi illud Breuetum locum habeat , electiones Metis tollantur , reſque ad nominationem Regiam aliquando deueniant , cui rei ſibi animum eſſe reſiſtere fortiter , modo ipſi placeret illum ea parte Pontificio fauore adiuuare. Itaque has litteras , vt piaculum quoddam neſcio vnde extortas tranſcripſerunt , concitatis veredariis in aulam ad regni principes miſerunt , Regem eo ipſo grauiffimè læſiſſe vbique diſſeminarunt , *Imo qui ſummo Pontifici in Gallia non parceret , Romæ Regi ipſi non peperciſſe.* Crudele , nefarium , & immane cōmentum. Hoc qui primi tenere , qui laudare debuerant , pro crimine læſæ maiestatis iactarunt. En Deus bone , quò præcipites homines ducit effrenata cupiditas ! Quæ illuſtriſſimo Card. Burghesio ſcripſerat , ea multo acrius etiam typis edita Regis ſanctiori conſilio pro electionum Metenſium iure tuendo propoſuit : quo in conſilio cum primaria ſint totius orbis Chriſtiani , non dico Gallici capita , nemo fuit qui illa iuſta electionum Metenſium deſenſione Regē læſum fuiſſe iudicauerit. Imo quod caput eſt , Clerus vniuerſus Metenſis generatim , & conuentus ſancti Arnulphi ſin-

gulariter ex professo ad Regem homines in id destinatos miserunt, ut cum nostro postulato contra Breuetum illum promentis Ecclesiæ priuilegiis decertarent: ut si culpa sit Breuetum infectatum esse, & nominationi Regiæ obstitisse, & in aulam statim post postulationem ea de causa conuolasse (quod etiam illi ingēti crimini verterunt) culpa sit toti Clero Metensi communis, quin etiam ipsi Regio consilio sanctissimo, cuius suprema sententia Regiē sancitum est Metensem Ecclesiam concordato gaudere Germanico, Breuetum Regium nullius momenti esse, & alia quæ illo, uti supra cap. 2. ostensum est, continentur. Quare hinc etiam manifestum est quæ maximā in postulato laudem, & gloriam merebantur, ea pro summis criminibus fuisse ab ipsius obrectatoribus ventilata. Quoad summam in Regem fidem, & obseruatiam, adeo prodigiosum esset in Gallia contrariū de D. Valladerio, aut sentire, aut dicere, ac si in luce meridiana Solem non lucere diceres. 1. Ipsum sanctioris consilij decretum magnificē de egregia illius in maiestatem obseruantia, & fide testatur. 2. Nemo in Gallia nescit quanto illum in pretio Henricus Magnus semper habuerit,

testabitur ipsa sua Sanctitas, cui illū, non semel per Regias litteras commendauit: testabuntur Metense Capitulum, arcis gubernator, omnes magistratus domus Urbanæ, ad quem Rex ille maximus separatas quibusque litteras scripsit, cum Metas eum concionatorem, & Episcopi vicarium proficisci voluisset, quibus quanti illum faceret, & quam charum illum haberet, aperiebat: testaretur, si viueret, Gyuriacus Cardinalis, ad quem Rex scripserat cupere se, vt illum prosuffraganeo sibi adscisceret, quod nisi fuisset morte præuentus se facturum prope diem esse sponderat: cuius clemētiæ Regiæ hæres filius clementissimus Ludouicus XIII. ipsaq. Regina Christianissima, Religiosissima, atq. Augustissima, ad illū ipsum semel atque iterum de illa Regia voluntate, vt suffraganei munere fungeretur, & ipsi perscripserunt; imò non semel alias ad Arcis custodem, atque ad capitulū Rex, ac Regina litteras dederunt, quibus eximias tāti viri dotes, singulare in Regiam maiestatem studium, & Regiam, qua illum prosequerentur beneuolentiam, prædicabant: vt nihil esse possit adeo portentosum, quā istos in tam claro Sole potuisse tam vana

cōmenta confingere. Ad hæc summi Pontificis, Regis, ac Regina, Cardinalis, Nuncij Apostolici, & totius Regni testimonia, addamus si placet omnium ciuitatis Mentensis ordinum solemnes, atque authenticas de nostri postulati integritate, religiosæ vitæ exemplo, & excellenti doctrina, & aliis notissimis dotibus, attestaciones. Totus clerus, arcis gubernator, vniuersi Regiæ custodiæ principes, & capitanei, domus ciuilis Catholica, omnes religiosi ordines tum mendicantes, tum ceteri, recentes, ac veterani, omnes parochi, & paræciarum scabini, & quod caput est, ipse episcopi officialis, officio ex professo iuridice functus, separatim omnes, perspectâ publicè de præfato Domino postulato veritatem, tum quoad mores, tum quoad doctrinam, aliaque exquisita talenta, suæ sanctitati separatis testimoniis perscripserunt. Postremo, hac honorifica prædicatione non contenti nobiscum conatus suos clerus vniuersus, omnesque Magistratus, & ciues Catholici iungere statuerunt, libellumque supplicem nobiscum ipsi separatim suæ Sanctitati obtulerunt, obnixissime atque impensissime obtestati, vt adeo utilem, adeo necessarium, adeoque idoneum

postulatum ciuitati Metensi concedere dignetur, hoc maximè tempore, cum sanctissimo præfule Episcopo nostro orbatu, noui Episcopi tenera ætate deinceps magis, quàm vnquam illius opera hæc Regio hæresum colluuiatione inquinatissima indigebit. Quæ omnia adeo certa, adeo magna, adeo magnifica, si duorum, triumue anonymorum iniquissimis coniurationibus, infinitis partibus, quouis vel iniquissimo iudice, præponderare censentur, equidem confidimus omnes fore, vt nostro postulato neminè velit anteponi. Si qua autem alia, quæ nos lateant, exprobrarunt, ad suam Sanctitatem viros capaces transmisimus, qui illi de omnibus faciant satis. Illamque infimè deprecentur, ne nos diutius pastore, & parente orbatos propter iniquissimas maleuolorum calumnias esse patiatur.

VERVM TAMEN illud etiam, optima suæ Sanctitatis venia, ad extremum adiungimus, tametsi quæ diximus illa non essent; imo quanquam postulatus aliquo vitio hætenus nobis incognito, quod esse nullo modo potest, respueretur, non ideo ius nostrum ad suam Sanctitatem deuolui, sed ius eligendi integrum penes nos futurum. Nam in eo omnes doctores, omnia

Pontificia iura conueniunt, eos tantum deuolutione iuris puniri debere, qui indignum scienter elegerint, qui autē inscienter, suo integro iure gaudere. in ca. Quamquam in calu. de elect. in sext. dixerat Pontifex. *Si electores in huiusmodi Ecclesia, vel ipso iure cum eligunt scienter indignum, vel per sententiam, cum formam traditam in generali concilio non observant, eligendi potestate priuentur, &c.* Glossa addit in verbum, scienter. Secus si ignoranter, quia tunc ad eos rediret electio, & à die cessationis tempus integrum haberetur. Ut infra. eod. si electio. Rursus in illo can. si electio, quem citat, hæc habentur. *Si electio ex eo non sortiatur effectum quòd propter occultum electi vitium irritatur, electores (qui iam fecerant quod spectat ad ipsos infra iuris terminum eligendo) habebunt ab irritatione prædicta, ac si vacatio non esset, tempus integrum ad electionem aliam celebrandam, dummodo nihil fraudulenter egerint in præmissis.* Et Panormit. in r. de post. prælat. cap. gratum. in fin. Secunda regula est quod cassata electione, vitio personæ eligentes sunt priuati ea vice potestate eligendi. infra ca. cum in cunctis. de elect. Quod intellige quando elegerunt scienter indignum, secus si ignoranter. Ut in ca. innotuit. i. de elect. Est & alius textus egregius, & glossæ pulcherrimæ pro

pro eadem sententia, quæ consulantur, ne
 nimij simus. ca. scriptum est. in 1. de elect.
 Quod si vsquam diuinissimi canones lo-
 cum habere potuerunt, sane de nostro po-
 stulato magna veritatis fiducia aliquando
 claudantur. in 1. dist. 61. *Nec emeritis in suis*
Ecclesiis clericis peregrini, & extranei, & qui
ante ignorati sunt, ad exclusionem eorum, qui
bene de suorum civium merentur testimonio, præ-
ponantur. Atque ibidem. ca. nullus. Nullus
inuitis detur Episcopus cleri, plebis, & ordinis
consensus, & desiderium requiratur. Tunc au-
tem alter de altera eligatur Ecclesia, si de civitatis
ipsius clero nullus dignus (quod euenire non cre-
ditur) poterit reperiri. Habeat unusquisque
fructum suæ militiæ in Ecclesia, in qua suam per
omnia officia transegit ætatem. In aliena stipen-
dia minimè alter obrepat: nec alij debitam alter
sibi vendicare audeat mercedem, sit facultas cleri-
cis renitendi, si se viderint prægaurari, & quos
sibi ingeri ex transuerso agnouerint, non timeant
refutare.

FINIS.



26

